



ИСОҚЖОН НИШОНОВ

10

# АФГОН ШАМОЛИ

## ТҮФОН



ИСОҚЖОН НИШОНОВ

# АФГОН ШАМОЛІШ

**ТҮФОН**

Ўнинчи китоб

*Тўлдирилган қайта нашри*

  
ЯНГИ АСР АВЛОДИ  
ТОШКЕНТ  
2016

**УЎК: 821.512.133-31**

**КБК: 84(5Ў)7**

**Н – 69**

**Нишонов, Исоқжон**

Афғон шамоли: роман. Тўғон. Ўнинчи китоб. Исоқжон Нишонов. Тўлдирилган қайта нашри. – Тошкент: Янги аср авлоди, 2016. – 192 б.

ISBN 978-9943-27-828-8

Эзгулик ёвузлик устидан доим тантана қиласи. Шу кунгача жангарилаар сафида юриб Ўзбекистонда ўз хокимиётини ўрнатиш мақсадида бўлган разил кимсаларнинг топшириқларини итоаткорлик билан бажараётган Faурнинг юрагида бирдан ёруғлик пайдо бўлди. Бегуноҳ одамларнинг дарё бўлиб оқаётган кони унинг кўзини очди. Нега одамлар бир-бири билан уришяпти, ёш демай, қари демай олдидан чикқанни ўлдиряпти, деган саволларга жавобан ўз ҳаёти мазмунини ўзгартириди. Киндик кони тўкилган ватани, кўз корачигидек ардоқлаб ўстирган халқи тинчини сақлаб қолиши мақсадида Faур энди хуқуқни муҳофаза қилиш идоралари ходимларига ёрдам бера бошлайди. Ёвуз ниятли кишиларнинг режалари ҳақида маълумотлар тўплаш учун бошидан кўп қийинчиликларни ўтказади.

Ўқувчи романни ўқиши давомида қаҳрамоннинг руҳий холатларини, кечинмаларини ўзидан ўтказади ва жиддий мулоҳазалар қила бошлайди.

Асар кенг китобхонлар оммасига мўлжалланган.

**УЎК: 821.512.133-31**

**КБК: 84(5Ў)7**

ISBN 978-9943-27-828-8

© Исоқжон Нишонов, «Афғон шамоли». Ўнинчи китоб. «Наманган», 2013 йил.

© Исоқжон Нишонов, «Афғон шамоли». Ўнинчи китоб. «Янги аср авлоди», 2016 йил.

## ДОШИ

Сайд Ҳалил билан Аюбхон нима қилишни билмай турган жойларида қотиб қолишиди. Қочишининг, қаршилик кўрсатишнинг иложи йўқ. Биргина ножўя ҳаракат қилишса, қаршиларида турган нотаниш одамлар қўлидаги қурол учидан чўғдек учиб чиқадиган қўргошин парчаси иккисининг кўкрагига қадалиб, ер тишлатиши мумкин. Аюбхон никобли бу кимсаларни бўй-бастларидан, чақнаб турган кўзларидан таниди: «Кашмирийнинг соқчилари!» Боягина кетишган эди-ку. «Қаердан пайдо бўлиб қолишиди? Шерикларимдан бирортаси ўзига келган бўлса, уларга хабар етказдимикин? Буларнинг чангалига тушган тирик жон омон қолмайди. Итдай қийнаб, азоблаб ўлдиришади».

Бундай совуқ фикрлар Шевчукнинг (энди биз уларни ўз номи билан атаемиз) ҳам хаёлидан кечди. Ҳали ҳамон Сашага ишонмаётганди. «Мени тутиб бериш учун атайин шундай хийла ўйлаб топишган». Шевчук фақат қочишини ўйларди. Тирик ҳолда ўзини уларнинг қўлига топширишни истамасди.

– Чиқинглар! – буюрди соқчилардан бири ҳандак ичидаги қочоқларга.

Шевчук чуқурдан Сашанинг чиқишини кутди. Юқорига қўтарилаётганда қўлини чимчилаб қўйди.

У буни тушундими, йўқми, билмади. Ортидан у ҳам тепага кўтарилди. Шевчукнинг таваккал қилишдан бошқа чораси йўқ эди: қаддини ростлаш баҳонасида рўпарасидаги соқчининг юзига тепди. Соқчи икки қадам нарига бориб тушди. Нима бўлганини англаб улгурмаган соқчиларнинг яна бири қорнига урилган муштдан қорнини чангаллаганча ўтириб қолди. Шунда Саша шеригининг мақсадини тушуниб қолди. Рўпарасида қашқирдек турган соқчига ташланди. Иккиси олишиб кетди. Тўртинчи соқчи нарироқда туарди. Автоматнинг тепкисини босиб юборди. Ўқлар Шевчукнинг ёнидан ўтиб кетди. У энгашиб узун оёқлари билан соқчининг қўкрагига зарба берди. Кучли оғриқдан соқчи ўкириб, хушидан кетганча ерга йиқилди.

Саша ҳамон соқчи билан олишиб ётарди. Шевчук қорнини чангаллаб ётган соқчининг автоматини олиб, қўндоги билан шеригининг устига миниб олган жангарининг энсасига солди. Унинг боши ёрилди, сўнг типирчилаб жим қолди.

Саша ўрнидан турди. Иккиси соқчиларни қуролсизлантирди.

– Тезроқ қочишимиз керак! – деди Саша, – оптимдан юр!

Улар ўзларини қоронги қўчага уришди. Зум ўтмай ортларидан автоматдан уларни ўқقا тутишди. Қочоқлар бомба тушиб вайрон бўлган бинолар орабаб боришарди. Олдиндан бу ерларни яхши билган Саша йўл бошларди. Ўқовози энди узоқдан эшитила бошлади. Афтидан уларнинг изига тушганлар адабиб, бошқа томонга ўтиб кетишди. Қочоқлар катта йўлга чиқишли. Қарши томондан чироғини ёқиб келаётган юк машинаси кўринди. Ўтказиб юборишли уни, кейин йўлни кесиб ўтишди. Нарироқда Кобул дарёси пишқириб, шовуллаб оқарди.

– Дарёдан сузиб ўтиш керак! – Шевчук шеригига маслаҳат оҳангиди юзланди.

– Сув совуқ, бунинг устига оқим кучли, иккимизни оқизиб кетиши мумкин. Қолаверса, қўйнимда хужжат бор.

– Унда нима қиласиз, чорасини топ!

– Ярим чақиримча нарида кўприк бўларди...

Улар кўприк томон югуриб кетишли. Ўқ овози ҳам тинди. Осма кўприк кўринди. Бироқ уни кўпrik дейиш қийин. Тахталари йўқ, темир бўлаклари симга осилиб қолган.

– Энди нима қиласиз? – жаҳл билан қўл силтади Саша.

– Тrossста осилиб ўтамиз! – эътиrozга ўрин қолдирмай жавоб қайтарди Шевчук.

У троsсдан маҳкам ушлади. Оёfinи пастдаги иккинчи сим устига қўйди. Кейин олдинга қараб ҳаракатланди. Саша бир оз саросимага тушди. Кейин таваккал қилди. Сувнинг шовқини кучли эди. Тўсиқларга, тошларга урилиб тепага сапчиётган томчилар қочоқларнинг юзига уриларди. Тross устидаги одамларни улоқтириб ташлайдигандек чайқаларди. Сашанинг оёfi симдан тойиб кетиб, устки троsсга осилиб қолди.

– Ёрдам бер! – Саша жон ҳолатда Шевчукни чақирди. У дарёning ярмига етиб қолганди. Ортига қаради. Оёқлари сувга тегиб, чайқалиб турган Сашани кўриб тўхтади. Орқага қайтмаса, унинг қўллари толиқиб, сувга тушиб кетиши, ёнидаги хужжат оқиб кетиши мумкин.

– Хозир етиб бораман! Чидаб тур!

Шевчук ортга қайтди. Сашанинг мушаклари зўриқиб, бармоқлари троsсдан аста чиқиб борарди. Ҳатто бир қўлини кўйиб юборди. «Энди барчаси тамом, куним битди», деб ўйлади. «Оқим сув мени

оқизиб кетади, бошим тошларга урилади, жасадим-ни дарё ютиб юборади».

Кўз ўнгига келган даҳшатли ўлим Сашанинг толиқан бармоқларига бир зумгина куч ато этди. Айнан шу лаҳзада Шевчук етиб келди ва пастдаги трассни кўтарди.

– Оёғингни қўй, – деди у қичқириб.

Сувнинг шовқинида бу нажот жумласи Сашанинг қулоғига йироқлардан келгандек эшитилди. У оёфини симга қўйганда енгил нафас олди. Ажал уни ўзининг тўфонли уммонига тортмаганидан хурсанд бўлди...

Кийимлари жиққа ҳўл бўлган йигитлар бир амаллаб нариги қирроққа ўтиб олишди. Бу томонда дашти биёбонлар ястаниб ётади. Тошлок ва тақир эди ер. Адоғида қорайган тоғлар кўзга ташланади. Тун чекиниб, тонг ёришиб келмоқда. Тезроқ бу ердан кетиш керак.

– Қани, йўлга тушдик! – хаёлига келган фикрни тилига олди Шевчук.

– Ҳолим қолмади, бир оз дам олайлик, – таклиф қилди Саша.

– Тонг ёришмоқда. Яланғоч дала-дашт ичидагизни кўрган одамлар шубҳаланади. Бунинг устига йўлдан машиналар тинимсиз ўтиб турибди. Изимизга тушган одамлар келиб қолиши ҳам мумкин.

Саша ноилож ўрнидан қўзғалди. Улар тоғлар томон юриб кетишли. Тиконгул, янтоқ шохлари қамчидек оёқларини саваларди...

## ҚУНДУЗ

Хонобод ва Боғлон орқали икки кунлик йўл азобидан ҳориган Шевчук билан Саша деярли муаммосиз Қундузга етиб келишганига ўzlари ҳам ишонги-

лари келмади. Очлик уларни қаттиқ ҳолдан тойдирди. Юришга ҳам мадорлари қолмади. Лекин уларни ҳали бундан-да азобли, машакқатли йўл кутарди. Қаршила-рида ястаниб ётган тоғлардан ошиб ўтишга куч тўплаш мақсадида тўхташди. Майда тошлар устида ярим соатдан мўлроқ ётишди.

– Тоғларнинг орти Афғонистон ҳудудига қарай-дими? – сўради Шевчук.

– Йўқ, Тожикистон!

– Аниқми?

– Бу йўллардан кўп қатнаганман. Бироқ биз Салангдан ўтолмаймиз. Довонни Кашмирийнинг одамлари қўриқлади.

– Бошқа йўлни билмайсанми?

– Биламан, бир сўқмоқ бор. Бунинг учун қарши-миздаги тоғдан ошиб ўтишимиз керак. Кўриб турибсан, тоғлар баланд, тирмасиб чиқишга холимиз етмайди.

– Ҳечқиси йўқ, тоққа тирмасиб чиқамиз. Қани, йўл бошла!

– Йўлга чиқишдан аввал қоринни тўйдиришимиз зарур!

– Бу ерлардан овқат топиш азоб.

– Күшлар сероб, отамиз.

– Ўқ овози чиқса, бизни тутиб қамашади! Атрофда жангарилар тайёрлайдиган лагерлар бўлиши мумкин. Қолаверса, бу жойларда толибонларга қарши курашаётган кучларнинг аскарларига рўпара келиш эҳтимоли ҳам бор.

Шевчук ўрнидан турди. Нари бориб пастдек буталарнинг остини оёқлари билан титди. Ўнтacha қуш туҳумини топиб келди. Иккиси бўлиб ейишли.

– Хужжат ёнингдами? – сўради Шевчук бир оздан кейин.

Саша қўйнига қўл солди.

- Хайрият, ёнимда экан…
- Ол-чи, күрайлик, ҳақиқатан ҳам биз излаган хужжатмикин?

Саша нам тепчиб қолган жилдни қўйнидан олиб шеригига узатди. Шевчук уни варақлади. Йўқ, адашмаган экан.

– Корнинг тўйган бўлса, йўлга тушдик, – деди у хужжатни қўйнига соларкан.

Улар сўқмоқдан тепалик сари тирмашиб чиқиши. Олдинда қор босган тоғ тизмалари бир-бирига мингашиб кетган, ичкарилаб борган сари тоғлар ҳам юксакроқ, қори қалинлашиб боради. Бироқ юриш – азоб. Тоғларни қалин қор босган. Оппоқ қор қўзни қамаштиради. Баҳор ва кузда ёмғир ёғмагани учун қорлар эримаган. Ҳали қиши келмасдан куз ўрталаридаёқ икки марта қор ташлади. Икковлон ўра-жарларга шўнғиб кетмаслик мақсадида автоматнинг тасмаси билан бир-бирларининг белларидан боғлаб олишди. Олдинда тиззадан баланд қорни кечиб Саша боради. Тоғларда юриб ўрганиб қолган. Тепаликка қўтарилишган сайин ҳаво етишмай, оғизлари билан нафас олишади. Совуқ забтига олди. Юзларини чимчилаб изғирин эсди. Қор учқунлади. Иккиси ҳам ўй-хаёллар уммонига фарқ бўлганди. Шевчук топшириқни бажарганидан баҳтиёр. Қўйнидаги хужжатни тезроқ раҳбариятнинг қўлига топширишга ошиқади. Иш жараёнида қўплаб топшириқларни қойилмақом қилиб уddaлаган. Унвони муддатидан аввалроқ оширилди. Лекин ҳозиргиси бошқача. «Мухим топшириқ билан четга юбориш бу раҳбарларнинг менга бўлган ишончини билдиради» деган ишонч бор унда. Кобулга қийинчиликсиз етиб келди. Баҳтига Саша билан танишиб қолди. Унинг ёрдамида мақсадига эришди. Ҳужжатга Кашибмий яқин орада назар ташламаган бўлса керак, ва-

рақларнинг кўпдан буён очилмагани тахламлардан билиниб турибди. Бу ҳужжат ҳудудда тинчлик ўрнатишида аскотиши турган гап.

Шевчук ширин орзулар оғушида борар экан, юртига тезроқ қайтишга ошиқди. У она тупроғини соғинди. Шу боис совуқни ҳам, очликни ҳам писанд қилмасдан илгарила бораарди. Қувонч-у шодлик томирида совиб бораётган қонни қўпиририб, вужудини қиздиради.

Айни пайтда Сашани ҳам ширин хаёллар ўз гирдобига фарқ айлаган. Армияга чақиришганда ўн саккиз ёшда эди. Уч ойлик тайёргарлиқдан сўнг у хизмат қилаётган қисм аскарларини Афғонистонга ташлашди. Саша урушни тасаввурига сифдиролмасди. Фақат кинолардагина кўрган. Ўзга юртга келган қуниёқ уруш даҳшатини ўз кўзи билан кўриб қўрқиб кетди. Аэропортдан аскарларни юклаб бораётган машиналарни тоғ тизмаларида жангарилар ўққа тутишди. Машиналардан бирини портлатиб юборишиди. Йигитларнинг бир кисми шу ерда нобуд бўлди. Аскарлар шу ернинг ўзидаёқ жангга киришишди. Отишмалар эрталабгача давом этди. Осмонда вертолётлар пайдо бўлгандагина душманлар қочишишди. Саша хизмат давомида жангариларга кўп дуч келди. Дастребки тўқнашувдаёқ у юрак олдириб қўйди. Жанг пайтида ўзини ҳимоя қилишни кўпроқ ўйладиган бўлди. Одамга (гарчи уни душман деб атасаларда) қарата ўқ отишни мутлақо истамади. Буни қотиллик, кечириб бўлмайдиган жиноят деб қабул қилди. Мана шу олижаноблиги уни осонгина душман қўлига тутиб берди.

Ўша қуни Саша сув олгани тоғ оралиғидаги булоққа тушди. Сув ёқасида ўтириб қишлоғини, отонасини эслади. Юрагини соғинчнинг шафқатсиз тирноқлари тимдалади. Юзини аччик кўз ёш ювиб тушди. Орқага қайтаётганда каттагина харсанг ор-

тидан бошига қора салла ўраган, жундан тўқилган камзул кийган, юзини соқол босган афғон чиқиб келди. У ҳам қуролланган эди. Бироқ автоматни елкасига илиб олганди. Олишга қўрқди. Сашанинг қўлида автомат турарди. «Отиб қўяди» деб ўйлади. Руснинг оёқларига тиз чўқди. Ўз тилида бир нарсалар деди.

Саша унинг гапини тушунмаса-да, «отма» деб илтимос қилаётганини тушунди. Иккиси бир-бирига тикилиб қолишиди. Шунда Саша афғоннинг қўрқувдан йиглаётганини қўрди. Кўнглида нимадир ғимирлади. Қўлидаги пақирни ерга қўйди. Буни қўриб афғон баттар қўркиб кетди.

– Қўрқма, сени ўлдирмайман! – рус афғонга яқинлашди. Уни ўрнидан турғазиб, дўстона елкасига уриб қўймоқчи бўлди. Бирдан юз-қўзларига қумли тупроқ сачраб ҳеч нарсани қўрмай қолди. Афғон чаққонлик ила унинг оёқларига ёпишиб, ерга ётқизди. Қуролини тортиб олди. Саша афғонни инсофга чақириб бир нималар деди. Афғон Сашанинг сўзларига қулоқ тутмади. Аксинча, у аскарни осонгина таслим қилганидан мамнун, унинг қўлларини, қўзи ни маҳкам боғлаш билан овора.

– Қани, олдимга туш! – афғон рус тилида, тантанавор оҳангда жуда равон сўзлади ва Сашани олдига солиб номаълум томонга олиб кетди. Жуда узоқ йўл босишиди. Бир пайт Сашанинг қулогига нотаниш овоз чалинди. Кўзидағи боғични олишганда у ўзини давра қуриб ўтирган бир тўда жангариilar ичидагурунди.

Саша табиатан қўрқоқ эди. Шу сабабли бу ерда чифириқдан ўтказган кимсаларнинг шартига осонгина қўна қолди.

– Русский хорош, ты молодец. Ты будешь богатым человеком, – деди уни сўроқ қилган кимса, – ты с нами будешь жить, хорошо?

– Хорошо, – жавоб қилди Саша.

Ўша куни уни Покистонга олиб кетишиди. Пешовардаги лагерлардан бирига ташлашиди. Бу ерда покистонликларнинг ҳам, америкаликларнинг ҳам сабоини олди. Тўқсонинчи йилларнинг охирида Покистон махсус хизмат идораси уни Афғонистонга ташлади. Унга қандай қилиб бўлмасин, Баширнинг идорасига жойлашиш тўғрисида топшириқ беришиди. Саша талабни, оғир қийинчилик билан бўлса ҳам уddeлади. Аввалига толибонлар сафига қўшилиб юрди. Кейин Баширнинг идорасига соқчи бўлиб ишга жойлашиди. Ойда икки бор покистонликлар ва океанорти махсус хизмат идораси ходимлари билан учрашиб юрди. Уларга керакли маълумотларни бериб, топшириқлар олиб турди. Учрашувлар ўта махфий равища ташкил этиларди. Ўн йил мобайнида Баширнинг ишига оид қўплаб сирлар очилиб қолган бўлса-да, Сашадан шубҳаланишни ҳеч ким хаёлига келтирмади. Шевчук билан учрашмаганда у яна қанчадир муддат махфий хизмат идораларининг қўлида қўғирчоқ бўлиб юраверарди. Шевчук ҳамюрти эканини билгандаёқ хотирасидан ўчиб бораётган қишлоғи, яқинлари ярқ этиб қўз ўнгига жонланди. Киндик қони томган ватани борлиги эсига тушди. Тунлари тушларига кирди. Ота-онаси Сашани чорлаётгандек бўларди. У юрга қайтишга қарор қилди.

Мана, нихоят ўша орзуси ва истаклари рўёбга чиқишига оз қолди. Яна икки чақирим юқорига кўтарилишса, олисларда бўлса ҳам ватанига элтувчи ойдин йўл кўринади. Шевчук айтганидек, бу ердаги чегарани руслар қўриклиди. Улар Сашани бағриларига олишади ва Ватанига жўнатиб юборишади.

– Эҳ! – деди ширин орзулар қанотида парвоз қилиб юрган Саша юраги энтиканча қўлларини боши узра кўтариб шеригига қарапкан. Унинг бу

туриши парвозга шайланаётган бургутга ўхшарди. – Йўлнинг асосий қисмини ҳам босиб ўтдик. Тепаликка чиқсак, Тожикистон кўринади. Мухими, душманларимиз олисда қолди. Ҳеч ким бизнинг ортимиздан қувиб тутиб ололмагани каби ўқса ҳам тутолмайди. Ватанга кириб келдик ҳисоб! Бу кунларни йигирма йил орзиқиб кутдим. – Саша шундай деди-да, овозини қўйиб ҳайқириб юборди:

– Салом, Ватан! Салом, озодлик!

Унинг ўқтам овози қор қоплаган кенгликлар узра ёйилиб, баҳайбат довон-у чўққилардан ошиб кетди. Йироқ-йироқлардан акс садо қайтди:

«Салом, Ватан! Салом, озодлик!»

Шевчукнинг совуқдан кўкарған, қошлирга оппоқ қирор қўнганди юзида ҳам қувонч, ҳам шодлик балқиди. Сашага қўшилиб у ҳам қичқирмоқчи бўлди, аммо негадир журъат этмади ва жилмайиб қўйиш билан кифояланди. Унинг ҳам қорни очибди.

– Ватанга етиб олишни, озодликка чиқишини истасанг тўхтама! – хитоб қилди Шевчук қалтираётган бармоқларига қорни илиб яларкан.

– Бу совуқ ва изгирин олдида очлик нима экан?! Икки чақирим масофага чидаймиз ва албатта чўққини забт этамиш. Ўша жойда туриб мен овозимни қўйиб яна «Салом, Ватан, салом, озодлик» – деб ҳайқираман. Болалигимда бир кино кўргандим. Денгизда адашган матрослар қирқ кунлик очликни енгиб, қуруқликка чиқишиди. Уларнинг матонати ва бардошига қойил қолганман ўшанда.

Сашанинг вужудида файрат жўш урди, томирдаги қони кўпирди. Тиззасидан қор кечиб олға қараб юради. Йигитнинг хозирги ҳолатини кўрган одам очликдан тинка мадори қуриган деб ўйламайди.

Шевчук шеригининг изидан эргашиб, у очган йўлдан кетиб борарди. Саша ҳис-ҳаяжонга бери-

либ, очликни унуганди, бироқ бу узоқقا чўзилмади. Ярим чақирим йўл босмасдан ўша очлик хуруж қила бошлади. Қорни ачишиб, бўшаган ичаклари қулдиради. Оёқларини зўрға қўтариб ташларди. Елкасига илиб олган автомат ҳам вазминлашиб борарди. Уни ташлаб юборишга кўп бор чоғланди. Бироқ Шевчуқдан уялди.

Икки чақиримлик масофа улар учун ўн чақиримдан ҳам йироқдек туюлди. Иккисининг ҳам тинка-мадори қуриди. Нихоят тепалик забт этилди. Куйидан пирамидадек кўринган чўққининг усти кенг яйлов эди. Табиат чиройини мана шу тепалик устига сочгандек эди гўё. Осмонда қуёш чараклаб турарди. Пастда майда-чуйда булатлар эринибигина сузарди. Панж дарёси, чегара худудлари ундан олисроқдаги қишлоқ ва шаҳарлар худди оқ парда ортида тургандек кўзга ташланарди. Икковлари қувониб кетишиди. Саша шодликдан ўзини тиёлмади. Ҳамон «Салом, Ватан, салом, озодлик!» деб қичқиради. Лекин энди бу товуш аввалгидек юракдан отилиб чиқмади. Шевчук бу гал тилини тишлади. У ўпкаси томофига тиқилгандек ҳансираарди.

Шевчук Ватанда ўзини нималар кутаётганини яхши билади. Ҳужжат кўлида, ошиғи олчи. У тақдирнинг бу эзгу инъомини бутун вужуди билан ҳис этди. Ҳужжатни бошлигининг қўлига топшириш учун албатта, байрамона кийимда кириб боради. «Топшириқ бажарилди» деб, ҳужжатни генералнинг қўлига топширади. Генералнинг кўзлари қувончдан ялтирайди. Костюмида иккита орден ва битта медал бор. Энди унинг ёнига адоқсиз қийноқ-уқубатлар азобини тортиб, ўлимни доғда қолдириб, қўлга киритган ҳужжати учун бериладиган орден қўшилади.

– Биз етиб келдик, Володя! – ҳаяжонланди Саша чақнаб турган кўзларини чегара томондан узмай. – Эрталабгача чегарага етиб борамиз!

Шевчукнинг кўзларига чегарагача бўлган масофа яқиндек кўринди. Ахир улар энди пастга қараб юришади. Куч сарфлашмайди. Шундай бўлгач, йўлда давом этмоқ керак. Фақат бир оз эҳтиёткорлик даркор. Оёқ қўйган жойларидан тош кўчиши мумкин. Тош ўзи билан қор уюмларини ҳам эргаштириб тушиди. Тоғ йўлларида кўп юрган Саша буни яхши тушунади.

– Тик юриб тушиб бўлмайди, қиялаб юрамиз, – деди у шеригига юзланиб. – Шундай қилсак қор кўчкilarи остида қолиб кетмаймиз.

Улар анча пастга тушишди. Қуёш ботиб, кечки аёзли совуқ турди. Икковлон қачонлардир сув жўшиби оққан, кейинчалик қуриб, қирғоқларига лойқалар ўтириб қолган жар ичига тушиб олишди. Илон изига ўхшаш жарликнинг икки ёни одамнинг кўзини тиндирадиган ва айни паллада юрагига фулгула соладиган даражада баланд эди. Бир парча осмонгина қўриниб туар, ўн икки ой бу йўлга офтоб нур тўқмасди. Бу ерларда қушлар, илонлар билан бирга тулкилар ҳам сероб. Бироқ ҳозир қушлардан ўзга жонивор қолмаган.

Паст-баланд йўллардан кетиб бораётган Саша билан Шевчук тамоман ҳолдан қолишиди. Икковлон тўхташга, тошлар устига ўтириб нафас ростлашшга, зиркираб оғриётган оёқларига дам беришга қарор қилишиди.

– Шу ерда тунаймиз! – деди Шевчук шеригига.

– Мен ҳам ҳолдан тойдим, – паст овозда гапирди Саша, – қорним оғрияпти...

Шевчук бўйнига осиб олган автоматни олиб ерга ташлади ва тошлар устига чўзилди. Саша ҳам нои-

лож ерга ёнбошлади. Бир оз ўтиб гулхан ёқиши. Нам тепчиб қолган кийимларини оловда қуритиши.

– Қани энди бирорта қушми, ҳайвонми бўлганд! Отиб, гўштини мана бу оловда кабоб қилиб ердик, – деди Саша.

– Сабр қил, тонг ёришса, тепаликка чиқиб, қушларни отамиз!

– Эрталабгача дош беришим қийин, очликдан ўлиб қоламан. Ошқозоним қаттиқ оғрияпти...

Шевчук атрофга боқди. Борлиқни зулмат қоплаб келарди. Унинг кўз нурлари етган жойда бирорта жонивор кўринмади.

Сашанинг гапиришга ҳам ҳоли қолмади. Энди юрт соғинчи, қадрдонларини кўриш иштиёқи ҳам унинг бўшашибган танасига дармон бўла олмади. Кўзини юмган заҳоти ухлаб қолди. Даҳшатли туш кўрди. У ҳалқоб бўлиб тўпланиб қолган қон устида ётар ва бу ҳалқоб уни аста-секинлик билан ўз комига тортарди. Саша чўчиб кўзларини очди. Унинг кўзи қонга эмас, остидаги тошларга тушди. Кўрган туши таъсиридан чиколмади. «Очликдан шу ерда ўлиб кетсан керак» деган фикр миясига урилди. Бироқ миясининг иккинчи бурчагида хаёлидан ўтган фикрларни инкор қиласидиган бошқа фикр пайдо бўлди. «Мен, албатта, қишлоғимга кириб боришими ва яқинларимни кўришим керак!»

Тонг ёриша бошлади. У қўлига автоматини олди. «Бирорта қуш кўрсан отаман» деган хаёлда атрофга аланглади. Осмонга, қумуш қор ялтираб турган чўққиларга боқди. Ўлжа излаган кўзлари шундоқ рўпарасидаги қоя устида турган кийикка тушди. Кийик бошини баланд кўтариб, оппоқ тўшини бир оз олдинга чиқариб мағруронга олисларга боқиб турарди. «Бу тоғ кийиги. Худонинг ўзи етказди уни бизга. Шу пайтгача бунақа чиройли жониворни кўр-

магандим, – деди ўзига ўзи. – Отсам анчагина гўшт чиқади. Володя ҳам очликдан ўзига келолмай қолди. Пишириб еймиз. Қорнимиз тўяди. Чегарага қийналмай етиб оламиз».

Саша автоматини қўлига олди. Эллик қадам юқорида турган кийикнинг барра жунлари хилпираб турган кўкрагини нишонга олди. Саша ёмон отмасди. Шу пайтгача отган ўқи бехато кетмаган. Лекин негадир ҳозир қўллари қалтираяпти. Автоматнинг учини тошга қўйди. Энди қўллари қалтирамай қолди. Нафасини ичига ютди. Тепкига қўйилган баромгини аста ҳаракатга келтирди. Қарсиллаган овоз тонгги сукунатни бузиб юборди. Ўқ кийикка тегдими, пешонаси қонга бўялиб йиқилдими ёки қочиб қолдими – буни билмади. Тоғ узра гумбурлаган овоз таралган заҳоти қояда чанг-тўзон кўтарилиб, тошлар жойидан кўчиб, бири иккинчисини эргаштириб пастга қулай бошлади.

Шевчук ўқ овозидан чўчиб уйфонди. У бошини кўтарган заҳоти кўзи биқинида тошдек қотиб қолган Сашага тушди. Унинг нигохи қадалган тепаликка қараганда эса, нима содир бўлганини тушуни. Юқоридан қор уюmlарига қўшилиб тушаётган тошларни кўриб даҳшатдан у ҳам нима қилишини билмай қотиб қолди. Кўчки борган сайин даҳшатли тус олар, тошлар худди сел оқизиб келаётгандек бир-бирига урилиб, қасир-қусур овоз таратиб, атроф-теваракда қорли тўзон ҳосил қилиб қуйига тушиб келарди.

Саша бундай бўлишини сира кутмаган эди. У эсдан оғиб қолган одамдек ҳамон қотиб турарди. Бирдан тошлар босиб қолишини сезди-да, ўзига келди ва дод солиб юборди. Унинг овози қанчалик даҳшатли ва қучли бўлмасин, думалаб тушаётган тошларнинг шовқини ютиб юборди. Кўзига жони-

га ора кирадиган, боши узра ёғилиши муқаррар бў-либ турган ажал балосидан сақлаб қоладиган жой кўринмади. Ҳатто кўкрагини кўтаришга хам ул-гурмади. Ён-атрофига қучоққа сифмайдиган тошлар келиб туша бошлади. У автоматини улоқтириб, ўрнидан туришга уринди. Шунда баҳайбат тош Шевчук иккисининг боши узра тушиб келаётганини кўрди-ю, жон ҳолатда қичқириб юборди...

## ИСТАНБУЛ

Лу қош қорайганда, куннинг энг бахтиёр одамларини ҳам озми-кўпми фамбода қиласидиган бир пайтда Баққолнинг уйига келди. Қария уни ўз хонасида кутиб олди. Кайфияти у қадар яхши эмас. Мулла Умарга берган ваъдаси амалга ошмаганидан дикқат эди.

– Бизга қандай хушхабар келтирдингиз? – умид ила сўради Баққол Луни ўтиришга таклиф қиласаркан. У бу гапи билан анчадан буён кўнглини безовта қилиб келаётган саволларга жавоб олмоқчи бўлди. Лу уй эгаси кўрсатган жойга ўтирас экан:

– Сизни қувонтирадиган янгликлар топилади, бейим, – деди.

Қария кўзини ердан узмаган кўйи маҳзун қулимсиради:

– Қулоғим сизда!

– Кашмирий яқин кунлар ичida биз кутаётган тоҷик йигитларни жўнатадиган бўлди. Улар Тожикистонга эмас, Туркияга келадиган бўлишди.

Баққол ҳайрон қолди:

– Не сабабдин?

– Шу ерда уларга озгина сабоқ берамиз.

– Вақт чўзилиб кетди. Мустафонинг Кобулдан қайтганига ҳам бир ой бўлди. Мулла Умар мендан

«Град»ларни кутмоқда. Биз эса ҳозиргача ҳеч нарсага эриша олганимиз йўқ.

– Ташвишланманг, бейим. Руслардан яширинча қурол сотиб олиш осон иш эмас. Айниқса, оғир артиллерия қуролларини. Уларнинг хар бири ҳисобда, назоратда туради. Биз ишончли одам топдик. У бир ҳафта ичида генерал билан икки бор учрашди. Ҳозир қуролларни чегарадан олиб ўтиш тўғрисида бош қотиришмоқда.

Лунинг куйиниб айтган бу сўзлари Баққолнинг кўнглидаги ишончсизлик пардасини йиртиб ташлади. Унинг ўтқир нигоҳлари буни илғаб олди ва айтган сўзи қарияга таъсир қилганидан мамнун бўлди.

– Биз Афғонистондан ўтган йигитларни дабдурустдан ўз юртларига ташлай олмаймиз. Уларни синаб кўришимизга тўғри келади. Бизнинг одамимиз камида ўн беш кун улар билан ишлайди.

– Қачон етиб келади ўша йигитлар? – маҳзун овозда сўради Баққол.

– Узоги билан бир-икки ҳафта ичида, – ишонч билан жавоб қилди Лу.

– Бўрон-чи? У келадими?

– Адамас айтган маблағни тўлаган кунингиз Бўрон шу ерда бўлади, бейим.

– Пул тайёр. Мен уни кўришим керак!

– Унда чек беринг!

– Ишонсам бўладими?

– Ранжитманг мени, бейим.

– Тилхат ёзиб қолдиришингиз керак!

Талаб қилинаётган тилхатни Баққол ҳеч қаерга кўтариб боролмаслиги Луга беш панжадек аён.

– Агар бир парча қофоз менинг сўзларимдан ишончли бўлса, ҳозироқ ёзиб беришга тайёрман.

Баққол ўйланиб қолди. «Қофозни кўтариб қаерга ҳам борардим!»

– Яхши, ҳозир чек ёзиб бераман. Бироқ бир хафта ичида Бўрон шу ерда бўлиши шарт.

– Албатта.

Баққол ён чўнтағидан чек олиб, уни тўлдириб Лунинг қўлига тутқазди.

– Ҳозироқ талабингизни Адамаснинг қулогига етказаман, бейим.

– Мени ортиқ куттирмайсиз деган умиддаман, – деди Баққол хайрлашишдан олдин. Лунинг ёдига Адамас айтган гап тушди:

– Эшитишинга қараганда, яқинда яхта сотиб олган экансиз...

– Хўш?

– Адамас сиздан илтимос қилди, меҳмонга яхтангизни бир ҳафтага бериб турсангиз. Денгизни бир айланиб чиқса. Унинг асаблари чарчаган, дам олиши керак. Бу орада биз унинг кўнглида сизга хизмат қилишга мойиллик уйғотамиз.

– Яхтани ким бошқаради? – Баққолнинг овозидан ташвишланаётгани сезилди.

– Бизнинг одамимиз!

– Яхта бошқаришни биладими?

– Денгизда катта бўлган!

– Унда мен хизматкоримга тайинлайман, яхтани ўша одамингизнинг ихтиёрига топширади.

Улар хайрлашдилар.

Лу Адамаснинг ҳузурига жўнади. Резидент одатдагидек ишхонасида қофозларни титиб ўтирганди. Луни кўриб ҳорғин юзи ёришди.

– Олиб келдингизми?

– Ҳаммаси жойида, сэр.

Чекни кўриб Адамаснинг чарчоқлари ёзилди.

– Худди тишини суfurгандек ёздириб олдим, сэр.

– Бу иш қўлингиздан келишини билардим, – мамнун жавоб қилди Адамас.

- Баққол бизга ишонгиси келмаяпти.
- Унинг ўрнида мен бўлганимда ҳам шундай йўл тутган бўлардим.
  - Бўрон билан учрашишим керак деб талаб қилди!
  - Учрашади. У бизнинг қўлимизда!
  - Қачон Туркияга келади?
  - Эртага. Кутиб оладиган одамингиз тайёргарлигини қўрсин.
  - У ишорамни кутмоқда, сэр.
  - Уни менга кўрсатмадингиз?
  - Хоҳласангиз кечки овқатни учовимиз бирга қиласмиш.
  - Афсуски, сизга ваъда беролмайман, азизим. Менга унинг расмини кўрсатсангиз кифоя.
- Лу чўнтағидан сурат олиб Адамаснинг қўлига тутқазди. Бир парча қофоздан ўттиз ёшлардаги сохибжамол қиз ним табассум ила қараб турарди.
  - Дидингиз чакки эмас, Лу. Ўйлашимча, бундай сулув ҳар қандай йигитнинг кўнглига йўл топа олади.
  - Ишончингизни оқлайди деган умиддаман, сэр!
  - Қўлида телефони борми?
  - Албатта!
  - Менга рақамларини қолдирсангиз, учрашадиган куним у билан боғланаман.
- Лу қизнинг телефон рақамлари ёзилган қофозни резидентнинг қўлига тутқазди.
  - Яна бир гап, яқин кунлар ичида унга чиқишимни маълум қилиб қўйсангиз!
  - Тушундим, сэр!
  - Эрталаб сизга қўнфироқ қиласман! Ҳозир бўшиз!
- Лу таъзим қилиб хонадан чиқиб кетди. Бироқ у эшикни ёпишга улгурмади.
  - Тўхтанг!

Лу изига қайтди ва резидентнинг қаршисида хо-  
зир бўлди.

– Нимадир демоқчи бўлдингизми, сэр?

– Бизнинг ишимизда эҳтиёткорлик ва ҳушёрлик  
ҳамиша зарур, азизим. Биз хали Бўронни яхши бил-  
маймиз. Шунинг учун уни ўз элагимиздан ўтказиб  
олишимиш керак.

– Буюринг, сэр.

– Кечки пайт яхтага боринг. Овозёзгич мослама-  
ларни кўз кўрмайдиган, ишончли жойларга жой-  
ланг. Бўрон ётадиган хонага халқаро алоқаларга  
чиқадиган телефонни ташлаб кўйинг. У албатта ким  
биландир гаплашади. Биз ўртадаги сухбатдан унинг  
кимлигини, мақсадини янада яқинроқ билиб оламиш!  
Мени тушундингизми?

– Худди шундай, сэр

– Энди боринг!

Ўша оқшом топшириқни бажариб қайтган Лу  
эрталабдан бошлигининг қўнғирофини кутиб хо-  
насидан чиқмай ўтирди. Пешинга яқин телефони  
жиринглади.

– Самолёт ўн дақиқадан кейин қўнади. Мехмон-  
ни кутиб оладиган одамингизни хабардор қилинг.  
Топшириқни бажариб ўзингиз менинг ҳузуримга ке-  
линг!

Лу уч кун муқаддам Элиф билан учрашиб, унга  
яна бир бор бажариш лозим бўлган ишларини,  
Бўрон билан кўпроқ қандай мавзуда сухбатлашиш-  
ни батафсил тушунтирди. Шундан кейин Адамас-  
нинг ҳузурига жўнаб кетди.

\* \* \*

Самолёт қуюқ булутлар галасини ёриб пастлай бошлади. Музга айланган совуқ томчилар қанотта, ойналарга тарсиллаб урилар ва бу товуш ичкарида ўтирган йўловчиларга ҳам эшитиларди. Ҳозиргина чараклаб, турган қуёш бирдан кўздан фойиб бўлганди. Самолёт қуюқ тутун ичидага қолгандек гўё. Гала-гала кумушранг булутларга урилган самолёт силкиниб титрарди. Йўловчиларнинг юзидағи хотиржамлик ўрнини хавотир эгаллади. Айримлар кўзларини юмиб олишди. Бу холат узоқ чўзилмади. Ҳаво очилиб кетди, офтобнинг олтинранг шуъласига чўмилган замин кўзга ташланди. Денгиз бағрида сузиб юрган кемалар, йўлларда бир-бирини қувлаб ўтаётган машиналар, гавжум бозорлар, гугурт қутисини эслатадиган кўп қаватли бинолар кўринди.

Мен охирги ўриндиқда, иллюминатор қаршисида, совуқ ойнага пешонамни тираб ўтирадим. Хаёлим йироқларга кетганди. Бу ерда қандай қисмат кутмоқда мени? Ўлимдан сақлаб қолишиди, бироқ ниманинг эвазига? Кимга керак бўлиб қолдим? Истанбулга жўнатганлар анчадан буён изимга тушган, ишларимдан огоҳ бўлишган. Энди кимга қарши қўйишмоқчи мени? Энг ёмони, Кутузов билан учрашолмадим. Фақат ўзим турган бинонинг бурчагига чизикча қўйишга улгурдим. Бу белги менинг бу ердан жўнаб кетганимни билдиради. Кутузов кўрармикин буни? Бошлиқларимни Истанбулга кетаётганимдан хабардор қилолмадим. Бунга имконият бўлмади. Самолётдан тушгач, телефон қиласман. Дарвоқе, ҳаётимни асраб қолган одамлар эътибордан четда қолдиришмагандир мени? Изимдан айғоқчиларни қўйишгани аниқ. Ким билсин, мана шу самолёт ичидаги ўтирганлардан бири уларнинг одамидир?

Хаёлимдан ўтган фикрлар юрагимга соя ташлади. Бундан кейин тақдиримни ўзим ҳал қилолмаслигими-ни ўйлаб ўкиндим. Истайманми, йўқми, энди ортим-дан хатар соядек эргашиб юради. Крамаренконинг бир гапи ёдимга тушди: «Чекистнинг ҳаётини курули эмас, сезгирилиги сақлайди».

Самолёт фидирлаклари ерга тегиши билан хаёлим тўзиди. Стюардесса Истанбул об-ҳавоси ҳақида маълумот берди. Йўловчилар қимирлаб қолишли. Зина қўйилгач, эшик очилди. Йўловчилар пастга тушишли. Олдимдагиларни ўтказиб юбордим. Ён томонимдаги ўриндиқда ўтирган одамга кўзим тушди. Кўзимиз учраши. Юрагим ниманидир сезгандек титради. Назаримда анчадан буён менга тикилиб тургандек эди. Ўрнидан туришга ва пастга тушишга шошилмади. Сумкамни елкамга илиб эшик томон юрдим.

Мени кузатаётган кимса изимдан келарди. Автобусга чиқдим. Таъқиб қилаётган одам нарироққа жойлашди. Бўш ўриндиқ бўлса ҳам ўтирмади. Ойнадан ташқарига боқдим. Кўзининг қири менда. Қачондир бу нусха билан тўқнаш келиб қолишим мумкинлигини ўйлаб унинг юзидан эсда қоларли белгилар изладим. Оппоқ, сўйлоқ тишлари ҳеч қачон ёдимдан чиқмаслигига ишонч ҳосил қилдим. Бўйнининг чап томонидаги кичкинагина чандифи ишончимни янада кучайтирди.

Автобус аэропорт биносига етмай тўхтади. Йўловчилар сафига қўшилиб ичкарига кирдим. Божхона текширувидан ўтиб ташқарига чиқдим. Хужжатларимда нуқсон бўлса ушлаб қолишади деган хавотирдан чўчигандим. Чегарачи паспортими очиб суратимга қаради, кейин бир сўз айтмасдан ҳужжатимни қайтариб берди. Кутиш залига ўтдим. Узун йўлакдан ташқарига чиқиб кетаётган йўловчилар сафига қўшилдим. Ташқари фала-ғовур.

Эшик олдида Паҳлавон айтган одамнинг келишини кутдим. Кўп ўтмай шовқин босилди. Йўловчиларнинг кўпи машиналарга ўтириб, ўз манзилларига жўнаб кетишди. Тиртиқли кимса қайтиб кўзимга ташланмади. У мени иккинчи одамга топшириб, вазифасини адо этиб, қаёққадир гум бўлганди. Кўзим эшик олдидаги халқаро телефон аппаратига тушди. Сим орқали бошлифимга тириклигимни, Туркияга келиб қолганимни айтиб қўймоқчи бўлдим. Ўғлимни қаттиқ соғингандим. Кутузовдан уни юртга олиб ўтмоқчи бўлишганини эшитгандим. Шунга ҳам ўн кунча бўлди. Олиб ўтишдимикин? Олиб ўтишган бўлса, ҳозир қаерда, кимнинг қўлида? Шуни билгим келди.

Оёқларим мени ихтиёrsиз телефон томонга судради. Лекин тезда фикримдан қайтдим. Қаердалигимни, назоратдалигимни унутмаслигим керак. Ҳушёр бўлишим шарт. Қайсиdir тешикдан, кимнингдир кўзлари харакатимни кузатиб турган бўлиши мумкин. Ортга қайтдим. Босган қадамидан мақсад бўлиши керак. Аппаратдан нарироқдаги ахлат қутисига кўзим тушди. Бориб гўё тиши қонаётган одамдек тупурдим. Ўзимнинг харакатимга ўзими ишонтириб жойимга келдим.

Рўпарамга «Рейндж Ровер» келиб тўхтади. Ўттиз ёшлардаги қомати расо, хипча бел, оқ-сариқдан келган аёл тушди ундан. Сарсара соchlари елкасини қоплаган. Юрганда соchlари чайқалади. У гавдасини хиёл эгиб чиройли оёқларини мармар зинага қўйиб тепага кўтарилди. Ёнимга яқинлашганда қадамини секинлатди. Кўз қиrim билан кузатдим. «Паҳлавон айтган аёл шу», дедим ўзимга ўзим. Аёл менга яқин келди, кўзларимга тикилиб чиройли талаффузда салом берди. Паҳлавон айтган парол сўзларни шошмасдан тилга олди:

– Кечирасиз, бэй эфенди, Россия ҳаво йўлларига қарашли учоқнинг учишига қанча қолганини айтольмайсизми?

– У ҳозиргина учиб кетди, хоним, – нотанишдек жавоб қилдим.

– Кечикибман-да, – афсуслангандек бошини чайқади қиз. У шаҳло кўзларини ҳамон мендан узмасди. Жавобимни кутарди. Айтишим лозим бўлган сўзни айтишга шошилмадим. Ниҳоят, товушимда ялиниш оҳангини кучайтириб дедим:

– Шаҳарга тушсангиз, мени ола кетинг…

Кизнинг юзи табассумдан ёришди.

– Мусо фирмисиз, бей эфенди?

– Туркияга биринчи келишим!

Кизнинг таклифи билан машинага ўтирдим. Йўлга тушдик. Машина йўлдан енгилгина ҳаракатланиб борарди. Қиз абжир ва чаққонлик билан «Рейндж Ровер»ни бошқаряпти. Тепадаги кўзгудан қув кўзлари ила менга тез-тез қараб қўяди. Бир оз йўл юрганимиздан кейин сўради:

– Паҳлавонбей саломатмилар?

– Шукр, сизга кўпдан-кўп салом йўлладилар.

– Сиз билан учрашадиган одам беш-олти кундан кейин келади.

– Нечук? – ҳайрон бўлдим.

– У киши муҳим иш билан бандлар. Келгунларича сиз билан бирга бўлишни менга топширдилар. Сизни зериктирасликка ҳаракат қиласман.

– Қаерда яшайман?

– Бўғозда, Кора денгизда. Биз учун алоҳида яхта ажратганлар.

– Денгиздан бошқа жой топилмадими?

– Аччиқланманг, денгиз асабларингизга ором беради. Колаверса, хавфсизлигингиз нуқтаи назаридан ҳам маъқулроқ. Бэйим шуни хисобга олганлар.

– Мехрибончиликлари учун минардорчилеримни етказиб қўясиз деган умиддаман!

– Учоқда узоқ парвоз қилиб очиққандирсиз? Бирор жойга кириб енгил тамадди қилиб оламиз. Таклифимни қабул қиласизми?

– Раҳмат, у қадар оч эмасман.

– Унда биз денгизга йўл оламиз.

Йўлда машиналар гавжум. Мен кўз қирим билан қизнинг чакқон ҳаракатларини кузатиб борарадим. Ҳақиқатан ҳам келишган, сохибжамол, ёқимтой эди бу қиз. Кўзларидан, қошлиридан, кулиб турган ёноқларидан бир пайтлар афрон даштларидан топганим – Лайлони эслатди. У билан кечган қисқа онларим ёдимга тушди. Қизнинг камзулидан олиб қўйган қалампирмунчокни ҳали ҳам ўзим билан бирга олиб юрадим. Тумор қилиб бўйнимга тақиб олгандим. Ихтиёrsиз ҳолда уни ушлаб қўйдим. Лайлонинг руҳи олдида ҳамиша қарздорлигимни ҳис этаман. Уни қийнаб, азоблаб ўлдирган кимсалардан қасос ололмадим. Мен учун ўзгалар ўч олишди. Неъмат ҳам, унинг шериклари ҳам ит азобида ўлиб кетишиди.

– Негадир хомуш тортиб қолдингиз? – қизнинг майин овози хаёлимни тўзитди. Бошимни кўтариб унга қарадим. Қизнинг чиройли қошлиари чимирилди. Кулиб турган қоп-қора кўзлари ялтиради.

– Шахрингизнинг чиройи мени мафтун этди, – дедим ўйлаётган ўйимни ошкор этишни истамай.

– Ростдан ҳам илгари Истанбулда бўлмаганмисиз?

– Биринчи келишим...

– Истасангиз, шаҳарни томоша қилдирман.

– Ташаккур, хоним. Ҳозир чарчаб турибман, яхшиси таклифингизни бошқа кунга қолдирсак.

Икки соатча йўл юрдик. Қиз машинасини денгиз бўйида тўхтатди. Қаршимизда денгиз мавжланиб турарди. Бағрида олис юртларга йўл олган

пароходлар, катерлар, кемалар, юк ортган танкерлар сузаб юрарди. Денгиз бўйи қуёш тафтига яrim ялангоч баданларини тоблаб ётган одамлар билан тўла. Чўмилаётган болаларнинг қий-чуви, соҳилга шалоплаб урилаётган сувнинг шовқини, кўкда қанот қоқиб парвоз қилаётган балиқчи кушларнинг чуфур-чуфури қулоқларимизга чалинди. Денгизнинг салқин ва нам ҳавоси сезилди. Биз одамлардан анча нарида тўхтадик. Қирғоқда янги яхта турибди. Атрофда ҳеч ким кўринмайди.

– Мана шу яхта сизнинг ихтиёргизда, бей эфенди, – деди қиз менга юзини буриб чиройли табассум ила.

– Бахтга қарши яхта бошқаришга уқувим йўқ, хоним.

– Ташвишланманг, бу ишни ўзим уddyалайман!

– Яхта бошқаришни биласизми?

Қиз қора қўзларида ёввойиларча ўжарлик акс этган ҳолда жилмайди:

– Денгизчининг қизиман. Болалигимдан кемалар ичидагатта бўлганман. Отам балиқчи бўлган.

– Унда ширин жонимни қўлингизга топширишим мумкин экан-да, – ҳазиллашган бўлдим.

– Ўзингизни таништирмадингиз?

– Паҳлавон айтмаганмиди?

– У сизни кутиб олишимни айтган, холос.

– Исмим Бўрон! Сизники-чи?

– Элиф!

– Сиздек соҳибжамол қиз билан танишганимдан баҳтиёрман!

Элиф оёқ кийимини ечиб қўлига олди. Оппоқ оёқлари қумга ботди ва таманно билан яхта томон юриб кетди. Ортидан эргашдим. Яхта оддий эмас эди. Қимматбаҳо буюм ва жиҳозлар билан безатилган. Бунинг устига у янги эди.

Элиф ёш қизлардек абжир ва чаққон экан. Унинг ҳар бир ҳаракатини зимдан кузадим. Беш-олти кун

бирга яшайдиган бўлсак, мени жиддий ўрганади. Оғзимдан чиқадиган гапларни бошлиқларининг қулоғига етказади. Бекордан-бекорга шерик қилиб қўйишмаган уни менга.

Денгиз ичида, одамлардан ҳоли жойда мен учун бундай бошпана ажратилишининг ўзиёқ юрагимда шубҳа уйғотди. Кизнинг ортида кимдир турганини кўнглим сезди. Қадди-қомати келишган, соҳибжамол гўзаллардан атайин одамнинг сирини олиш мақсадида фойдаланишади. Ишва-ю нозлари или кўнглингни ром айлайди. Ўзини маданиятли, зиёли ва айни дамда сиёsatдан йироқ кимса қилиб кўрсатади, бироқ берадиган саволлари, қизиқишилари орқали юрагининг тубида яшириниб турган мақсадини фош қилиб қўяди. Хонимдан айнан мен хаёлимга келтирган аёлларнинг ҳиди анқиди. Унинг олдида ўзимни қўлга олишга, хусни жамолига маҳлиё бўлиб қолмасликка куч топа оламанми? Орамизда бўлиб ўтадиган ҳар қандай мавзудаги сухбатнинг расмий самимият чизигидан чиқиб кетмаслигига куч топаманми?!

Яхтанинг тепа қисмига новдалардан тўқилган иккита ором қурси ва хонтахта қўйилган. Қуёшнинг ҳаракатланишини ҳисобга олдим. Курсининг қўйилганига яrim соат бўлмаган. Биздан бошқа кимдир бўлган бу ерда. У бизни кўрган заҳоти ғойиб бўлган...

Элиф мени пастга бошлади. Йўлакни чироқ нурлари ёритиб турибди. Қизга сездирмай лампочкани ушлаб кўрдим. Бармоқларим тафтни сезмади. Бу бояги фикримни тасдиқлади. Ҳа, бу ерда кимдир бўлган.

– Мана бу сизнинг хонангиз, – деди хоним эшик олдида тўхтаб. – Ўйлайманки, сизга манзур бўлади!

– Дидингиз чакки эмас, хоним. Беш юлдузли меҳмонхоналардан ҳам бундай шинам хонани топиш амри маҳол!

– Ошириб юбордингиз.

Мен қўлимдаги сумкани эшик олдига қўйиб хонани томоша қилдим. Деворга машхур рассом Леонардо да Винчининг «Луизанинг кўз ёшлари» картинаси илиб қўйилган. Луиза худди ташкарига чиқиб келаётгандек боқиб турибди. Хонанинг бурчагига телевизор қўйилган.

– Марҳамат қилиб кийимларингизни алмаштиришингиз мумкин, – жилмайди Элиф. – Шкаф ичида кийимлар бор. Хоҳлаганингизни кийиб олишингиз мумкин! Душ хонангизнинг ичида.

Тилимнинг учиға бир нечта саволлар келди.

– Сизнинг хонангиз қайси? – савол ташладим эшиқдан чиқиб кетаётган хонимга.

– Қаршингиздаги хонада бўламан. Қандай хизматингиз бўлса, марҳамат қилиб мана бу тугмачани боинг, – деди қиз хона деворидаги нўхатдек тугмачага ишора қилиб. Кейин қўшиб қўйди: – Бир соатдан кейин кечки овқатга чақираман.

Хоним чиқиб кетди. Ёлғиз қолдим. Бу хона ростдан ҳам менга ёқди. Бундай шинам хонада қачон ётганимни эслай олмайман. Тер ҳиди анқиб турган кийимларимни ечдим. Душхонага ўтдим. Осқичга юмшоқ сочиқлар илиб қўйилган. Димоғингни яйратадиган ифор анқийди. Маза қилиб чўмилдим. Руҳим енгил тортди.

Жавондан янги кийимлар танлаб, кийиниб олдим. Ором курсига ўзимни ташладим. Элиф менинг душга кириб кетганимни билиб, стол устига қаҳва қўйиб кетибди. Култумлаб ичдим. Негадир хавф-хатарлар хаёлимдан йироқлашиб, энди мени лоқайдлик хисси чулғай бошлади. Кўзим стол четида турган телефонга тушди. Суюниб кетдим. Шошиб уни қўлимга олдим. «Маҳмудовга қўнфироқ қилиб, Туркияга келиб қолганимни айтсанмикин?» де-

ган фикр хаёлимдан ўтди. Бошлиғимнинг телефон рақамлари ёдимда қолган. Бармоғим рақамларга текканда худди чўғни ушлаб оладигандек тортиб олдим. Телефон хонамга бежиз қўйилмаган. Уни жойига қўйдим. Телевизорни ёқдим. «Kanal D»да маҳаллий халқ урф-одатларини ёритган қўрсатув кетяпти. Телевизор тилни ўзлаштиришимга ёрдам беради деган умидда эдим. Экрандаги одамлар билан биргаликда уларнинг сўзларини овоз чиқариб такрорлаб ўтирдим. Қанча вақт ўтганини билмайман, бир пайт Элиф хонамга кириб келди. Афтидан у хам душдан чиққан бўлса керак, соchlари нам эди. Устига халат ташлаб олганди. Кўлидаги қаҳвадан буғ чиқиб туарди.

– Кечки овқат тайёр, марҳамат қилинг, – деди хоним овозига мулоийм тус беришга уриниб.

Иккимиз тепага кўтарилидик. Денгиз узра оқшом кўнган. Осмон иккига ажраган. Ярмини қора булат қоплаган, иккинчи тарафи эса очик, юлдузлар кўринади. Булутлар яхта тепасидан сузиб ўтади. Табиатнинг бу гўзал манзараси ўзига маҳлиё этганди. Мовий денгиз бағрида юк ортган катер ва танкерлар яқин-йироқдан ўтиб борар, елкасига ортган юкнинг вазминлигидан базўр ҳаракатланаётгандек мўриларидан қоп-қора тутун бурқситиб, чўзиб гудок чалади.

Элиф яхтанинг қуйруқ қисмига жой ҳозирлаган экан. Стол усти мевалар, ичимликлар ва таомларга тўла. Тўкин дастурхон иштаҳамни очди. Иккимиз қарама-қарши қўйилган стулларга ўтирдик.

– Сиз илгари денгизда бўлганмисиз? – сўраб қолди қиз қошларини чимириб. Ужуда гўзал эди.

– Бахтга қарши, биринчи маротаба денгизда бўлишим, – дедим аёлнинг чақнаб турган кўзларига боқиб. Ялтираб турган бу қора кўзлар ҳар қандай

эркакни ўзига мафтун этади. – Денгиз мени ўзига асир этди.

– Унда бир умр шу ўлкада қолинг.

Элифнинг кўзлари пирпираб менга тикилди, дудоқларида оний фамгин табассум қалқиди.

«Таклифингизни қабул қилдим, хоним», деб жавоб қилгим келди-ю, бирдан бу таклиф остида хоним тузоқ қўйганини тушундим.

– Жон деб қолардим, аммо киндик қоним томган юрт тупроғи ўзига тортади-да мени.

Мантиқсиз жавобим аёлнинг юзига фамгин соя солди.

– Юртингизда уруш, вайронагарчилик давом этяпти, тинч ва яхши ҳаёт кечириш учун имкониятлар эшиги ёпиқ. Толибонлар ҳокимият тепасига келадиган бўлса, сизнинг болаларингиз келажакда фирт саводсиз бўлиб қолади. Илм ва маданият кун сайин юксалайтган даврда жўжиқларингизнинг саводсиз қолиши уларни жаҳолат сари етаклайди. Назаримда юртингизда узоқ йиллардан буён давом этаётган урушнинг бош омили ҳам халқнинг саводсизлиги ҳамда маънавиятсизлигига деб ўйлайман.

– Сиз янглишдингиз, халқим сиз ўйлаганчалик саводсиз эмас, яқин ўтмишда бу юртдан буюк алломалар, файласуфлар етишиб чиқкан. Улар дунё илм-фан, маданияти ривожига, тараққиётига қўшган ҳиссалари билан юртдошларим бир умр фахрланиб юришга ҳақлидирлар. Иккинчидан, толибонлар ҳокимиятни аллақачон ўз қўлига олган!

Сўзларим Элифга таъсир қилмади.

– Мулла Умар мактабларга ўт қўйди, олийгоҳларни беркитди. Болалар боғчаларини бузиб ташлади. Аёлларни кўчага чиқармай қўйди. Хўш, эртанги ёшлар илм ўрганиш учун қаёққа боради?

Сұхбатга якун ясаш мақсадида:

– Менинг ёш юртдошларимга бўлган меҳрибон-чилигингиздан миннатдорман, хоним, – дедим.

– Мамлакатда янгича фикрлайдиган, ёшларнинг келажагини ўйлайдиган кишилар чиқиб қолади деган умиддаман. Афғонистон яқин кунлар ичидаги ўзининг янги даврини бошлайди. Ёшлар орасидан буюк олимлар етишиб чиқади ва ўз кашфиётлари билан дунё аҳлини лол қолдиради...

– Гапларингиздан мулла Умарга садоқатли эканлигинизни сезиб турибман...

– Сиёсатга аралашиб менинг ишим эмас, хоним...

Бир соатга яқин сухбатлашиб ўтирик. Овқатландик, корнимиз тўйди. Эпкин кучайди. Тепамизда айланиб юрган булултар осмонни эгаллаб олди. Уфқдан кучсиз чақмоқ излари порлаб сўнарди. Момақалдироқ гулдурослари билан баробар ёмғир бошланди. Денгиз тўлғоқ тутаётгандек безовталанди. Тўлқинлар яхтамизга гурсиллаб урилди. У бешикдек чайқаларди. Элиф иккимиз пастга тушишга мажбур бўлдик. Шу пайт яхтага чарсиллаб урилаётган ёмғир шиддатли тус олди. Хонамга кирап эканман, Элиф оstonада туриб мени кузатиб қолди:

– Яхши тушлар кўринг, эфендим!

– Сизга ҳам яхши хордик чиқаришингизни тилайман, хоним!

Ичкарига кирдим. Бироқ Элиф жойидан жилмай менга боқиб турарди. Унинг чақнаб турган кўзларида, кичкинагина лабларида ниманидир айтишга чоғланаётганини пайқаб қолдим. Бироқ қўлларим эшикни ёпишга улгурди...

Мен тўшагимга узаниб хаёллар исканжасига фарқ бўлдим. Яхта бешикдек тебраниб, чайқалиб турибди. Тўлқинларнинг шалоплаб урилиши қулоқларимга чалиниб уйқумни ўfirлади. Элиф ҳақида ўй

сурдим. Унга нисбатан ичимда бир нарсалар кўпира бошлади. Қизнинг кўзлари, лаблари ва порлаган тишлари хаёлимдан кетмади. Тонгга яқин ёмғир савалади. Гоҳида момақалдироқ гумбурлаб, чақин чақнади. Бир хафта денгизда юриш зерикарли. Тезроқ бу ердан чиқиб кетиш керак. Туркияга келиб қолганимни бошлиқларимга етказишим зарур. Улар хавотир олаётган бўлишлари мумкин.

Эрталабга яқин ухлаб қолдим. Эшик тақиллаганда уйғондим. Эшик очилиб Элиф ичкарига бошини сукди.

– Нонушта тайёр, эфендим! – қиз табассум хадя қилиб қўйди.

Кийиниб ташқарига чиқдим. Осмонда булут қолмаган. Баҳрнинг кўз илғамас томонидан чарақлаб офтоб чиқиб турибди. Элиф тепада дастурхон безади. Иккимиз нонушта қилдик.

– Нонуштадан кейин биз дengiz бўйлаб сайд қиласиз, – деди хоним. – Таклифим маъқулми?

– Бундай таклифни фақат олқишлиш мумкин! – жавоб қайтардим унга.

Хоним мамнун бўлди. Элиф ажойиб нонушта тайёрлаганди. Яқин орада бу қадар иштаҳа билан овқатланганимни эслай олмайман. Нонуштадан кейин у яхтани юргизди. Биз бўғоздан чиқиб, дengиз ўртасига қараб сузиб кетдик. Яхтанинг қўйруғига бориб атрофга боқдим. Кўксимга иссиқ, ёқимли эпкин уриди. Мен юзимни шабадага тутдим. У соchlаримдан тортқилар, юзларимни худди онамнинг қўллариdek силаб-сийпаларди. Сув тиник ва мусаффо эди, яхта билан бирга сузиб бораётган балиқлар кўзга ташланиб туради. Баъзида сакраб, баъзида сув тубига шўнғиб кетарди. Тиник ҳаводан вужудим яйради. Ҳаётнинг гўзал ва ширинлигини орадан йиллар ўтиб илк бор ҳис этмоқдаман. Афғонистонга қадам қўйган

кунимдан шу кунгача бирор кун мириқиб кулганимни, ухлаганимни, ўлим ёдимдан күтариlgанини эслай олмайман. Улар менга хар сонияда ҳамроҳ бўлишди. Соядек изимдан эргашиб юрди. Тонгда ўқ овозидан уйғондим. Юрган йўлимда тўкилган қонларни, шишиб ётган мурдаларни кўравериб қайfu-фамдан зада бўлиб тошга айланган юрагим илк бор яйраб кетди. Ҳа, айнан шу лаҳзаларда мен юрагимда ширин-ширин ҳисни туйдим. Барча ташвишларни оз муддатга бўлсада унутдим, қалбимни шодликларга очдим.

Денгизнинг гўзал манзараси чиндан ҳам қалбими ни ўзига ром айлади. Боладек энтиқдим, боладек яйрадим. Биздан нарида саёҳатчилар ўз яхталарида қаёққадир сузиб кетишарди. Уларнинг ўйин-кулгилари қулоғимга чалинади. Мен қўлларимни силкитиб, уларга оқ йўл тиладим:

«Бахт ва шодлик сизларга ёр бўлсин!»

Яхтамиз икки соатча сузди. Очик денгизга чиқиб колдик. Чор атрофимиз сув. Атрофга маҳлиё бўлиб, рулни бошқариб келаётган Элифни унугтан эканман. У кўзига қора кўзойнак тақиб, чўмилиш кийимида рулни бошқариб келарди. Оппоқ баданига саҷраган сув қуёш нурида ялтирайди. Қизнинг чехраси ён томондан қараганда жуда гўзал кўринади. У тикилиб турганимни кўриб қолди ва ширин табассум билан кўзни қисиб кўйди. Хоним кулганда юzlари ял-ял ёнди. Унинг табассумига жавобан «ҳаммаси жойида» дегандек қўлимни силкитиб кўйдим...

Элиф моторни ўчирди. Яхта сувни икки ёнга ёриб секинлаб тўхтади. Бошимиз узра чағалайлар парвоз қиласди. Элиф ёнимга келди.

– Анчадан буён денгизга чиқмагандим, – деди у. – Бугун шу ерда туnаймиз!

– Қармоқ бўлганда балиқ тутардим, – дедим унинг сўзларига жавобан.

– Менинг хонамда иккита қармоқ бор, ҳозир олиб чиқаман!

Хаёлим қишлоққа кетди. Уйимиз Сирдарёнинг бўйида эди. Ёшлигимда ўртоқларим билан балиқ овига чиқиб турардим. Омадим чопиб бирор ма-ротаба каттароқ балиқ тутганимни эслай олмайман. Кейин овчиликни унтиб юбордим. Болаликдаги завқ ҳозир қалбимда мудраган ҳавасларни уйғотди.

Элиф қармоқларни олиб чиқди. Биз курсиларни қирғоққа олиб келиб, қармоққа хўрак илиб денгизга ташладик. Ярим соат ўтса-да, қармоғимиз қимирла-мади. «Нима бало, денгизда балиқ қуриб кетганми ёки биз ташлаган хўракни менсимаяптими» деб ху-ноб бўлдим. Элиф зериқди чоғи, «тушлик тайёрлай-ман» деб ошхонага тушиб кетди. Охири мен ҳам зе-риқдим. Қармоқларни йиғиширдим.

Кун қизиди. Сувнинг ҳавога қўтарилаётган ҳо-вуридан бошим айланди. Денгиз сокин чайқалиб тўлқинланади. Ўзимни денгизга отгим, маза қилиб чўмилгим келди. Кийимларимни ечдим.

– Бу ерда чўмилиш мумкин эмас, – қаршилик кўрсатди ичкаридан чиқиб келган Элиф, – акула бў-лиши мумкин!

Унинг сўзларига эътибор бермай ўзимни сувга отдим. Сув мен ўйлаганчалик совуқ эмас экан. Куз қуёшнинг тафтини эмиб илиб қолганди. Танамда ёқимли ҳис уйғонди. Қулочимни отиб яхтадан узоқлашиб кетганимни пайқамай қолибман. Элиф бир оёғини палубага қўйганча мени кузатиб турар-ди. У пастдан жуда ёқимли кўринарди. Елкасига тушган соchlари енгил шабадада учади. Унинг жамолига маст бўлиб, қувончим ичимга сифмай сув остида турли ҳаракатларни бажаришда давом этдим. Атрофимда тўда-тўда бўлиб сузиб юрган балиқлар тўзиб қочарди.

Кутылмаганда Элиф қичқириб қолди.

– Акула!

Элиф ташвишли овозда қичқиради. Дастан унинг нима деяётганини англаб етмадим. Бирдан унинг ҳаракатларидан тушуниб қолдим. Жон-жаҳдим билан яхта томон сузиб кетдим.

– Чиқинг тезроқ! – қичқиради ҳамон Элиф.

Бирдан қизни сувга ташлаганини кўриб қолдим. У ажирлик билан мен томон сузиб келди. Кўлида пичоқ кўрдим.

– Тезроқ юқорига чиқинг!

Элифни сув ичида ёлғиз қолдириб кетолмасдим. Йигитлик фурурим йўл қўймайди. Бу орада қиз сув юзида бир кўринди-ю, фойиб бўлди. Турган жойида гирдоб ҳосил бўлди. Сув сатҳида қизил пайдо бўлди. Кўрқиб кетдим. Наҳотки Элиф...

– Элиф! – ҳам қўркув, ҳам ҳаяжондан қичқириб юбордим.

Қизил ранг атрофга ёйилиб, кенгайиб борди. Ер остидан булоқ отилиб чиқаётгандек филқиллаган товуш эштилди. Акула Элифни ўткир тишлари билан фажиб, денгиз тубига олиб кириб кетганига ишонч ҳосил қилдим. Қон хидини олган акулалар тезда бу ерга етиб келади. Буни билсамда, яхтага чиқиб олишга шошилмадим. «Бари тугади», дедим ўзимга ўзим алам билан. «Хозир денгиз йиртқичлари мени ўраб олади, гўштимни нимта-нимта қилиб ташлади. Ажалим шу ерда битган экан». Мабода шу тобда қаршимдан ўша йиртқич чикиб қолгудек бўлса, қаршилик кўрсата олмасдим.

Бир неча сония ўтиб оёғим остидан нимадир отилиб чиқди. Наҳотки акула бўлса?

Сочлари юзини тўғсан Элиф эди бу. Боши сувдан чиқар-чиқмас ичида димланиб қолган ҳаво отилиб

чиқди. Қизнинг юzlари оқарган. Сув остида узок тургани сабаб күzlари чаноғидан чиқиб кетаёзганди.

– Элиф! – қичқириб юбордим уни кўрган захоти. Бироқ қизнинг гапиришга, харакатланишга мажоли қолмаган. Чўкиб кетмаслик учун оёқ-кўлларини зўрға ҳаракатлантиради. Шошилинч чора кўрилмаса, сув тубига кириб кетиши ҳеч гап эмас.

Хонимни қучоқлаб яхта томон суздим. Темир пиллапояларга тирмашиб юқорига кўтарилдим. Шунда нимадир кучли зарб билан яхтага келиб урилди. Кўлим тутқичдан чиқиб кетаёзди. Пастга қарадим. Оёқларим остида бир жуфт акула оғзини очиб, ўткир тишларини кўрсатиб, тепага сапчишга чоғланиб турарди. Мен шошиб оёқларимни тепага кўтардим...

Акула қизнинг чап оёғини жароҳатлабди. Жароҳат у қадар оғир эмас. Териси шилиниб, пайлари кўриниб қолган бўлса-да, бироқ қон томирларга зиён етмаган. Ярадан қон оқарди. Элиф хушсиз эди. Юзаки нафас оларди. Ўпкасига сув тўлган бўлиши мумкин. Биринчи ёрдам кўрсатиш лозим. Аёлнинг кўксини тиззамга қўйиб, зарб билан ўпкасини босдим. Бу ҳолатни икки-уч бор қайталаганимдан кейин қизнинг оғзидан икки литрча сув чиқди. Шундан кейин нафас олиши ростланди. Энди ярадан оқаётган қонни тўхтатиш керак.

Кеча Элиф кечки овқатга виски қўйган эди. Шу ёдимга тушиб қолди. Ошхонага тушиб музлаткичдан ичкилиknни олиб чиқдим. Шу ерда дори кутиси ҳам бор эди. Уни ҳам олдим. Ярани виски билан ювидим-да, кейин бинт билан боғладим. Денгизда нимадир шалоплагандек бўлди. Яхта атрофида бояги икки акула ёнма-ён сузиб юрганини кўрдим.

Нихоят, Элиф мовий кўзларини очди.

– Сизга ҳеч нарса бўлмадими? – сўради қиз паст овозда.

- Ҳаммаси жойида, аммо... нима кераги бор эди?
- Сизнинг ҳаётингиз менинг жонимдан қиммат-роқ. Худо кўрсатмасин, акулалар сизни денгиз тубига олиб кириб кетганда мен ҳам ўзимни ўша йиртқичларнинг ихтиёрига топширган бўлардим.
- Бир умр сиздан қарздорман, хоним.
- Элизиф жилмайди. Дурдай оппоқ тишлари офтоб тифида ялтираб кетди.
  - Мени хонамга олиб кириб ётқизиб қўйсангиз.
  - Элизифни кўтариб ётоғига олиб тушдим. У бўйнимдан маҳкам қучоқлаб олди.
  - Ҳозир сизга иссиқ қаҳва бераман!
  - Ўзингизга заҳмат қилманг, эфендим, – ортимдан қичқириб қолди аёл.
- Ошхонага ўтиб қаҳва тайёрладим. Мажбурлаб хонимга ичирдим.
  - Дўхтирга боришимиз керак, афсуски, мен яхта хайдашни билмайман, – дедим хижолат билан.
  - Кераги йўқ, ўтиб кетади, – жавоб қилди аёл.
  - Балки заҳар қонингизга ўтиб кетгандир?
  - Акулаларнинг тишида заҳар бўлмайди. Бу биринчиси эмас, болалигимда ҳам акуланинг оғзидан қайтиб чиққанман.
  - Нимадир чора кўриш керак, – дедим, аммо ўша кўриладиган чорани ўзим билмасдим.
- Элизиф анча тетиклашиб қолган бўлса-да, негадир узоқ вақт тўшакда ётган бемордай заиф овозда гапиради. Унинг ёнидан жилмай гаплашиб ўтиредим. Тушлик иккимизнинг ҳам хаёлимиздан кўтарилди. Ошхонага ўтиб овқат тайёрладим. Элизиф боя овқат учун масаллиқлар тўғраб қўйган экан. Қийналмадим. Овқатни сузиб қизнинг хонасига қайтдим. У мен пиширган таомдан уч-тўрт қошиқ ичди. Куёш ботгунча гаплашиб ўтирдик. Ниҳоят,

дengiz узра қоронфилик чўқди. Осмоннинг этаги хунук эди. Сув нотинч чайқаларди.

– Оқшом қўнибди, – деди қиз ойнадан ташқарига боқиб. – Тепага чиқайлик. Тунда денгизни томоша қилишни ёқтираман.

Хоним ўрнидан турди. Оёгини ерга босганда инграб юборди. Зўрға ушлаб қолдим уни. Кўлини бўйнимдан ўтказиб қўлтиғига елкамни тутиб, тепага кўтарилдик. Булутлар орасидан кумушранг ёғдуларини сочиб, ой ҳаволаниб боради. Юлдузлар денгиз тубидаги марвариддек жимиirlайди. Дилларда қувонч уйғотиб фир-фир ёқимли шаббода эсади.

– Бу кеча довул ёки шамол турадиганга ўхшайди,  
– деди Элиф кўзларини денгиздан узмай.

– Балки соҳилга қайтармиз, хоним.

Элиф индамади, у ором курсисида нигоҳларини бир нуқтага жамлаганча хаёлга чўмиб қолди. Тун қаърига ўралиб бораётган денгиздан-да қаршимда ўтирган соҳибжамол фусункор кўринарди кўзимга. Пастга тушиб қаҳва тайёрлаб чиқдим.

– Мен бажарадиган ишларни сиз адo этмоқдасиз, Бўронбей, – хижолат бўлиб деди хоним. – Ноқулай ахволга солиб қўйганингиздан хижолат бўлаётирман. Кўрсатаётган меҳрибончилигингиз учун қарздорман.

– Хижолат чекманг, бу менинг инсоний бурчим, хоним эфенди.

Финжонга қаҳва қўйиб аёлнинг олдига қўйдим. Денгиз билинар-билинмас чайқалади. Тўлқинлар кўтарилади, шалоплаб яхтага урилади-да, сўнг қўпикланиб орқага қайтади. Гулдираган овоз келади сув тубидан.

– Бўронбей, – деди Элиф бир оз жимликдан кеийин мен томон буриб. – Менга айтишларича, сиз ашаддий жангари экансиз, шу гап чинми?

Наҳотки бу қиз ичимдаги фасоддан огох бўлса деган фикр кўнглимдан кечди.

– Бу гапни мени яқиндан билган одамдан эшитдингизми? – сўрадим ўзимни ҳеч нарсадан бехабар кимсадек кўрсатишга уриниб.

– Аммо менинг фикрим бошқача.

– Тушунтириброқ айтинг, хоним эфенди.

– Сиз жангари эмассиз.

– Бундай хулосага келишингизга сабаб борми?

Ростини айтсан, мен чиндан ҳам жангариман, толи-бонлар сафида жанг қилганман. Кейинчалик мулла Умар мени Чеченистонга жўнатган!

– Одам ўлдирғанмисиз?

Элиф жуда оғир саволни берди. Ноқулай вазиятда қолдим. Фикрларимни жамлаб олиш ҳамда қизнинг саволига жавоб топиш мақсадида унга тикилиб турдим. Қизнинг калта соchlари тилим-тилим бўлиб ялтиради, юзлари порлади, пешона териси янада шаффофлашди. У ҳамон чаросдек ёниб турган кўзларини нигоҳимдан узмасди.

– Урушда нималар бўлмайди дейсиз, сиз отмасангиз, сизни отишади, – дедим чуқур хўрсиниб.

– Сизнинг одам ўлдирганингизга асло ишонгим келмаяпти.

– Нега?

– Одам ўлдириш осон иш эмас. Инсонга қараб инсон боласининг ўқ узишини мен ҳеч қачон тасаввуримга сифидиролмайман. Қолаверса, кўзларингиз виждонингиз поклигини айтиб турибди. Сиз қотил эмассиз. Инсонни ўлдира олмайсиз!

– Сиз романтик аёл экансиз, хоним эфенди!

– Гап-сўзларингиздан яхши тарбия кўрган, зиёли йигитлигингизни билиб турибман.

– Бошқа жангарилар ҳақида ҳам шундай фикрдамисиз?

– Мутлақо. Сиз билан йигирма тўрт соат бирга бўлдим. Юрагимнинг аллақаерида сизга нисбатан ишонч уйғонди ва бу ишонч сиз тўғрингиздаги ёмон фикрларимни остин-устин қилиб ташлади.

Элифнинг соддадиллиги бояқишининг кўнглида ёмонлик йўқлиги билдириб турарди.

– Хоним эфенди, мумкин бўлса мен ҳақимда кимдан маълумот олганингизни айтиб беролмайсизми?

Элиф финжонни қўлига олди ва қаҳвадан симиради.

– Жуда ажойиб инсонсиз, Бўронбей, – саволимга мажхул жавоб берди хоним. Бироқ унинг қалбида менга ёрдам беришдек теран туйфуни уйғотишга муваффақ бўлганимни сездим. Хоним паст овозда давом этди. – ...Биласизми кўзларингизга боқиб кўнглимдаги гапларни айтишга ўзимда мажбурлик ҳиссини туймоқдаман. Балки бу менинг ожизлигимдир.

– Сиз мард, кўнгли очиқ аёлсиз, Элиф хоним. Кўзларингизда инсоний меҳр-муҳаббат чўғлари ёниб турибди.

Элиф жилмайди. Шу лаҳзада булутлар орасини ёриб чиққан ой ёғдусида қизнинг дурдай тишлари ялтираб кетди.

– Ошириб юбормадингизми? Аслида мен...

– Сиздаги фазилатлар ҳаммада ҳам бўлавермайди.

Қизнинг шаънига айтган илиқ сўзларим дилидаги қулфни очиб юборди.

– Сизни нима мақсадда бу ерга олиб келишганини биласизми?

Элифнинг савол оҳангидан меҳр-шафқат, бугунги аҳволимнинг янада теран сабабларини билиш истагига ўхшаш бир нарсаларни сезгандек бўлдим. Ва айни пайтда хонимнинг мен тўғримда анчагина маълумотлардан огоҳлигини тушундим. Элиф шундай бир сукунат ва некбинлик оғушига фарқ бўлдики,

қизнинг хаёлига ёмон фикр келишидан чўчиб тезда тилга кирдим:

– Мен юртимга жўнаб кетаётган эдим, нотаниш одам йўлимни тўсиб, автобус миналаштирилганини қулоғимга шипшишиб ўтди. Қўрққанимдан унинг айтганини қилиб автобусга чиқмадим. Йўлимни ўзгартирдим. Ҳақиқатан ҳам беш дақиқадан кейин автобус жойидан қўзғалган заҳоти портлаб кетди. Нотаниш кимса аллақаердандир етиб келиб яна ёнимда пайдо бўлди. У «зудлик билан Чеченистондан кетмасанг жангарилар тутиб олиб, сени отиб ташлашади», деб айтди. Ҳаётимни сақлаб қолгани эвазига унинг айтганини бажаришга мажбур бўлдим. Лекин нима учун бу ердаги одамларга кераклигимни тушунмай бошим қотди.

– Ҳамма гап шунда-да, Бўронбей. Бу ерда сизнинг жонингиз учун катта бойлик тикилган!

– Наҳотки қулоқларимга чалинаётган сўзларингиз ҳақиқат бўлса?! – Элифнинг сўзлари қизиқишимни кучайтирди. Ёнига яқин сурилдим. Мен энди унинг қалбидағи гапларни суфуриб олиш учун бироз артистлик қилишимга тўғри келди.

– Ўша бойликларни ким тикканини билсан бўладими? – сўрадим ажабланганимни яширмай.

– Аввал менга ўртамиздаги гап-сўзларни ҳеч кимга айтмайман деб сўз беринг!

– Ваъда бераман!

– Ваъда эмас, онт ичинг!

– Марҳум онамнинг номи билан онт ичаман, Элиф хоним.

Сув шалоплади. Элиф иккимиз овоз келган томонга қарадик. Булутлар ичига кириб бораётган ой юқорига сапчиган балиқнинг оппоқ танасини ёритди. Оний лаҳзалардан кейин ой булутлар остига, балиқ эса сув тубига шўнғиб, кўздан фойиб бўлди.

Атроф яна қоронфилик пардасига ўралди. Қаршимда ўтирган малакнинг кўзлари мана шу ажойиб кечада маржондек ялтираб, юрагимнинг тубини қитиклади, ширин ҳислар уйғотди.

Қиз паст овозда шивирлади:

– Баққол.

– Баққол?! Ким у?

– Туркияning энг бадавлат бойларидан. Ўша одам сиз учун бутун бойлигини тиккан!

– Нима учун керак бўлиб қолганимни ҳам айтиб берарсиз?

– Бунисини билмайман, аммо эшитишимга қаранганд, у ўзининг ишларида сиздан фойдаланмоқчи.

– Баққол қурол савдоси билан шуғулланадими? – хаёлимга ярқ этиб шундай савол келди.

– Афсуски, у қурол савдосидан йироқ одам. У билан кўришганингизда мақсадини билиб оласиз.

– Качон кўришаман?

– Билмадим. Унгача сиз бошқа одам билан учрашасиз!

– Нималар деяпсиз, хоним? Наҳотки мендек оддий бир жангарининг харидори бу мамлакатда бисёр бўлса?

Элиф жим қолди. Денгиздан анча нарида сузиб бораётган пароход сигнал чалиб ўтди. Яхтага келиб урилаётган тўлқинлардан ҳосил бўлган совуқ томчилар оёқларимизга сачаради. Денгиз борган сари тўлғоқ туваётгандек безовталанарди...

– Мен афтидан кўп нарсаларни валдираб қўйдим. Бошлиқларимнинг қулоғига етиб борса, акулаларнинг оғзидан қутқариб қололмайсиз, – деди қиз бир оздан кейин.

– Ўртамиздаги сухбатни сир сақлайман, деб қасам ичдим, хоним эфенди. Менга худди ўзингизга ишонгандек ишонишингизни хоҳлардим.

– Ишонганимдан айтдим-да бу гапларни сизга, Бўронбей.

Мен иккинчи кимсанинг ҳам кимлигини билишни жуда-жуда хоҳлардим

– Ким билан учрашаман, илтимос, айтинг, хоним эфендим?

Элиф кўзларимга тикилиб қолди. Унинг ҳаяжон-ланайтгани нафас олишидан билиниб турарди. Бир оздан кейин:

– Яқин кунлар ичида Адамас исмли инглиз олдин-гизга келади. У сиз билан ўзини қизиқтираётган ма-салада сухбатлашади.

– Баққолнинг одамими у?

– Асло, унинг Баққолга алоқаси йўқ.

– Улар сизга қандай топшириқ беришган?

– Сизни зериктирмасликни...

Бошим ғовлади. «Адамас деганлари мен билан нима ҳақида гаплашмоқчи? Нега у учрашувни Баққолдан беркитиқча ўтказмоқчи?»

Ўйга толганимни қўриб Элиф айтган гапларидан пушаймон бўлгандек енгил хўрсинди. Қизнинг кўнглини кўтаришни ўйладим. Стол усидаги финжонларга виски қўйдим. Ичдик, ичимиз қизигандек бўлди.

– Энди пастга тушсак бўлади, – таклиф қилдим қизга. – Ҳаво совиб кетди.

– Эркаликни ошириб юборди демасангиз, музхонадаги гўштдан қовурганингизда, енгилгина тамадди қилиб олардик...

Элифнинг қўлтиғига кирдим, уни хонасига олиб тушиб тўшагига ётқиздим. Кейин ошхонага чиқиб овқат тайёрладим. Тановулдан сўнг Элиф билан анча у ёқ-бу ёқдан гаплашиб ўтирдик. Ётадиган пайт бўлди. Ўрнимдан турдим.

– Яхши тушлар кўринг, Элиф хоним!

Элиф бошини күттарди. Порлаб турган күзларини менга тикди. Унинг нигоҳидан менга нимадир демоқчи бўлганини сездим. Бир оз куттириб ўша гапни айтди:

– Мени ёлғиз қолдириб чиқиб кетмоқчимисан, жоним...

Фалати бўлиб, кетдим.

Биз бир-биримизга тикилиб қолдик.

– Бу кеча ёнимда қолгин...

## ЖАЛОЛОБОД

Faфур тонг фира-ширасида йўлга чиқди. Тушга яқин Саманганга кириб келди. Киракаш машиналардан бирини ёллаб Пули Хумрого жўнади. Йўл йироқ, ҳар қадамда хатар сезилиб туради. Кўчалардан тўп-тўп бўлиб қуролли одамлар ўтади. Айтидан тунда шаҳарда нимадир рўй берган. Шаҳардан чиққунча ҳеч ким Faфурни тўсмади. Юраги хавотирдан безовта. Одамлар кам жойга етиб келганда эркинроқ нафас олди.

Қуёш кўкда чарақлаб нур сочиб турса-да, ер ялаб изфирин изфири. Faфур бу йўлларни яхши билади. Уруш йиллари, кейин Эргашнинг қўлида хизмат қилиб юрган кезлари Пули Хумрого қўп қатнади. Лекин Жалолободга элтувчи яширин йўлларни билмайди. У томонларга бормаган. Нотаниш жойлар. Энди у қолган масофани яёв босиб ўтиши керак. Топшириқ шундай. Шу ердан сариқ тупроқ остида ястаниб ётган даштлик ва сахролар бошланади. Темир арқон каби чийралган, курсоқчиликка чидамли жилғинзорлар, саксовулзорлар, қахра ўтлар босиб ётиби бу ерларни. Адоғи кўк билан бўйлашган, қорайиб турган тоғларга туташиб кетган.

Faфур Лаваш дарёсини кечиб ўтди. Сув лойқа эди, ўзанига сифмай пишқириб оқади. Соҳилнинг у ёни сахро эди. Кўпчиган тупроқда одам боласининг оёқ излари кўзга ташланмайди. Калтакесаклар, илонлар ва бошқа судралиб юрувчилар ўз изини тупроқка муҳрлаб кетган. Эпкин аллақаерлардан учирив келаётган қум ва тупроқлари ила уни қўмишга ҳаракат қиласиди... Кун қайтаётган эди.

Елкасига қопча орқалаган, эгнидаги узун қўйлагини бекарор шамол тортқилаётган, пахмоқ соқоли тўзғиган қаҳрамонимиз сахро қўйнига кириб борди. Faфур анча йўл босди. Асов дарёнинг шовқини ортда қолди. Faқат тунда овга чиққан жониворларнинг овозигина сахро узра ёйилиб кетган сукунатни бузади. Шўр босган қовжираған ерлар бошланди. Faфурнинг оёғи толди. Танасидан мадор қочди. У мизғиб олишга қарор қилди. Эрталабдан буён туз тотмаганди. Оёқлари билан ўтларни ётқизиб ўзига тўшак тўшади. Ўтирди. Қопни очди. Егуликларни олдига қўйди. Бир тишлам пишган гўштни оғзига согланди, қулоғига қирсиллаган овоз чалинди.

«Нима бу?»

Faфур атрофга аланглади. Кўзи ой нурида қора-йиб турган янтоққа тушди. Баҳайбат тошбақа унинг баргини тишлари орасида қирсиллатиб чайнарди. Бундай улкан жониворни Faфур шу пайтгача кўрмаган. Аввалига қўрқди, бу ердан кетмоқчи бўлди. Бироқ унинг беозорлигини англаб, жимгина овқатланаверди. Нарироқда эса чинқироқ илон чириллай бошлади. Одатда боласини йўқотган илон шундай овоз чиқаради.

Faфур енгил тамадди қилди. «Энди нима қилиш керак? Йўлда давом этиш керакми ёки дам олган маъқулми?» Faфур кўкка бокди. Парча-парча булутлар ойга яқин келиб қолган. Улар эса тобора қуюкла-

шарди. Ёмғир ёғадиган сиёхи бор эди. Бунинг устига, аста-секин эсиб турган шамол кучайиб борарди.

Faфур йўл юришга қарор қилди. Ўрнидан турди. Копни орқалаб, шўр тупроқ сатҳида изларини қолдириб тог томон кета бошлади. Ой юзини қора булат тўсди. Farб томондан келаётган қуюқ тўзон замин-у осмонни эгаллаб ёпирилиб келарди. Майда-майда қум ва тупроқ зарралари Faфурнинг юз қўзларига тикандек санчилди. Шамол қулоқлари остида аланга каби гувиллади. Унинг чанг ва тупроқ тўлиб ачишаётган қўзлари олисни илғамади. Шамол кучайди. Кийимларини тортқилади. Юриш азоб эди. Кўкрагидан бирор итараётгандек бўлди. У маст одамдек гандираклаб борарди. Бирдан қулоқларига худди ер тубидан отилиб чиқаётган вулқоннинг товушидек гуриллаган овоз чалинди. Бу овоз даҳшатли ва айни дамда қўрқинчли эди. У ўзи томон шиддат илиа яқинлашиб келаётгандек туюлди. Faфур товуш келаётган томонга юзланди.

Тўфон арғамчикдек эшилиб, буралиб, ернинг чанг тўзонига қўшиб, явшан, янтоқ каби ўсимликларнинг илдизини қўпориб, қўкка олиб чиқиб кетди.

«Наҳотки тўфонга тушиб қолган бўлсан?»

Faфур қўрқиб кетди. Нима қилишини билмай умидсизликдан нафаси ичига тушди. Тўфон гувиллаганча у турган жойга бостириб келарди. У салкам эллик метр масофани қуршаб олганди. Қочишнинг, бирор пана жойга яширинишининг асло иложи йўқ эди. Faфур ўзини ерга ташлади. Ушлайдиган нарса тополмади. Бутун танаси билан ерга чиппа ёпишиб олди.

Тўфоннинг кучига ҳеч нарса бас келолмасди. Йўлида учраган нарса борки, барчасини домига тортиб қўкка олиб чиқиб кетарди. Faфур юзига иссиқ намли эпкин билан чаённинг нишидек нарсалар

уритганини ҳам ҳис этди. Ҳеч қандай тасодиф ва ҳеч қандай баҳтли ҳодиса унинг жонини сақлаб қолиши мумкин эмаслиги хаёлидан ўтди. Тўфон чархпалакдек айлантириб, осмону фалакка олиб чиқиб кетишини ва қанчадир масофадан кейин тоғ-тошларга ташлаб юборишини ўйлади. Ўзининг ўлимга маҳкум этилганига ва бу ҳукмни ҳеч ким ўзгартира олмаслигига яна бир бор амин бўлди. Кум, тупроқ тўлган оғзи очилиб, қайишдек қаттиқ лабларидан шундай сўз учбичиқди:

«Алвидо, ҳаёт!»

Тўфон баҳайбат ва қудратли кучга эга бўлган афсонавий девдек йигитнинг қўрқувдан титраётган танасига чанг солди. Турган жойида чархпалакдек айлантириб осмонга кўтарди. Fafur гирдобга тушган хасдек юқорига кўтарилаётганини пайқади. Ичидан нимадир узилди. Кўзи тиниб, боши айланди. Fafurning танасини бир қисминигина тўфон ўраганди. Баҳтли тасодиф туфайли айланма куч уни гирдоб марказига эмас, четга итараарди. Fafur икки-уч метр юқорига кўтарилгач, худди парраги ишдан чиққан вертолётдай пастлай бошлади ва ерга гурсиллаб тушди. Белида шундай қаттиқ оғриқ турди-ки, инграб юборишдан ўзини тия олмади. Тўфон гуриллаб айланиб, чанг-тўзон уфуриб, йўлида учраган нарсаларни ямлаб-ютиб ўтиб кетди, аммо унинг кучли эпкини, гулдираган овози босилмаганди. Майда нарсаларни сўргичдек тортарди. Fafur чанг-тупроқ қоплаган юзини ерга босиб инграб ётди, бир оздан кейин тўфон чангалидан халос бўлганини ҳис этди. Бошини кўтариб атрофга боққанда тўфон анча йироқлаб кетганди. Fafurning кўзлари, бурни ва оғзи шўр тупроққа тўлди. Тишларини қимиirlатганда фичирлади. У ўрнидан туриб қоқинди. Томоги қакради. Чанг тўлган кўзлари қалампир суртилган-

дек ачишди. Қопчасидан сув олиб ювинмоқчи бўлди, аммо қопча йўқ эди. Атрофда ҳам кўринмади. Тўфон уни ўзи билан бирга олиб кетганди. Излаш, ахтариш фойдасиз эди.

Тўфон ўтиб кетган бўлса-да, кўқдаги чанг тўзон булатлари ҳали тарқамади.

Faфур белидаги оғриқ қанчалик кучли бўлмасин тезроқ бирорта форга кириб, эрталабгача дам олишга умид боғлаб йўлга отланди. Икки соатча юрди. Оғриқ илдам қадам ташлашга имкон бермасди. Ниҳоят, тоққа яқинлашди. Савлат тўкиб турган баҳайбат қоялар худди унинг келишини хушламагандек туарди. Faфур атрофга бокди, бироқ унинг ачишиб оғриётган кўзларига бошпана вазифасини ўтайдиган жой кўринмади. Яна юқорига кўтарилиши лозимлигини тушунди. Қоялар мум оқиб тушгандек қоп-кора ва силлиқ. Тезроқ чўққига чиқиб олиши лозим. Акс ҳолда тоғнинг беражм, шафқатсиз йиртқичларига ем бўлиши муқаррар.

Очлик, ташналиқ, толиқиш ва оғриқ Faфурни та- моман ҳолдан тойдирди. Шундай бўлса-да, буларнинг барчасини унутишга, енгишга ҳаракат қилиб, йўл чарчоғидан янада афтодаҳол кўринган жулдир кийимли бу йигит олға кетиб бораиди. Бармоқлари билан совуқ тошларни чанглаб юксаклик сари тирмашди. Бу орада қуёш булатлар чокини сўкиб юзини кўрсатди. Унинг ёруғ нурларига чўмилган олам ёришиб кетди. Афсуски, кўп ўтмай тоғлар ортидан чиқиб келган бир тўда булат галаси унинг юзи- га қалин кумушранг парда тортди. Faфур чўққининг қоқ белига етганда кўқдан совуқ томчилар туша бошлади. «Нима бу? Ёмғирми, дўлми?» У кўкка бокди. Шундоқ тепасидан сузиб ўтаётган булатларнинг авзойи хунук эди. Ёмғир ёхуд жала ёғиш хавфи бор. «Илдамроқ ҳаракат қилиш керак», ўзига ўзи деди

йигит. У кекса айиқ каби лапанглаб, тошдан-тошга сакраб борарди. Осмон бағрида ялт-юлт чақынлар чақнаб турған булутлар ниҳоят қуиб берди. Бу дашт жаласи эди. Йирик марварид томчилар тошларга шитир-шитир урилиб шариллаб оқа бошлади. Энди нам тортиб, силлик бўлиб қолган тошлар устида юриш хатарли. Faфурнинг оёфи сирпанди. Тошлар орасига сув тўпланиб, ушлаганда жойидан кўчиб кетарди. Бу унга баттар азоб берди. Шундай бўлса-да, у олдинга қараб интилди. Бошпана топишга шошилди. Ёмғир эса тобора забтига оларди. Faфурнинг кийимлари жиққа хўл бўлди. Тинимсиз момақалдироқ гумбурлади, шундоқ тепасида чақин чақнади, борлиқ қўрқинчи зулмат пардасига ўралди.

Ёмғир шиддатли жалага айланди. Faфурнинг кўзларига икки қадам наридаги нарсалар кўринмай қолди. Тепадан тушаётган оқим кучайди. Ўзани торлик қилиб, тошдан тошга бошини уриб, пишқириб, кўпикланиб шовуллаб тушаётган сув майда тошларни суриб, ўт-ўланларни, қуриган шох-шаббаларини оқизди. Faфур гангид қолди. Аммо тўхташ, бир жойда туриш мумкин эмас. Оқим уни пастга оқизиб кетиши ҳеч гап эмас. У бояги тўфондан баттар кучли ва хатарли.

Faфур учун ортга йўл қолмади. Масофанинг анчагина қисмини азоб-уқубат билан босиб ўтди. Ва айни чоғда бу атрофда бошпана ҳам кўринмади. Чўққини забт этишга эллик қадамча қолганди. Лекин бу шунчаки арзимас масофа эмас. Қаршисида тош кўчкиларидан ҳосил бўлган паст-баландликлардан ошиб ўтиш ит азоби эди. Олдинда қоянинг энг баланд ватик жойи турибди. Ҳар бир қадамни ўйлаб, эҳтиёткорлик билан қўйишга тўғри келади. Faфур тошларни темирдек бармоқлари билан чангллаб юқорига ўрмалади. Оқим ҳам забтига олганди. Лойқа

ва майда тошлар аралашган сув юзига уриларди. «Худойим, бандангни паноҳингда асрагин, илоҳим, бошимга тош тушмасин, оёғим тойиб кетмасин, акс ҳолда пастга учиб кетаман ва тошга урилиб жувонмарг бўламан» дея, худога чин дилдан истиғфор айлади. Момақалдироқ кўз илғамас қояларнинг ортидан эмас, балки шундоқ тепасида гумбурлади. Шу билан бир пайтда чақин чақнади. Зулмат қоплаган осмон бағрини маълум сониялар ёритиб, кейин ўзини тун пардаси ортига яширди. Чақмоқ чақиб олам ёришганда шиббалаб ёғаётган ёмғир томчилари ҳам яқин-йироқлардаги манзараларни тўсиб қололмади. Барчаси Faурнинг кўзига ярқ этиб ташланди. Шунда баҳтли ҳодиса рўй берди: йигитнинг кўзлари ўн қадамча наридаги арчага тушди. Қачондир бу ерга келиб тушган яшин уни яланғочлаб, танасининг бир қисмини куйдириб, қорайтириб ташлаган. Йигитнинг қулоқларига бирор шивирлагандек бўлди: «Ўша томон юр».

У чанглаб турган тошлардан кўлларини бўшатди. Бир оёғини кўтарди. Очликдан, ёмғирдан ва эса-ётган совуқ эпкиндан чайқалиб нақ пастга қулаб тушаёзди. Тезда ўзини ўнглаб, мувозанатни тиклади. Бу орада унинг нажот излаган кўзлари икки қадам нарида турган улкан тошга тушди. У тухумга ўхшаб ёнбошлаб туради. Салгина турткидан қуийга тушиб кетадигандек кўринди. Faур унинг устига сакраб ўтиши лозим. «Тош кўчиб кетса-чи?» деган вахимали фикр калласига урилди. Лекин бошқа иложи йўқ. Тирик қолиш учун ирғишга мажбур эди.

Faур хаприқиб ураётган юрагини чанглаб таваккал қилди. Оёғи зўрға тошнинг четига илиниб қолди. Вужуди билан тошга ёпишди ва уни қучоқлаб олди. Тош кўчмади. Унинг оғир гавдасини кўтаришга қодир эди. Аммо бошқа воқеа содир бўлди.

Ҳозиргина тарк этган жойига юқоридан одамнинг кучогига сифадиган тош келиб тушди. Ер титрагандек бўлди. Унинг зарбасидан атрофдаги майда тошлар кўчиб тушди. Хиёл кечикканда харсанг бошига тушиб, пачақлаб ташлаши муқаррар эди. Faфур тангрига ҳамд-у сано айтиб, арча томон эмаклаб кетди.

Арчанинг йўғон танасига қачонлардир қулочга сифмайдиган баҳайбат тош келиб урилиб, шу жойда қолиб кетганди. Юкоридан тушаётган шошқин сув шу харсангга урилиб, ўзанини ўзгартиради. Ким билсин, балки қачонлардир бу тош ости айиқлар учун бошпана бўлгандир. Ҳар қалай унинг остида икки одам бемалол жон сақласа бўларди.

Faфур ўзини панага урди. Шу тобда яна момақалдироқ гумбурлади. Бу галги овоз аввалгидек қўрқинчли ва даҳшатли эмас. Аксинча, ҳолсизланниб, шаштидан қайтганини билдиради. У ёмғирнинг шаштини ҳам сусайтиради. Томчилар сийраклашди. Бироқ юқоридан тушаётган оқим пасаймади. Тобора забтига олди. Катта-кичик тошларни думалатиб тушди. Бир бирига урилиб, қарсиллаб тушаётган тошлар Faфурнинг тепасидан сувга қўшилиб учди.

Субҳ палласида ёмғир тинди. Енгил шамол турди. У булутларни тўзитиб, осмон юзини очди. Тип-тиник фалак бағридаги саноқсиз юлдузлар чараклади.

Караҳт танасини харакатга келтириш Faфур учун азоби азим бўлди. Кийимлари увиб кетган разм солди. Улар йиртилган бадани шилинган. Бир пой туфлиси тушиб қолган эди.

Тепаликни ишғол этишга озгина масофа қолди. Тезроқ у ерга чиқиш, овлоқроқ жой топиб, олов ёқиб исиниши кийимларини қуритиши даркор. Акс ҳолда

шамоллайди. Бусиз ҳам аъзойи бадани увиша бошлаганди...

Faфур яна ҳаракатга тушди. Тошларни чангальаб тепаликка ўрмалади. Узоқ-яқин кўзга ташланиб қолди. Майсалар тундаги ёмғирдан кейин яшнаб кетди. Бутун борлиқ яшил либос кийгандек. Хуш ҳаво дилга ҳузур бағишлийди. Совуқдан бадани дилдираб, тишлари такиллаётган Faфур атрофни айланаб, кичкина форга дуч келди. Могоранинг оғзига бориб ичкарига боқди. Жон сақласа бўлади. У ичкари кирди. Кийимларини ечиб сиқди, тош устига ёйиб кўйди.

«Энди нима қилиш керак?» ўзига ўзи савол берди йигит. Кимдир қулоғига шивирлади: «Ҳаракатланиш ва яна ҳаракатланиш даркор. Шундай қилсангнина баданингга иссиқлик югуради, қизийсан».

У иккала қўлига биттадан тош олди. Ўтириб турди, сакради. Эти қизигандек бўлди. Энди олов ёқиши керак. Тошлар орасига қўл сукди. Қушлар инидан хас-хашакларни суғуриб олди. Арчаларнинг қуриган шоҳларини топиб келди. Бир соат тошни тошга уриб, чақмоқ чиқариб, олов ёқишига ҳаракат қилди. Бироқ намикқан хаслар арзимас учқундан илашай демасди. Нихоят, кичик бир шоҳчага ўт туташгандай бўлди. Пуфлаб-пуфлаб оловни илаштириди. Гулхан гуриллади. Кийимларини қуритди. Музлаган танаси илиди. Бу пайтда қуёш ўзининг алвон шуълалари или олам-жаҳонни ёрита бошлади. Офтобнинг бир чимдим нури мօгора оғзидан ичкарига тушиб, зулмат пардасини йиртди. Faфурнинг кўзи турли-турман шаклларга тушди. Бу белгилар унга номаълум. Ажабланди. Расмлар бир-бирига ҳалқадек уланиб, горнинг ичкарисига кириб кетганди. Faфур қизиқиб қолди. Ичкари кирган сайин суратлар рангли тус олди. Қўл ушлашиб турган икки одамнинг сурати

худди кечагина чизилганга ўхшайди. Улар инсон қўли билан эмас, балки илоҳий куч томонидан яратилгандек эди гўё.Faфур у ёнга, бу ёнга ўтиб суратга узоқ термилди. Қизиги, қайси томондан боқса расмдагилар ҳам унга ўша томондан боқарди. Бирдан ўзининг соқол қоплаган, шишинқираган кир-чир юзи деворда акс этди. Аввалига кўзларига ишонмади. Қўли билан тошларни пайпаслади. Деворда ҳам шундай ҳаракатлар рўй берди. Мўъжиза. Ушлаб турган нарсаси тош эмас, ойналигини билди. Ким, қачон ўрнатдийкин буни? Балки фор шу ерлик расомлардан бирига тегишлидир?

Faфур атрофни кўздан кечирди. Аммо ичкарида инсон боласи яқин орада қолдирган бирорта изни топа олмади. Қизиқиш ҳамон уни ичкарига тортарди. Расмлар ҳали ҳамон бир-бирига уланарди. Қуёш нури тушмаган жойларни қоронғилик домига ўраб борарди.

Faфур ортга қайтмоқчи эди, қулоғига ғалати товуш чалиниб тўхтади. Ёқимли эди бу овоз. У эҳтиёткорлик ила ичкарилади. Тепадаги тошлар орасидан сув томчиларди. Улар пастда тўпланиб, кичкинагина жилғага айланиб, пастга оқиб кетарди ва беш қадам масофадан кейин ер остига сингиб кетарди. Табиатнинг гаройиб мўъжизаси эди бу.

Faфур кечадан буён сув ичмади, томоги қакраб кетди. Тошлар устига тиззалаб, лабларини чўччайтириб сувдан симирди. Унинг таъми ширин ва ёқимли эди. Вужудида файритабиий куч уйғонди.

У ташқарига чиқди. Атрофга назар ташлади, теваракни ўраган баҳайбат қояларга кўз юргуртириди. Улар ваҳимали эди. Баъзи ерларда шамол қорларни қуюндек уйиб, тепа қилиб ташлаган, улар офтоб нурларида ярақлаб кўзни олади. Бирдан унинг кўзи пирамидаларга тушди. Улар оппок

эди. Пирамидаларнинг бўй-басти, эни, юксаклиги, қирралари, муҳими оралиқлари бир хил ўлчамда. «Булар ким томонидан яратилган?» ўйлади Faфур. Шу тобда у ўзининг қаердалигини унугандек эди. Бирдан қулоқларига мусикадек майин товуш чалинди. Дилбар ва ёқимли кўй эди бу... Ундан тараалаётган садо юракни сел қиласарди. Faфур куйга ошуфта бўлиб ўзини унугаётди. Нола тоғнинг салқин, сарин шабадаси ила оқиб, юрагига кириб келди. Овоз биринчи пирамида томондан келаётганди. Қизиқиш уни ўша томон юришга мажбурлади. Ажабо, етиб келганда овоз иккинчи пирамида томондан кела бошлади. У мусиқанинг сирли таъсирига тушиб қолганини ҳали билмасди. Иккинчи учинчи... ва барча пирамидаларнинг олдига чопиб борди. Охир-оқибат алданганини англаб етди. Орқага қайтди...

Faфурнинг қўлида йўл харитаси йўқ. Жалолободга элтувчи сўқмоқлардан бехабар эди. У бораётган йўлдан одам боласи яқин орада юргани, довонлар ошмагани яққол билиниб турарди. У қуёшга, ой-у юлдузларга боқиб, ўркач-ўркач довонлардан ошиб, сой-у жилгалардан кечиб ўтарди. Кечаги ёмғир тошларни, гиёҳларни, ўт-майсаларнинг фуборини ювганди. Чаппар уриб гуллаган гиёҳлар шабадада чайқаларди. Она табиат кўзни қувонтиради. Дилларни қитиқларди мусаффо ҳаво.

Faфур писта дарахтлари мевасини терди, йўлда чақиб борар экан, тиккадан оғиб қолган күёш шуъласида ялтираб турган аллақандай буюмда кўзи тўхтади. У ўзидан сарғиш нур сочарди. Faфур аста унга яқин борди. Бу тож эди. Қўлига олиб томоша қилди. У соғ олтиндан ясалган бўлиб, гардишларига қимматбаҳо тошлар қадалганди. Бундай тожни ўз даврининг буюк сultonларигина бошига қўндириб юришга ҳақли эди. Faфурнинг миясида шундай саволлар уйғонди: «Бу

қайси даврга хос? Кимнинг тожи? Қандай қилиб бу ерга келиб қолди?»

У тожни ўзи билан олиб кетишга қарор қилди. Оёғи ердан узилмай юзига иссиқ эпкин аралаш томчилар сачрагандек бўлди. Faфур кўкка боқди. Шишадек тиниқ эди осмон. Икки қадам наридаги ялпоқ тош устида чўзилиб, танасини офтобга солиб ётган сариқ илонни кўрди. У вишиллаганда оғзидан иссиқ ховур чиқди. Танаси марвариддек мавжланди. Бошини хиёл кўтариб, кўзини ҳаловатини бузган одамга тикканча тек қотди. Кўриниши даҳшатли эди. Лабига қадаган ўроқ тишларига илинган ҳар қандай жонивор ёки жонзот қанчалар бақувват бўлмасин, чиқиб кета олмасди. Унинг буралган танаси тош устига сифмай ярми пастга осилиб тушганди. Думи одамнинг белидай келадиган тешик ичига кириб кетганди. Афтидан бу ўра унинг ини бўлса керак. Пастроқда олмадек тош ялтираб, ёғду сочарди. Кечаги жаладан ҳосил бўлган сувлар илоннинг инига кириб, тож ва анови тошни оқизиб ташқарига олиб чиқсан бўлса ажаб эмас.

Faфур тожни жойига қўйди.

– Кечир, жонивор, бу сенинг мулкинг эканлиги ни билмабман, – дея орқаси билан тисарилиб ундан нари кетди.

Faфуршоми фарибонгачай ўлбосди. Чўққилардан, довонлардан ошди. Ўр-жарлардан сакраб ўтди. Ястаниб ётган сахрога чиқди. Бироқ борадиган манзили ҳали кўзга ташланмасди. Яна қоронфилик чўкди. Ой тоғларнинг қорайиб турган чўққилари устида балқиб турарди. Faфурни очлик азоблади. Икки кундан бери туз тотмаган, писта чақиб кун ўтказган бечора йигит ҳолдан кетарди. Олдинда яна қанча масофа қолганини билмайди.

Faфур тўпифигача шўр кечиб борди. Тошлар терисини шилиб, чақа қилиб ташлади. Шўр яраларини ачишитирди. Бу жойларда тўхтаб бўлмасди. Яқинйироқлардан бўриларнинг фарёди эшитиларди. Faфурнинг изидан таъқиб қилиб келаётгандек эди гўё улар. Охир-оқибат йигит ҳолдан тойди. Ўзини ерга ташлади. Бир муддат кўзларини юмиб, гурсиллаб ураётган юрагини тинглади. Киприкларини кўтаргандга зулмат ичидаги мунгли боқиб турган ойни кўрди. У йигитнинг тепасида, забун холига ачинаётгандек эди.

Faфур чўнқайиб ўтирди. Шу ўтиришда хаёл сурабошлади. Қандайдир умидсизлик устига бостириб келаётгандек ва шу умидсизлик панжасидан асло қутула олмайдигандек туюлди. Бирдан кўнглидан кечаётган оғриқли ўйларни худога айтишга, ундан кечирим сўрашга, ўтмишдаги гуноҳлари учун тавба қилишга ўзини ҳақсиз деб ҳисоблади ва ўртанишларини, вужудидаги тазарру ҳиссини дашт устида кумуш ёғду таратиб турган ой билан боғлади:

«Оймомо, айт, бу азоблар, бу қийноқлар, бу кўргуликлар нечук бошимга тушди? Буларнинг барчаси Аллоҳнинг менга юборган синовими? Унинг интиқоми ва имтиҳоними? Тангirim бошимга тошларнинг қулаги тушишидан асрари. Тўфонда оғзи-бурним тупроғу тошга тўлди, лекин ўлиб кетишимидан сақлади. Бу билан юртимга қилган хиёнатларимни ёдимга солмадимикин? Ўлиб бораётган қалбимда юрт меҳрини уйғотмадимикин? Мени тирилтириди у. Ўзлигимни ўзимга танитди. Томирларимда оқиб турган хайр-ул умрнинг сувларини поклади. Энди юртга қилган хиёнатимни оқламоғим жоиз. Унга содик ва вафодор ўғлон бўлмоғим, умримнинг сўнгги онларигача вижданан хизмат этмоғим даркор. Оймоможон, сен ўз ёғдуларинг ила йўлимни ёрит.

Манзилимдан адаштирма, бегона йўлларга солма. Ахир мен айтилган жойга етиб боришим шарт. Биласан-ку, у ерда менинг юртдошим золимлар, хунхўрлар кўлида азоб-уқубат чекаётир, қон ютаётир. Ватандан тондиришга, башариятга қарши курашишга мажбур қилишаётир. Уни тезроқ қутқаришим шарт. Сўзларимни эшитяпсанми, Оймомо? Ҳа, мен уни қутқаришим, ота-онасининг олдига жўнатишм шарт. Сен йўлларимни нурларинг ила нурафшон айла, вужудимга қувват ато эт, бийдай дашти сахродан чиқиб олай, Оймомо».

Оймомо унинг сўзларини тушунгандек янада пастлаб, янада ёрқинроқ нур сочди. Айни чоғда унинг кўк юзида балқиб туриши одамнинг суқи кирадиган даражада гўзал ва жозибали эди.

Қашқирларнинг овози яқин атрофдан келаётгандек эшитилди. Уларнинг очлигини увлашларидан билса бўлади. Йиртқичлар ўлжа излаб тоғдан тушган, одам исини олиб,Faфурнинг изидан елдек учиб келаётган бўлса не ажаб...

Faфур ўрнидан турди ва йўлида давом этди. Қаршисидан кичик ирмоқ чиқди. «Сув одамлар яшайдиган водийга олиб боради» деб ўйлади ва ирмоқ ёқалаб юрди.

Совуқ тушди. Ерларни ялаб, шўр тупроқларни тўзитиб сахро узра изғирин кезди. Қашқирлар ҳамон ув соларди. Яқинлашиб қолганди улар. Faфур қадамини илдамлатди. Бироқ қочгани билан омонлик топиб бўладими бу сахрои азимда? Қашқирларнинг қонли тишидан асрайдиган бошпана борми бу биёбонда? Шуни билса-да, шунга ақли етса-да, жони ҳалқумига келган бечора йигит бўғизига ўпкаси тиқилгудек чопди. Атроф-жавонибга умид билан боқди. Бир туп дарахт кўринмади унинг фамташвиш чўқкан кўзларига. Faфур фифон кўтариб

увиллаган бўриларнинг яқин келиб қолганини ҳис этиб югураверди. Қашқирлар чопқир бўлади. Айниқса, оч қолганда, вужудида файритабий куч уйғонади ва югуришда уларга бас келадиган бирорта йиртқич топилмайди.

Тирикчилик ташвишида, бир парча эт топиб ейиш илинжида тўртта қашқир тоғдан тушди. Ёмғирдан кейин ер остига кириб кетган юмронқозиқ, калтакесак каби жониворлар инидан чиқиб қолганди. Сезгир бўрилар буни биларди ва шу максадда овга чиққанди. Кутимаганда қашқирларнинг бурнига одам иси урилди. Тупроқ устида муҳр каби қолдирган оёқ изларини исқаб қолди, одамнинг узоқ кетмаганини дарров фаҳмлади, изфиринга қарши шитоб ила чопиб кетишиди.

Холсизланган,Faфур изига қашқирлар тушганини сезди. Қочишининг фойдаси йўқлигини тушунди. Беркинадиган жой йўқ. У тўхтади. Ортига қайрилди. Узокдан кўзи ёниб турган бўрилар кўринди.

Faфур бўриларга тош отмоқчи бўлиб атрофга аланглади. Бироқ оёқлари остида қўлига илинадиган тупроқдан ўзга жисм кўринмади. Шунда мўъжиза рўй берди. Ўттиз қадамча нарида турган қоп-қора нарсада кўзи тўхтади. Нима бу? Худо унинг ширин жонига раҳм айладими?

Faфур ўша томон югурди. Уни суюнтирган нарса – қачонлардир уриб туширилган ҳарбий самолёт эди.

Бўрилар ўлжага яқин келиб қолди. Жонсарак чопиб бораётган Faфур оламни, инсон-у жонзотларни яратган Холиқقا ялиниб-ёлвориб, марҳамат этишини ва изидан қувиб елаётган қашқирлар чангалидан омон сақлашини илтижо айлади.

«Ё Худо, сен мени лутфи карамингдан баҳраманд айладинг. Тўфон балосидан, тошлар кўчкисидан,

илон ҳамласидан сақлаб қолдинг. Тақдrim энди сенинг измингда. Ёлғиз сенинг инон-ихтиёриңгеман! Менга берилган топшириқни бажариб, она маконимга ёруф юз билан кириб борай. Ўзинг мададкорсан, Раббим!»

Шўрлик йигит дилда кечаётган ўйларини тугатмасдан тўнталиб ётган самолётнинг устига сакрабчиқди. Узоқдан унинг эшигини мўлжалга олганди. Темирлари чирий бошлаганди. Faфур оёқ қўйиши биланоқ букилиб, фичирлаб кетди. Оёғи қайрилиб қолаёзди. Бўрилар яқинлашиб қолди. Ҳарсиллаб нафас олишлари йигитнинг қулогига бемалол чалиниб, чақнаган кўзлари, хурпайган туклари кўриниб туарди.

Faфур оёғини тортиб олишга маълум сонияларни йўқотди. Лекин қўли тутқични маҳкам чангллаганди. Жон-жаҳди или уни тортди. Ёмғир-у қорлар остида қолиб, занг босган эшик жойидан кўчмади. У яна чиранди. Шунда эшик фийқиллаб товушчиқарди. Бўрилар етиб келди. Олдинда келаётган қизил юнгли қашқир ўзини самолёт устига отди. Ўткир тирноқлари темирни ушлаб қололмади. Бир метрдан юқори кўтарилигана гавдаси сидирилиб, гурсиллаб ерга тушди. Бу орада шериклари ҳам етиб келган ва бирин-кетин самолёт устига сакраганди. Қашқирлардан бири чанг солганда Faфур эшикни очиб, ўзини ичкарига уришга ва эшикни ёпишга аранг улгурди. Унинг чўзинчоқ тумшуғини эшик қисиб қолди. Оғриқдан кўзларидан ўт чақнади, орқага тисарилди ва бир амаллаб тумшуғини чиқариб олди. Оч ва асаблари қақшаган тўрт бўри самолёт устида айланар, ичкарига кирадиган тешик тополмасдан аламли ув соларди. Ўлжадан айрилганига чидамай тумшуқларини ойнага уради, тирноқлари билан темирларни тирнарди. Ниҳоят, ҳолдан тойган бўри-

лардан учтаси пастга тушди. Очлик уларни яна йўлга солди. Ўлжа излаб, саҳронинг қайсиdir бурчаги томон кетди. Эшик қисиб қолган қизил юнгли қашқирнинг тумшуғи ҳамон зирқираб оғрирди. У ҳам очликдан, ҳам оғриқ азобидан фингширди. Шериклари изидан эргашмади. Пастга тушди. Думини остига тўшаб, нафасини ичига ютган кўйи ўлжасининг ичкаридан чиқишини кутди.

Тонг отди. Саҳро кенгликлари аста юқорилаб бораётган қуёшнинг қизил шуъласига чулғанди. Холдан тойган Faфур учувчининг ўриндиғида ухлаб қолди. Кўзларини очганда бўрилар кўринмади.

«Наҳотки кетган бўлса?»

Faфур одамлар яшайдиган қўналғага тезроқ етиб олишни ўйлади. Ҳаёт ва ўлим оралиғида қолган йигит сўнгги кучини жамлаб ўрнидан турди. Эшикни очаётганда хаёлидан яна бўрилар ўтди.

«Кетган».

Faфур ярим қулочли темирни қўлига олиб, пастга тушди. Пачақланган фидирак ортида қашқирнинг думини кўриб қолди. Тепага кўтарила олмасди энди. У ғажиб ташлайди, деб ўйлади. Бўри калласини кўтарди. Ёллари қалин ўсган ҳайбатли ва чайир бўри ётган жойидан иргиб чиқди-да, ўлжага ташланди. Faфур унинг улкан оғзини, қип-қизил тилини, тишларини ва fazабкор кўзларини кўриб қолди. Чақонлик билан ортга тисарилиб, қўлидаги темирни боши узра кўтарди. Бу пайтда бўрининг олдинги оёқлари ердан узилғанди. Fазабкор кўзлари одамнинг хиқилдоғини нишонга олганини билдиради. «Хато қилсан кекирдагимни узиб ташлайди», ўйлади Faфур. Ёллари хурпайиб, кўзлари ёниб ўқдек учиб келаётган бўрининг ҳамласига зўрга чап берди. Йиртқичнинг ўткир ва узун тирноқлари Faфурнинг кўйлагини тиф мисоли тилиб, парчалаб ташлади. Бўри уч қадамча нарига бориб туш-

ди, тупроқни тўзитиб, абжирлик ила тағин орқасига қайрилди. Ҳужумга хезланиб, тишларини фичирлатиб ириллади. Бурнидан қайноқ ҳовур чиқарди, тилининг учидан қуюқ суюқлик томарди. Ўпкасига ҳаво етмаёт-гандек хирсиллаб нафас оларди.

Faфур йиртқичнинг қорнини мўлжаллаб қўлидаги темирни отди. У камон ўқидек учб бориб ердан оёғи узилган қашқирнинг қорнига санчилди. Бўри оғридан вангиллади. Унинг аччиқ ноласи сахро узра ёйилиб кетди. Кейин ерга йиқилди. Ўрнидан туришга уринди. Бироқ ярадан отилиб чиқаётган кон уни ҳолсизлантирганди. Оёқлари безгак тутган-дек титраб, охири жони чиқди.

Бирдан Faфурнинг хаёлига қизил қашқирнинг шериклари келди. «Ташланиб қолмасинда» деб ҳадиссираб теварак-атрофга аланглади, лекин улар кўринмади.

Очлик инсон боласини не кўйларга, жафоларга, ситамларга солмайди, нималарни истеъмол қилишга мажбур қилмайди дейсиз. Faфур ўлиб ётган бўрига тикилиб турар экан, икки кундан буён туз тотмаганини, қаттиқ очиққанини эслаб қолди. Қанча юради яна, қачон одамлар яшайдиган жойга етиб боради, йўлида не азоб-уқубатлар кутмоқда – буни билмасди. У шўр тупроқларни чангиллаб жон таслим қилмаслик, жасади зоғларга ем бўлмаслик учун қорнини тўйдирмоги даркор. Қорнига темир санчилган бўрининг жасадига қараб, оёқлари қалтираб турар экан, миясига қашқирнинг гўштини ейиш фикри келди. Жирканч бўлса-да, бошқа иложи ҳам, чораси ҳам йўқ. Бир пайлар Эргашнинг йигитлари очликка чидамай, қишлоқлардан итларни тутиб келиб, бўғизлаб, этини оловда пишириб ейишганини кўрган. Ўша савдо, мана энди кимсасиз сахрова ўзининг бошига тушди. У қашқирнинг лоши олдига

тиз чўкди. Терисини шилиш керак, бунинг учун пи-  
чоқ зарур. Faфур самолётнинг атрофини айланди.  
Тифли металл излади. Бургич топди. У билан бўри-  
нинг қорнини ёрди. Бир парча этни ажратиб олди.  
Учувчининг кабинасига чиқди. Ўриндик остидан  
мойли латта топди. Чармларни, ўтиргичларнинг  
таксини кўчириб тушди. Минг азобда олов ёқди.

Пишган гўшт ҳиди унинг иштаҳасини очиб юбор-  
ди. Этнинг ёқимли ҳидидек ис дунёда йўқдек туюл-  
ди. Тишлари орасига олиб чайнаб ютди. Этнинг қат-  
тиқлигини инобатга олмаганда, оддий мол гўшидан  
фарқи йўқдек туюлди. Ошқозонига овқат тушгач,  
рухи тетиклашди. Томирларидағи қон кўпирди.  
Жўнаш фурсати келганди. У қолган этни қўйнига  
солиб йўлда давом этди.

Тушдан кейин ҳаво қизиди. Жазирамада  
Faфурнинг боши қайнади. Жон сақлайдиган жой  
топилмади. Чексиз даштнинг оташи остида ўлим би-  
лан олишиб, лабини ҳўллашга томчи сув тополмай  
ташналик азобида қийналиб, худди узоқ ва қонли  
жангдан қайтаётган жангчига ўхшаб борарди бечора  
йигит.

Кечга яқин даштнинг этаги кўринди. Кишлок,  
ўрмалаб юрган одамлар ташланди унинг қайфу  
ва фамбода кўзларига. Faфур суюниб кетди. Дам  
олишга, чарчоқ чиқаришга ҳақли деб билди ўзи-  
ни. Чулдираб, кўпикланиб оқаётган ирмоқ ёқасига  
ёнбошлаб совук сувдан симиради. Қўйнидаги этни  
олиб еди. Вужудига қувват юргач, ўрнидан турди.  
Одамларга яқин борди. Уларнинг барчаси қуроллан-  
ган, ҳарбий кийимдаги жангчилар эди. Отларидан  
пастга тушиб, ўзлари майсалар устида ёнбошлаб дам  
олишаётган эди.

«Кўринишларидан яхши одамларга ўхшамайди»,  
ўйлади Faфур.

У йўлни айланиб ўтишга қарор қилди. Анча юрди. Оёқлари толди. Дам олмоқчи бўлди. Анҳор бўйидағи майсалар устига ёнбошлиди. Хиёл ўтмай қулоғига қандайдир шарпа эшишилди. Бошини кўтариб елкаси оша ортига ўгирилди. Икки қадам нарида автомат учини пешонасига тўғрилаб турган одамни кўрди. Faфур унинг қуролидан эмас, важоҳатидан қўрқиб кетди.

## ЮРТДА

Тезкор ходим архивдан 1984 йилдан 1990 йилгача Олтинтопар қишлоғида нозир бўлиб ишлаган ходимларнинг шахсини аниқлади. Капитан Каттабоевнинг ўша даврда хизмат қилган ва айни пайтда нафакага чиққани маълум бўлди. Ходим уни излаб уйига ўтди. Аёли эрининг шаҳардаги касалхонада даволанаётганини айтди. Кеч бўлиб қолган бўлса да, ходим шифоҳонага боришга қарор қилди.

– Ёдингизда бўлса, 1985 йилнинг 5 майида қишлоққа Афғонистондан темир тобут келганди, – деди ходим ўзини таништиргач.

– Ҳа, ёдимда, ўшанда Баҳодирхоннинг ўғли Қодирнинг жасадини олиб келишган.

– Шундай!

– Раҳматли якка ўзи душманларга қарши чиқиб, аллақанчасининг додини берган экан. Биласизми, жасадни олиб келган командир билан суҳбатлашганимда у Қодирнинг жасорати ҳақида гапириб берди. Йўлда мужоҳидлар аскарлар бораётган автокалоннани ўққа тутишибди. Отишма шу қадар даҳшатли тус олибдики, кўз олдимга келтириб, баданим жимирилаб кетган. Қодир командирнинг ҳаётини сақлаб қолишдан ташқари, янги ишлаб чиқарилган маҳфий пулемёт душман қўлига тушиб қолмаслиги

учун ёнаётган БТРнинг ичига кириб олиб чиқиби ва душманларни қийратиб ўққа тутибди. Анчагина му-жохидларни ер тишлатибди. Бироқ улар кўпчилик экан. Пулемётнинг ўқи қолмагач, Қодир уни тошлар орасига яширишга ҳам ултурибди. Ўша жангда йигитга ўқ тегиб ҳалок бўлган экан. Командирининг ҳаётини ва пулемётни сақлаб қолгани учун уни «Совет Иттифоқи қаҳрамони» унвонига тавсия этишибди. Бироқ Москвадагилар фирмомлик қилиб, «Шундай жасоратли йигитни ким тарбиялаган, албатта командири. Шундай бўлгач, унвонни ҳам унга бериш керак», дейишибди. Қодирни эса «Қизил юлдуз» ордени билан сийлашган экан. Ўтакетган ноҳақлик, шундай эмасми, ука. Жасоратни бизнинг ҳамкишлогимиз кўрсатса-ю, унвонни яраланган командир олса! Тавба, бунисига нима дейсиз?

– Эшитишимга қараганда, бундай ноҳақликлар кейин ҳам бўлиб турган экан, – гапни мақсад сари буришга интилди ходим. – 1990 йилларда ўша ноҳақлик қилган кимсалар қишлоққа келиб қабрни очишибди.

– Бунга йигирма йилдан ошдиёв, – бу сўз капитаннинг тилидан эҳтиётсизлик оқибатида чиқиб кетди. Ходим сухбатдошини қармоққа илинтирганини сезди.

– Хабарингиз бормиди?

Капитан ўнгайсиз аҳволда қолди. Ўша тунда бўлган воқеани айтмаслик тўғрисида топшириқ олгандан буён ҳеч кимга оғиз очмади. Баҳодирхоннинг дастурхонида кўп ўтирди, кайфи ошганда ҳам «Акахон, бу ҳарбийлар келиб Қодирнинг қабрини очишибди. Нима олиб, нима қўйишганини билмайману, аммо менга оғзингдан гуллаб қўйма», деб тайинлаб кетишибди», деб айтишга чоғланди, бироқ елкасидаги погонидан, юлдузчаларидан айрилиб

қолишдан чўчиб, тили учида турган гапни заҳар ютгандек ичига ютишга мажбур бўлганди. Шу кунгача хеч ким уни сўроқлаб келмади. «Қабрни очганларни кўрганмидинг, кимлар эди улар» дегувчи топилмади. Ёнифлиқ қозон ёпилганича қолиб кетди. Бўлиб ўтган ишлар ёдидан кўтарилганда излаб келишгани нимаси? Синашмоқчими? Қани, капитанни фалвирдан ўтказиб қўяйлик-чи, ҳали ҳам тилига кишан солингандикин» деб ўйлашдими?

Каттабоев ёнида ўтирган ходимга юзланди. У саволига жавоб кутиб, кўзларини тикканча турарди. Ичидан ўтаётган гапларни кўзларидан уқиб олаётгандек туюлди. Капитан эшик томонга қаради. Ўзларидан бошқа ҳеч ким йўқ эди.

– Ҳа, хабарим бор, – деди бир оздан кейин ўйчан қиёфада.

– Кўрган-билгандарингизни гапириб берсангиз.

– Қабрни очганлар кимлигини билмайман. Коронги эди. Бир кун илгари қишлоқда ўғирлик жинояти содир бўлди. Номаълум кимсалар камбафал одамнинг молини оғилидан олиб чиқиб кетишиди. Кечаси шубҳали одамларни кузатиб юргандим. Тепа маҳалладан келаётсам қабристонда ёниб турган чироқقا кўзим тушиб қолди. Бемаҳалда ким юрган бўлиши мумкин деган хавотирда йўлни айланиб, дала ичидаги сўқмоқдан қабристонга ўтдим. Яқинлашганимда фўнфир-фўнфир овозни эшитдим. Улар рус тилида гаплашишарди. Бегоналикларини билдим, яқинроқ бордим. Қарасам Қодирнинг қабри тепасида туришибди. Гўр очилган. Қўлларида белкурак. Бориб ўзимни таништирдим.

– Мен участка нозири катта лейтенант Каттабоев бўламан! Сизлар кимсизлар? Ярим кечада Афғонистонда қаҳрамонларча ҳалок бўлган аскарнинг қабрини нега очдиларинг?

Шунда узун бўйли одам чўнтағидан гувоҳномаси-ни олиб:

– Мудофаа вазирлигидан полковник Зайтуллаев бўламан! – деди.

Қаршимда турган кимсанинг полковник эканлигини эшишиб довдираб қолдим. Қадимни ростлаб, ўзимни такроран таништирдим.

– Халқимизнинг тунги осойишталигини назорат қилиб, ўз худудимда хизмат бурчимни адо этмоқдаман, ўртоқ полковник!

– Жуда яхши, ўртоқ катта лейтенант! Халқимизнинг тунги осойишталигини сақлашдаги хизматингиз мақтовга лойиқ.

– Совет Иттифоқига хизмат қиласман, ўртоқ полковник!

– Баракалла! Сизга жанговар топшириқ бор, Каттабоев.

– Буюринг, ўртоқ полковник!

– Қабрни кўмиб, аввалги ҳолига келтирасиз. Кўрганлар қабр очилганини билишмасин!

– Тушундим, ўртоқ полковник.

– Яна бир топшириқ!

– Эшитаман, ўртоқ полковник!

– Бу ердаги ишлар ҳақида ҳеч кимга, хатто бошлиғингизга ҳам оғиз очмайсиз. Бирор кимса ҳабар топгудек бўлса, сизни давлат сирини фош қилишда айблаб, ҳарбий трибуналга топшираман! Тушунарлимис?

– Тушунарли, ўртоқ полковник!

– Буйруқни бажаринг!

Улар сумкаларини орқалаб қабристондан чиқиб кетишиди. Мен қабрга қарадим. Ичида темир тобут турарди. Кийимларимни ечиб топшириқни бажаришга киришдим. Коровул ёрдамга келди. Тонг бўзараётганда тупроқни тортиб, аввалги ҳолатига

келтирдим. Мармар ёдгорлик нарироқда қийшай-ганча турарди. Уни жойига ўрнатиш лозим, аммо у оғир эди. Зўрға судраб келдим. Қанчалик уринмай аввалги ҳолатига келтиrolмадим. Қаҳрамоннинг расми чеккаси кетмон тегибми ёки йиқилганидами синганди. Қабр атрофига гуллар экилганди. Улар тупроқ остида қолиб кетганди. Жойига қўйишнинг иложи бўлмади. Уйга қайтдим. Полковник айтганидек, аскар қабри очилгани ҳақида ҳеч кимга оғиз очмадим. Зайтуллаев бошлиқларимга тайинлаган бўлса керак, олти йилдан бери капитанлик унвонини ололмай юргандим. Ўша воқеадан бир ой ўтмай капитан бўлдим.

– Қабр ичидағи тобутни қўзингиз билан кўрдингизми?

– Кўрдим!

– Очилган эканми?

– Эътибор бермабман, бунинг устига лаҳад ичи қоронғи эди. Шундай бўлса ҳам чирий бошлаган тобут ётганини қўзим билан кўрдим.

– Сизнингча, улар қабрни нима мақсадда очишиди?

– Уларнинг мақсадини худодан ва ўзларидан бошқа ким ҳам биларди, ука.

– Полковникнинг йигитлари қабр ичидан нимадир олган бўлиши керак.

– Нимани назарда тутаётганингизни очиқ айтинг!

– Куролми, наркотикми ёки бирор идишми?

– Йўқ, аммо уларнинг сумкаларида нимадир борлигини сезгандек бўлдим.

– Улар неча киши эди?

– Тўртта.

– Полковник биланми?

– Шундай!

– Қабр очилганидан раис хабар топганми?

– У бўлиб ўтган ишлардан хозиргача бехабар. Раис бўлгач, қабристонга бориб, ўғлининг қабрини зиёрат қилганини ҳеч ким кўрмаган. Аммо онаси Каромат тез-тез қабр бошига чиқиб турарди.

– Гулларни Каромат опа экканмиди?

– Йўқ, у қабристонга гул кўтариб бормасди.

– Унда гулларни ким экан?

Капитан ўзини ходимнинг ихтиёрига топшириб бўлганини, саволига берган жавоблари билан кўзга кўринмас тўрга илиниб қолганини сезди. Бироқ энди орқага қайтиш мумкин эмас, қандай қилиб бўлмасин тўрни ёриб чиқиш керак

– Эшитишимга қараганда, Қодир армияга жўнашдан олдин Зулайҳо исмли қизни севиб қолган. Улар тез-тез учрашиб туришган. Бундан ота-оналари ҳам бохабар бўлишган. Унаштириб қўйишган. Тўйни Қодир аскарликдан қайтгач ўтказмоқчи бўлишган. Йигит армиядан қизга мактублар ёзиб турган. Йигитнинг ўлими Зулайҳога қаттиқ таъсир қилган бўлса керак, қабристонга чиқиб, қабр атрофига гуллар эккан. Буни ҳамма билган.

– Хозир Зулайҳо турмушга чиққанми?

– Бахтга қарши у вафот этган.

– Касал бўлдими?

– Жонига қасд қилди!

– Бошқа йигитга турмушга чиқишга мажбур қилишганмиди?

– Бунисини билмадим, экспертизанинг хulosасига кўра, қизнинг қорнида беш ойлик ҳомиласи бўлган!

– Кимдан?

– Буни ҳеч ким билмасди.

– Балки қишлоқдаги йигитларнинг бирортаси билан алоқа қилиб юргандир?

– Суриштирдик, афсуски у алоқада бўлган йигит топилмади.

- Унда кимдан ҳомиладор бўлиши мумкин?
- Бу савол очиқлигича қолиб кетди.
- Зулайхонинг қишлоқдан чиқиб кетганига ишонасизми?
- Ха, отасининг гапига қараганда, қирқ икки кун уйда бўлмаган. Қидиришмаган жой қолмаган. Яқинларининг уйига бориб суриштиришган. Кўрдим деган одам топилмаган. Қиз қайтиб келганидан кейин қаерга борганини ва ким билан учрашганини ҳеч кимга айтмаган.
- Орадан қанча вақт ўтгач жонига қасд қилди?
- Йигирма кун ўтиб. Ўша куни тонг ёришар паллада қабристонга чиқсан ва Қодирнинг қабрини зиёрат қилган.
- Сиз уни қишлоқдан ёлғиз чиқиб кетган деб ўйлайсизми?
- Дугоналари билан сухбатлашгандим, улар Зулайхонинг бир ўзи фойиб бўлганини айтишганди.
- Қаерга борган бўлиши мумкин. Тахминлар бордир?
- Тахминлар кўп эди, бироқ биз тахминлар бўйича қидирув ишларини олиб борганимизда ўша тахминларнинг бирортаси исботини топмади.
- Қўшни шаҳарларда қариндоши йўқмиди?
- Бор эди, лекин Зулайхо уларницида ҳам бўлмаган. Менимча... – капитан шундай деди-ю, жим қолди. Ходим унинг оғзидан чиқадиган сўзни интиқлик билан кутди. Бир оз ўтиб: – Келинг, яхшиси, бу ҳақда гапириб ўтирмайлик, – деди.
- Нимадир демоқчисиз, айтаверинг, сизнинг ҳар бир сўзингиз ишимиизга ойдинлик киритиши мумкин...

Бу пайтда капитаннинг синиқсан юзида жиддий ўзгаришлар зохир бўлди. Қандайдир воқеани ўйлаётганини кўзлари фош қиласарди. Ходимнинг қизиқиши кучайди. Хозир қандайдир муҳим сирни

фош қилади, деб ўйлади. Бироқ Каттабоев ходимнинг саволини жавобсиз қолдиришни истарди. У гап мавзусининг бу қадар ўзгариб кетишини кутмаганди. Ходимнинг миясида Зулайҳо «Қирқ икки кун қаерда ва кимницидан бўлиши мумкин? Қорнидаги ҳомиланинг отаси ким», деган саволлар айланарди. Қишлоқдан чиқиб кетишига нима сабаб бўлган ёки ота-онаси уни бошқа йигитга турмушга узатмоқчи бўлганмиди? Агар у қишлоқда яшаганда ёки яқинларидан бириникида турганда шу пайтгача дараги чиқарди. Демак, қиз узоққа кетган ва ҳомиладор бўлиб қайтган

– Бошлиқларим менга Зулайҳонинг отаси билан сухбатлашишни ва қиз билан боғлиқ воқеаларни чуқурроқ ўрганиш вазифасини топширишди, – ниҳоят тилга кирди капитан. – Топшириқни олгач қизнинг отаси билан тез-тез сухбатлашиб турдим. Зулайҳонинг уйдан чиқиб кетган кунидан то жонига қасд қилган кунгача бўлган воқеаларни батафсил билишим керак эди. Кунларнинг бирида отаси менга ажойиб тақинчоқни кўрсатди. Бу тоза олтиндан ясалган узук эди. Мен кўрган олтин тақинчоқларнинг бирортасига ўхшамасди. Ўртасига олмос жойлаштирилганди. Орқа тарафининг ташки томони қизларнинг сочига ўхшаб эшилганди. Олмос олти хил рангда нур сочарди. Тақиб кўрдим. Бир оз ўтиб, худди наша чеккан одамдек ичимда бир сарҳушликни сездим, қаршимда ўтирган чолнинг сўзлари га итоатгўй бўлиб қолдим. Ўшанда буни оддий ҳол деб ўйлабман. Кейин билсан бу оддий ҳол эмас экан. Узукда қандайдир сир яширин эди. Уни эгасига қайтариб бердим.

– Ўша узук ҳозир қизнинг отасидами?

– Чол ўтган йили қазо қилди.

– Узукни нима қилган?

- Кампирига қолдирган бўлса керак.
  - У тирикми?
  - Тирик, бирок анча лақиллаб қолган.
  - Узукни бировга бериб юбормагандир?
  - Уни кўрмоқчимисиз?
  - Кўриб қўйсам ёмон бўлмасди!
  - Фикрингизга қўшиламан. Узук ҳеч кимга маълум бўлмаган сирли воқеалар ҳақида ҳикоя қилишига ишонаман. Ўйлашимча, нархи ҳам ўта баланд. Бизнинг усталар бунақа узукни ясай олишига ишонмайман.
  - Четдан олиб ўтилган демоқчимисиз?
  - Шубҳам бор.
  - Нархи қанча?
  - Нархими, менимча, бугунги пулга эллик миллион сўм бордиро.
  - Ошириб юбормадингизми?
  - Олмоснинг ўзи ўттиз миллиондан баланд.
  - Қимматбаҳо тошлар билан шуғулланганимисиз дейман?
  - Иш юзасидан шуғулланишимга тўғри келган.
  - Қизиқишимни кучайтириб қўйдингиз!
  - Насиб қилиб узук қўлингизга тушса, бежиз қизиқмаганингизга ўзингиз ишонч хосил қиласиз!
- Ходим ўйга чўмди.

## ЖАЛОЛОБОД

Жавлон ҳушига келди. Кўзларини очиб Улубекни эслади: оғирлашиб қолган киприкларини базёр очиб атрофга боқди. Хонада ўзидан бошқа бировни кўрмади. Табиб хастанинг ҳушига келганини кўриб Бурхониддиннинг соқчиларини огоҳ қилди. Улар бу хушхабарни раҳнамонинг қулоғига етказишли. Бурхониддин янгиликдан қувонмади.

Боиси кўнглидаги ғашлик ҳалигача тарқамаганди. Улубек хорижлик мухбирларнинг олдида уни ер билан битта қилиб ташлади. Аввалига нималар деб валдираётганини тушунмади. Таржимон ҳам ҳанг-у манг эди. Бирдан сергак тортиб, сўзларини Бурхониддиннинг қулоғига ўзининг тилига ўгириб турди. Шунда Бурхониддиннинг кўзлари косасидан чиқиб кетаёзди. Қаҳр-ғазаб ўтидан қизарди. Атрофидагилар кўзига кўринмай қолди. Бир амаллаб қўлини кўтарди. Ўқ овози эштилганда, пешонасидан қон отилиб чиқкан Улубек ерга йиқилгандагина ўзига келди. Фурсат ўтган, бўлар иш бўлганди. Мухбирлар тўс-тўполон кўтаришди. Бурхониддин ялиниб ёлвориб уларни зўрға тинчлантириди. Ҳар бирининг кўлига ўн минг доллардан тарқатиб чиқди. Мехмонларни кузатишдан аввал енгилгина шарт қўйди: «Жиннисифат бу йигитнинг сўзларини магнит тасмасидан ўчириб ташланг».

Ҳали ўзига келмаган мухбирлар тезроқ бу ердан кетиши мақсадида таклифни қабул қилишди. Лекин идорага боргандан кейин билганларидан қолишмади. Эртаси қуни дунёning кўп мамлакатларида Улубекнинг ҳайқириғи радиотўлқинларида янгради, телевидениеда намойиш қилинди. Газеталарда босилди.

Бурхониддин Улубекнинг сўзларидан бир куйган бўлса, мухбирлар тарқатган хабардан икки бор кўйди. «Дунёга шарманда қилишди мени», деб ич-ичидан қайfurди. Кечга яқин Кашмирий унга қўнфироқ қилди. Бироқ койимади. «Шеригига нима бўлди», деб сўради. Бурхониддин унинг хушига келмай ётганини маълум қилди. «Ўзига келса мени огоҳ қилинг», дея хайрлашди Кашмирий.

Икки қундан бўён Бурхониддин Жавлоннинг кўз очишини кутиб ўтирибди. «Хаста ўзига келди»

деган хабарни эшитганда зимистон кўнглига ёруғлик инди. Кашмирийга сим қоқди.

– Беморимиз хушига келди, оға, – деди овози титраб.

– Хўб яхши. Хушёр бўлинг, тағин қочиб кетмасин. Соқчиларни кучайтиринг, парваришни яхшиланг. Эртага менинг одамларимдан бири мўътабар меҳмонни олдингизга бошлаб боради. Сиз унинг топширигини бажаринг!

Кашмирий кўп гапирмади. Телефонини ўчириб қўйди.

«Ким келиши мумкин?» деган савол Бурхониддиннинг миясига ўтириб қолди. Кашмирийнинг гапидан мансабдор кимсага ўхшайди. У эшик олдида турган соқчига юзланди.

– Бемор ётган хона атрофига қўшимча соқчилар қўйинглар! Табибга буюр, кучли дори-дармон берсин!

Соқчи қўлини кўксига қўйиб чиқиб кетди.

Эртаси куни тушдан кейин Кашмирийнинг одами ўзи tengi нотаниш кимсани бошлаб келди. Узун бўй, кўзлари кўкимтири, оқ сариқдан келган ўттиз беш-қирқ ёшлардаги йигит эди. Юзида тук йўқ. Устига маҳаллий халқнинг кийимларини кийиб олган. Кўпроқ европаликларга ўхшади. Бурхониддин меҳмонларни хонасига таклиф қилди.

– Бу киши Кашмирий жанобларининг меҳмонлари, – деди уни бошлаб келган кимса. – Исмлари Жонс. Кашмирий сиздан бу жанобнинг айтганларини бажаришингизни илтимос қилдилар!

– Жонс жанобларига ёрдамим тегадиган бўлса жоним билан, – таклифни қабул қилди Бурхониддин.

Жонс вақтнинг қадрига етадиган одам эди. Бу ергаги ишларини тезда битириб орқага қайтишни реjalаштирганди.

– Биз Жавлонни кўришимиз керак, – деди Жонс.

– Ҳозир уни олиб келишади, – жавоб қилди Бурхониддин.

– Беморхонангиз яқин атрофдами?

– Ҳовлининг нариги томонида!

– Унда ўзимиз унинг олдига борамиз.

Мехмонлар ўринларидан туришди. Бурхониддин уларга йўлбошчилик қилди. Ташқарига чиқишиди, ховлининг нариги томонидаги эски бино томон юришди. Ҳар ўн қадамда соқчилар турарди. Ичкари кирганда димоққа дори хиди урилди. Улар тор ва нимқоронғи йўлакдан юриб боришди. Хоналардан bemorларнинг юракни эзувчи ингроқ овозлари әшитилади. Оҳирги эшик олдида турган соқчи Бурхониддинни кўриб эшикни очди. Ҳонага тўртта каравот қўйилган. Учтаси бўш. Дераза ёнида шипга, деразадан тарам-тарам тушаётган нурга тикилиб Жавлон ётиби. У ташқаридан келаётган қадам то-вушини әшитиб кўксини кўтарди. Йигитнинг юзида безовталик аломатлари сезилди. Қонсиз ёноқлари оғир касаллик азобларидан ҳали қутулмаганлигини билдиради. Ичкарига кириб келган Бурхониддинни ва нотаниш кимсаларни кўриб оғриқ хуруж қилгандек юзи буришди.

– Табибининг айтишича, аҳволинг ўнгланибди,  
– деди Бурхониддин сўзларининг қандай таъсир қилишини билмоқчи бўлгандек bemorнинг юзига дикқат билан боқиб.

– У лугбек қани? – сўради Жавлон, – мен уни кўргим келяпти!

Жавлоннинг юзи шишиб кетганди. Қовоғи ости кўкариб, кўзларига қон қуюлганди. Баданидаги жароҳатлар қимирилашга имкон бермади.

– Жўранг ақли бор бола экан, бизни тушунди, талабларимизни қабул қилди. Ҳозир у синоларимиз сафида фанимларимизга қарши жиҳод жангига кирган!

– Ишонмайман! – бошини чайқади хаста. Унинг кўзларидан ёш сизиб, қонсиз юзига оқиб тушди.

– Нега ишонмайсан? Жўнаш олдидан сени ҳам ортидан юборишни менга тайинлаб кетди. Оёққа турсанг сен ҳам ўртофингга қўшиласан. Яна бирга бўйасизлар!

– Ўртоғим мени ташлаб кетиши мумкин эмас...

– Олдингга кирганида сен беҳуш эдинг, бўтам. У ҳам сени ташлаб кетгиси келмади. «Ортимдан жўнатинглар» деб, бизга такрор-такрор тайинлаб кетди.

Жавлон Бурхониддиннинг сўзларига ишонмади. «Илоннинг ёгини ялаган тулки, гапларимга ишонди деб ўйляйсанми? Ёлғончилигингни кўзларинг фош қилиб турибди» деган ўй кўнглидан ўтди.

– Гувоҳларингиз буларми? – унинг ортида турган одамларга қўзи билан ишора қилди Жавлон.

– Йўқ, булар меҳмон. Сен билан гаплашиш мақсадида пойтахтдан ташриф буюришган, – Бурхониддин ёнида турган Жонсга ишора қилди.

Жонс қўли билан Бурхониддинни четга суриб, хастанинг ёнига яқин келди ва ортида турган Бурхониддинга юзланиб:

– Бизни холи қолдирсангиз, – деди.

Бурхониддин енгил томоқ қириб, хонадан чиқиб кетишга мажбур бўлди. Жонс бемор ётган каравотнинг бир четига ўтириди. Жавлоннинг синиккан юзига тикилиб турар экан, «бечора йигитни кўп қийнашибди» деган фикр кўнглидан ўтди. Кейин:

– Сиз ва ўртофингиз ҳақида мен кўп нарса эшитдим, – деди паст овозда.

– Сиз кимсиз?

– Кечиринг, ўзимни таништирмабман, – одобли одамлардек узроҳлик ила деди Жонс. – Мен инсон ҳуқуқларини ҳимоя қилиш жамиятиданман, исмим Жонс.

– Сиз чиндан ҳам инсон ҳуқуқларини ҳимоя қилиш жамиятидан бўлсангиз, ўз она юртимга қайтишимга ёрдам беринг...

– Эшитдим, сизга ситам ўтказиб, шафқатсизларча калтаклашибди. Бу инсонга нисбатан ўта бераҳмлик. Ҳуқуқларингиз поймол этилганидан мен қаттик ташвишдаман. Сизни толибонлар қўлидан озод қилиш мақсадида келдим бу ерга.

– Бу инсоний бурчми ёки меҳрибончилик замирида яширин мақсадингиз борми?

Жонс лаб учида кулиб қўйди.

– Биз сиздан ҳеч нарса умидвор эмасмиз. Биламан, сиз ва дўстингизнинг толибонлар сафига ўтиб кетганингиздан юртингиздаги тегишли идоралар хабардор бўлишган. Ҳатто радио ва телевидениелар, газеталарда сизлар ҳақингизда ахборот тарқатилган. Юртингизга қайтиб борадиган бўлсангиз сизларни сўроқ қилишади. Жиноий иш қўзғашади. Умрбод қамоқ жазосига маҳкум этишади. Аммо биз сизни бу азоблардан ҳимоя қилишни ҳам ўйлаб қўйдик. Агар таклифимни қабул қиласангиз, сизни Европадаги шахарлардан бирига жўнатамиз. У ерда бизнинг маҳсус ўқув базамиз бор. Икки йил ўзингиз тенги йигитлар билан ҳамкорликда таҳсил оласиз.

– Мактабда ёмон ўқимаганман, жаноб. Тириклигимни ўтказиш учун олган билимим етарли. Кўриб турганингиздек форс ва араб тилларида бемалол гаплаша оламан! Шундай бўлса-да, олижаноб ташкилотнинг одами бўлганингиз сабабли сизга бир илтимосим бор.

– Марҳамат, айтинг, – Жонснинг умиди ҳали сўнмаганди.

– Бажарасизми?

Жонс талмовсиради.

– Сўз бераман!

- Ўз юртимга кетишни хоҳлайман.
- Ахир сизни қамашади.
- Ўз юртим қамоқхонасида ётиш жаннатда яшаш билан баробар!
- Жиддий ўйлаб кўринг. Гапларингиздан таклифимни рад этмоқчига ўхшайсиз?

- Мени тўғри тушунибсиз, жаноб.
- Назаримда бир оз иситмангиз бор!
- Сезгир одам экансиз, балки бурнингиз хонада бошқа ноҳуш хид пайдо бўлганини ҳам пайқагандир?

Жонснинг юзи лавлагидек қизариб кетди. Бу ерда қолиш ўнгайсиз эканлигини тушунди. Ташқарига чиққанда Бурҳониддин унинг қизарган юзидан кўзларини узмай сўради:

- Сизни ранжитдими, бадбаҳт бола?
- Назаримда табибингиз беморнинг жароҳатини яхшигина даволабди-ю, аммо қақшаган асабларини даволашни унутибди, – деди Жонс қовоқ-тумшуғини осилтириб.

Бурҳониддин унинг нима демоқчи бўлганини тушунмади.

- Табибимиз ўта билимли, доно одам, албатта асабга ҳам даво топгусидир!

Жонс машинаси томон юрди. Эшикни очаётганда телефони жиринглади. У гўшакни қулоғига босди.

- Эшитаман, сэр!
- Maxsus топшириқ билан «Қора маржон» форига жўнашингиз керак. У ерда Амирий томонидан яширилган кимёвий қурол борлиги ҳақида маълумот олдик. Назаримизда у ерда қурол эмас, бизни қизиқтираётган бошқа буюм бўлиши ҳам мумкин. Қандай қилиб бўлмасин уни топишингиз ва марказга жўнаётганингизни билмаслиги шарт. Мени тушундингизми, Жонс?

- Тушундим, сэр!
  - Ҳозироқ топшириқни бажаришга киришинг!
  - Манзилни яна бир бор тушунтириңг, сэр!
  - Қўҳихун қишлоғига етмасдан жануби-шарқ томондан эллик чақирим юқорида. Туя довон деган жой атрофида.
  - Тушунарли, сэр!
- Жонс энди орқага қайтолмаслигини англади. Бу ердан Қўҳихун қишлоғига бориш осонлигини билади. У Кашмирийнинг одамига юзланди:
- Сиз қайтиб кетишингизга тўғри келади.
  - Тинчликми, жаноб?
  - Менинг бу ерда бажарадиган ишларим чиқиб қолди. Бемор росмана соғайиб, оёққа туриб кетишини кутаман.
  - У сизни ранжитдими, сэр?
  - Аксинча, мен ундан мамнунман.

Кашмирийнинг ёрдамчиси машинага ўтириб Кобулга жўнаб кетгандан кейин Жонс Бурхониддиннинг олдига борди:

- Мен бир ҳафта шаҳарда қоладиган бўлдим.
- Мендан бирор ёрдам керакми, сэр?
- Ташаккур, ёрдам керак бўлса, албатта айтаман!

Лекин сизга бир илтимосим бор.

- Қулоғим сизда, сэр.
- Жавлонни бугуноқ касалхонага ётқизсангиз.
- Яхши. Ҳозироқ одамларим уни касалхонага олиб боришади...
- Йигитнинг бу ердан олиб чиқиб кетилганини ҳеч ким билмаслиги керак...
- Хотиржам бўлинг!

Бурхониддин Жонсни қузатиб қўйгач, ўз хонасига қайтди. Жонс нима сабабдан Жавлонни касалхонага жўнатинг деганини тушунолмади. Аслида Улубекнинг ўлимидан кейин бу йигитдан бошқа

мақсадда, аниқроғи, ўзининг ишларида фойдаланишиň үйлаб қўйди. Ҳозир далалардаги наша ва кўкнориларни йифиштириш якунланган палла. Одамлари хосилни аллақачон йифиб-териб олган. Қайтадан ишлов бериш, хорижга пуллаш зарур. Четда харидорлар унинг «дори»ларига кўз тикиб туришибди.

Бурхониддин Жавлонни касалхонага эмас, балки «дори»ларига ишлов берилаётган жойга жўнатишга қарор қилди...

## САМАНГАН

Мирзааҳмад қулоғига чалинган шарпадан чўчиб, эндиғина уйқу тўр ташлаган кўзларини очди. Эшик каламуш тишлари билан тахтани кемираётгандек қитирларди. Ташқариди кимдир бордек, ичкарига кириш учун ҳаракат қилаётгандек эди. «Ким бўлди?» деган савол лашкарбошининг миясига урилди. Эргашни ўз хонасида отиб ташлашганини эшифтанидан буён тунлари қулоғига чалинадиган турли товушлардан хавотирланадиган бўлиб қолди. Боз устига, келтирилган аёлнинг боласи сирли равиша фойиб бўлиши ўша кўркувни баттар кучайтириди. Назарида лагерда фанимлари уни ўлдириш мақсадида пайт пойлаб юрганга ўхшайди. Бир муддат жимлиқдан кейин товуш яна қулоғига чалинди. Лашкарбоши ёстиқ тагига қўл узатди. Тўппончанинг дастасидан маҳкам чангллади.

– Ким? – Мирзааҳмаднинг овози вужуди каби қалтиради.

Эшик оҳиста очилди.

Мирзааҳмад тўппончанинг учини эшик томон тўғрилади.

– Мумкинми, хўжайин, – қоп-қора одам бошини ичкарига сукди. Лашкарбоши уни танимади.

– Кимсан?

– Танимадингизми, хўжайин…

Дўриллаган бу овоз қулоғига танишдек туюлди. Бироқ эслай олмади. Лашкарбоши «Соқчи» дея қичқирмоқчи бўлди, аммо остоңадаги одамнинг қўлида қурол йўқлигини кўриб тилини тийди. «Соқчилар қаерда, нега мен рухсат бермаган бу кимсани ичкарига қўйиши» дея хаёл қилди.

– Испинг нима?

– Абуман, хўжайин.

– Абу?!

Лашкарбошининг пешонаси тиришди, бироқ Абу исмли таниши борлигини эслай олмади.

– Нима ишинг бор менда?

– Ишим йўқ, хўжайин. Сизни бир кўрай, икки оғиз сұхбатингизни олай деб юргандим. Бугун пайти экан, ўшанга кирдим.

– Негадир сени танимаяпман! – лашкарбоши қўлидаги тўппончани паастга туширди.

– Наҳотки мени танимаган бўлсангиз, хўжайин, – эшикни беркитиб ичкари кирди Абу. Мирзааҳмаднинг юраги ҳамон патилларди.

– Сени ичкарига ким қўйди? – Мирзааҳмад бу сўз билан Абуни турган жойидан жилмасликка ишора қилди. Абу тўхтади.

– Биласиз-ку, хўжайин, одамлар олдидан ўтиб кетсан ҳам бирор мени кўрмайди.

Пешонаси тиришган, лаби буришган Мирзааҳмад токчадаги чироқ пилигини кўтарди. Абунинг муғом-бирлик акс этиб турган қоп-қора юзи, боййўғлининг кўзларидек чақнаబ турган юмалоқ кўзлари ёришди, дўнг пешонаси тиришди. Лашкарбоши ниҳоят уни эслади…

Гурухни ташкил этган пайтларда йигитлари сафи-га ўттиз ёшлардаги дарозгина, кўримсиз йигит келиб қўшилганди. Ёрдамчилари таништираётib уни уч маротаба қамоқхонада «дам олиб» чиққанини таъкидлашганди. Кейин у ҳақда одам ишониб-ишонмайдиган гап-сўзлар қулогига етиб келди. Рухсатномасиз банкларга, айрим идораларга бемалол кириб чиқаверар экан. Қўлидаги оддий қофоз соқчиларнинг кўзиға рухсатнома бўлиб кўринармиш. Бундан ташқари, ҳар қандай қулфни, темир сандиқларни калитсиз очиб ташлармиш... Одамлари бу йигитга «Арвоҳ» деб ном беришган. Мирзаахмад аввалига ишонмай юрди. Синаб кўрмоқчи бўлди. Кунларнинг бирида шотирлари ёф заводи фазнахонасида катта миқдорда пул борлигини айтишди. Лашкарбоши Абуни хонасига чақирди. Иккиси танҳо сухбатлашишди:

– Фазначи бугун банқдан беш миллион нақд пул олди. Шуни ўмариш кўлингдан келадими? – деб сўради.

– Ўмариш демангда, хўжайин, – деди аразлагандек қош-қабофини осилтириб Абу. – Олиб чиқиш денг!

– Хозир аҳволим яхши эмас, одамларимга маош бериш им керак. Жумладан сенга ҳам!

– Кўпчилик учун эканда! Жамоат иши учун жонингни берсанг ҳам арзийди, хўжайин!

– Ёдингда бўлсин. Мабода қўлга тушиб қолсанг, мен сени танимайман, сен эса мени, билдингми?

– Хавотирланманг, хўжайин! Тишим чиқиб бирорвни сотмаганман!

– Унда бугун тунда топшириқни бажар!

– Тунни кутиб ўтирамидим, хўжайин, хуфтонгача ишни битириб келаман!

– Аҳмоқмисан, куппа-кундузи фазнахонага киролмайсан!

Абу жилмайди. Мирзааҳмаднинг ғаши келди. Хаёлидан «бу болага ишониб бўлмайди, қўлга тушса, мени ҳам ўзига қўшиб тортади» деган ваҳимали фикр ўтди. Дераза ёнига бориб ойнадан ташқарига боқиб «бошқа одам топиш керак» деб ўйлади. Гурухдаги «қўли чаққон» йигитлар қўз ўнгидан ўтди. Бахтга қарши, уларнинг бирортаси ҳозир бу ерда эмас.

Лашкарбоши ортига юзланди. Бўм-бўш хонани кўриб юраги шув этди. Абу йўқ эди. Унинг қай тарзда фойиб бўлганини билолмай энсаси қотди. Хаёлида Абу қўлга тушиб қоладигандек ваҳима пайдо бўлди. Этаги қуйган одамдек хонасида ўтиrolмади. Кўчага чиқиб кетди. Машинасида шаҳар айланди. Хуфтон намозидан кейин атайин ёғ заводи биноси олдидан ўтди. Панжарали деразадан ичкарида бамайлихотир телевизор кўриб ўтирган соқчини кўриб ўзига келди. Кейин ишхонасига қайтиб келди.

– Абу сизни кутиб ўтирибди, – деди лашкарлардан бири.

– Қачон келди? – сўради Мирзааҳмад қовофини уйиб.

– Чамамда бир соатдан ўтди.

Хонасига кириб келган Мирзааҳмад бурчакда газета ўқиб ўтирган Абуни кўриб:

– Эплай олмадингми? – деди пўнфиллаб.

Абу ўрнидан турди. Лашкарбошига яқин борди. Тажанг юзига тикилиб турди-да:

– Эркакнинг ваъдаси битта бўлади, хўжайин, – деди қошларини кериб.

Лашкарбошининг тузи ўзгарди.

– Қани?

Абу стол остидан чарм сумкани олиб келиб Мирзааҳмаднинг оёғи остига ташлади.

– Санамадим, хўжайин!

Мирзааҳмад Абуни бағрига босди.

– Қойил!

Шу воқеадан кейин лашкарбоши Абуга қаттиқ ишониб қолди. Мұхим ишларни унга топширадиган бўлди. У анчадан бүён Эргаш билан ўрталаридағи дарз кетган муносабатни тиклашни ўйлаб юрарди. Қандай қилиб бўлмасин орадаги ихтилофга барҳам бериш йўлини ўйларди. Ҳар хил фикрларни калласида пишишиб юрарди. Нихоят, туғилган куни эсига тушиб қолди. Бу ишда яна Абу унга керак бўлди.

– Якшанба куни Эргашнинг туғилган куни. Яхшироқ совға жўнатишим керак, – деди Мирзааҳмад.

– Ашаддий душманингизга-я? – Абу улар орасидаги муносабатнинг дарз кетганидан огоҳ эди.

– У абраҳни кўрага кўзим, отарга ўқим йўқ, аммо хозир қўли узун. Орқасида турган одамларнинг обрўси ҳам, бойлиги ҳам етарли. Вақти-соати келиб ўша исқирт бу ерда хукмронлик қилиб қолишидан кўрқаман. Иложи борича ўртадаги совуқчиликни илитишим керак.

– Совғангиз бўлса беринг, ўзим элтиб бераман, кўнглига йўл топаман!

Лашкарбошининг чеҳраси ёришди.

– Эргаш «Жигули»ни яхши кўради. Унга битта шундай машина жўнатсанмикин деб турибман!

– Совғангизга арзирмикин?

– Аслида бир чақага олмайман уни. Ўлдираман деб дангал айтганман. Лекин эртанди кунимни ўйлайман-да, Абу. Ахир мен ҳам эмин-эркин яшашим керак. Душманларим изимга тушса, қаердадир жон сақлашшим керак-ку.

– Сиз Эргашни кечиришингиз мумкин, аммо у сизни кечиравмикин?

– Ҳамма гап шунда-да. Нима қилиб бўлса-да, унинг юрагида гуриллаб ёнаётган адоват ўтини ўчиришим керак.

– Ўша адоват алангасига ўзим сув сепиб келаман, хўжайин! Машинанинг калитини беринг!

Мирзаахмад Абунинг елкасига қўл ташлади.

– Шаҳарда Усмон бойвачча исмли одам яшайди. Уйида мойи артилмаган «Жигули» билан «ГАЗ – 31» турибди. «Жигули»ни олиб чиқиб Тожикистонга жўнайсан. Эргашни топиб, менинг номимдан совфани топширасан. Зора машинани қўриб қўнгли юмшаса.

– Хўжайин, сиз айтган бойваччани яхши танийман. Битта машинасини ўғирласак ҳам, икковини олиб чиқиб кетсак ҳам «уйим кўйди» деб дунёга жар солади. «Волга»сини қолдириб нима қиласиз? Бирваракайига иккаласини гумдон қиласиз-қўя-миз-да, нима дедингиз?

– Билганингни қил! Лекин менинг одамларимдан хитланмаса бўлди.

Абу лашкарбошидан Эргашнинг манзилини олиб хонадан чиқиб кетди. Шу кеча Усмон бойнинг ҳовлисидан бир эмас, иккита машина сирли равишда фойиб бўлгани шаҳарга овоза бўлди. Мирзаахмад эса бундан хузурланди. Орадан бир ойча вақт ўтди. Бироқ Абу кайтиб келмади. Машинани Эргашга топширдими, йўқми, бу ҳам қоронфи. Лашкарбоши кунларнинг бирида милиция ўғирлаб кетилган «Волга»нинг Ўш довонида пачақланган ҳолда топганини, ичидаги ҳайдовчи билан шериклари ҳалок бўлганини эшитди. Абуни ўшалардан бири деб ўйлади. Наҳотки қаршисида қўл қовуштириб турган йигит ўша Абу бўлса?

Мирзаахмад ҳамон Абуга тикилиб турар экан, нихоят тилга кирди:

- Сени ёлиб кетган деб эшитгандим...
  - Сизга бўлган садоқатим туфайли омон қолдим, хўжайин!
  - Бу ерга қачон келдинг?
  - Ўшанда биз машиналарда орқама-олдин кетаёт-гандик. Тун яrimдан ўтганди. «Волга» миниб олган йигитни уйқу элтиб, рулни бошқаролмай қолганэкан, довондан тушаётганда пастга қулаб кетди. Уларни кутқаришнинг иложи бўлмади. Туманда пастликни кўриб бўлмасди. Бунинг устига совуқ, изфири, қор учқунлаб турарди. Мен зўрға «Жигули»да Душанбега кириб бордим. Суриштириб Эргаш яшаётган жойни топдим. Сизнинг номингиздан совфани топширдим. Зангар, айтганингиздек, ифлос одам экан. Ҳамманинг кўз олдида машинанинг устига бензин сочиб ёқиб юборди. Нима қилишимни билмай турган жойимда тошдек қотиб қолдим. Мени ҳам ёқиб юборса керак деб хавотирга тушдим. Хайрият тегмади. «Шу ерда қоласан», деди. Қаршилик қилолмадим. Қолиб кетдим, хўжайин... Кейин у мени ўз одамларига қўшиб Тавилдарага, сўнг Саманганга кўчириб келди. Даля-даштларда қум билан шўр ялаб яшадим. Қочишнинг иложини тополмадим. Эргаш ўлган куни қочмоқчи бўлдим. Бироқ келишингизни эшитиб қолдим. Ўзингизни кўриб суюндин. Олдингизга кирмоқчи бўлиб икки-уч бора ниyatландим, негадир истиҳола қилдим. Мана, бугун фурсати экан, хизматингиздаман, хўжайин...
  - Соқчилар кўрмадими? – сўради лашкарбоши.
  - Улар ўта сезгир ва ҳушёр бўлиш билан бирга сизга садоқатли йигитлар. Беш қадам нарида туришган экан, салом бериб ўтдим олдиларидан. Аммо сизнинг кулбангизга бурилганимни пайқамай қолишиди.
- Лашкарбоши мийифида қулиб қўйди:

- Хали ҳам ҳунарингни ташламабсан-да...
- Энди, хўжайин, қон билан кирган жон билан чиқади...
- Сени бу ерда кўрганимдан хурсандман, Абу, – деди лашкарбоши чукур хўрсиниб.
- Хизматингиздаман, хўжайин, – қўлини кўксига босиб таъзим қилди Абу.
- Лашкарбоши анчадан буён ўйлаб юрган режасини эслади.
  - Кел, ёнимга ўтири, маслаҳатли иш чиқиб қолди.
  - Абу курсига ўтириди.
- Яқинда Кобулдан толибонлар бошлигининг одамлари келиб, тўрт нафар ишончли тожик йигитларини Туркияга жўнатишни айтишиди. Лекин нимага боришларини яширишиди. Назаримда улар йигитларимнинг қўли билан қандайдир муҳим ишни бажаришмоқчи.
- Сиз ишончли йигитларни топдингизми? – сўради Абу шошқалоқлик билан.
- Топишга-ку топдим, бироқ улар менга Туркияда қандай ишларни бажариб келишганини айтишмаслигини кўнглим сезиб турибди. Шунинг учун улар ичига ўзимнинг ишончли одамимни киритишм керак.
- Тўғри ўйлабсиз, хўжайин. Менинг фикримча, улар бежиз тожик йигитларини танлашмаган. Бу ерда қандайдир сир бор.
- Қанчалик бош қотирмай, ўша сирга ақлим етмаяпти.
- Абу оёқларини тўшак ичига тикиб олган лашкарбошининг кўзларига тикилди. Мирзаҳмад кўрқувни унугтанди. Кўлидаги тўппонча тўшак устида ётар, чироқ нурида дастаси ялтиради.
- Мен буни биламан, хўжайин, – шивирлади Абу.
- Билсанг, айт!

– Толибонлар тожик йигитларни Туркияга олиб кетамиз деб сизни алдашган.

– Кўнглим сезгандек эди. Хўш, давом эт!

– Далалардаги нашалар йифиштирилиб, уларга ишлов бериб бўлинган, энди уларни пуллаш керак. Дорини четга фақат Тожикистон орқалигина олиб чиқиши мумкин. Чегарадан ўтказиш учун эса тил биладиган йигитлар керак. Толибонлар бунинг ҳисобини олишган, одамларингизнинг қўли билан каттагина маблағга эга бўлишади.

– Гапинг ҳақ! Кўп нарсаларни ўйлабман-у, мана шу фикр хаёлимга келмабди, Абу. Мен шу ердаги йигитларга бошлиқ эканман, мўмай пулдан қуруқ қолмаслигим керак.

– Талабингиз тўғри, хўжайин. Йигитларингиз бекордан-бекорга уларнинг топширигини бажариши мумкин эмас. Сиз бунга йўл қўйманг, дангал келишиб олинг. Фойданинг маълум қисмини чўзишсин!

– Шунинг учун сени тожик йигитларнинг ичига қўшиб қўймоқчиман.

– Қандоқ бўларкин, хўжайин?

– Биламан, сенга жин ҳам урмайди.

– Одамларингиз қачон йўлга чиқади?

– Куни аниқ эмас, назаримда шу ҳафта охирида жўнашса керак.

– Хўжайин...

Лашкарбоши Абунинг нима демоқчилигини овозидан тушунди.

– Биласан, қурумсоқ эмасман. Содик хизмат қилган йигитларнинг меҳнатини муносиб тақдирлайман.Faқат менга тожик йигитлар қандай топшириқни бажаришгани, қанча пул топишгани ҳақида аниқ маълумот етказиб турсанг бас! Дарвоҷе, тожикчани биласанми?

– Тожик маҳаллада катта бўлганман-ку, хўжайин.

– Жуда соз! Унда тайёргарлигингни кўр.  
Топшириқ бўлиши билан жўнайсан!  
– Менга рухсатми, хўжайин?  
Мирзааҳмад бош ирғиди.  
Абу қўлинин кўксига қўйди ва эшик томон бурилди.

## ЖАЛОЛОБОД

Устига тую жунидан тўқилган чакмон ташлаган, бошига қалин матодан салла ўраган одам тоғнинг энсиз сўқмоғидан тепалик сари тирмасиб чиқарди. Кўлидаги таёқ бир неча йилдан бери эримай ётган қорга санчилиб, уни йиқилиб тушишдан, мувозанатини йўқотишдан химоя қиласарди. Орқасига осиб олган қопчиғи анча вазмин бўлишига қарамай, қоматини тик тутишга уринарди. Ҳаво совуқ. Оғзидан чиққан нафаси оппоқ буғ бўлиб тараларди, оёқлари остида қор фичирларди. Юқорига кўтарилаётганда оёғи кўп бор тойиб ҳам кетди, бироқ тоғларда юришга мосланган ҳарбий ботинкаси остидаги михлар уни сирпаниб кетишдан сакларди. У шошмасдан, эҳтиёткорлик билан қадам ташлар, шу боис йўли унмасди.

Бу Жонс эди. У «Қора маржон» горига элтувчи сўқмоқдан тепаликка кўтарилиб борарди. Юқорига чиқишига юз қадамча қолди. Қор қалинлашиб борарди. Бурилишлар хавфли. У бораётган сўқмоқ борган сайин тик ўрларди. Юриш қийинлашди – юқорилаб борган сайин қор баттар қалинлашди. Бундай кулфатга дучор бўлишни хаёлига келтирмаган Жонс ортига әмас, тепага қарашга ҳам қўрқди.

Форга етиб боришига саноқли қадамлар қолганда Жонснинг қўлидаги ҳасса пастга тушиб кетди. У мувозанатини йўқотиб, сирпаниб кетди. Бели тошга урилди. Сирпанчиқ устида ўзини тўхтата олмади. Қўлига ушлайдиган нарса илинмади. Чанада ўтири-

ган одамдек пастга шүнғиб борарди. Қуйида әса ажал уни комига тортиш учун оғзини очиб турарди. Бу ердан тушиб кетгудек бўлса, суюклари парча-парча бўлиб кетишини кўз ўнгига келтирди. Ўлим муқаррарлигини, ҳеч нарса жонига оро кирмаслигини тушунди. У тақдирга тан берди ва «ўлдим» деб кўзларини юмиб олди.

Кутилмагандага мўъжиза рўй берди. Жонснинг оёғи қор остида кўмилиб ётган харсангга урилди ва гўё бирор ушлаб қолгандай таққа тўхтади. Устидан тўзиган қор учқунлари учиб ўтди. У кўзларини очиб, омон қолганига амин бўлди, мийифида кулиб ҳам қўйди. Ўзини ўнглаб, халоскори оддий тош эканини фаҳмлади. Жонс эҳтиёткорлик билан, секин-аста хавфсиз жойга сурилди.

У жуда катта қийинчилик билан тепаликни забт этди. Пора пўстинини тагига тўшаб ўтирди. Кун қайтди. Тоғлар узра тун қора соя ташлади. Жонс жон сақлаши, туннинг аёзида қотиб қолмаслик учун жой топиши лозим. Тоғларда фақат форларгина инсон жонига ора кириши мумкин. Бироқ ўша фор қаерда?

Совуқ изгирин увиллаб турган, қорлар уюми кўмиб ташлаган тепаликда ярим дақиқа ҳам бекор туриб бўлмаслигини, акс ҳолда аёз тарашадек қотириб ташлашини Жонс яхши тушунади. У ўрнидан туриб тошдан-тошга сакрай бошлади. Танасига иссиқлик югурди. Кейин тунайдиган жой ахтарди. Қўллари билан қор уюмларини суриб ташлади. Қорайган тошлар кўринди. Уларни жойидан кўчиришга киришди. Музлаган, бунинг устига бир-бирини босиб турган харсангларни кўчириш осон эмас, балки хатарли ҳам эди. Бирини олсанг, бошқаси қулайди ва сени ҳам ўзига қўшиб одамнинг кўзини тиндирадиган пастликка олиб тушиб кетади.

Жонс эхтиёткорлик билан яхдек тошларни чангаллаб күчира бошлади. У қанчалик бақувват бўлмасин, елимдай ёпишиб қолган сангларни қўзғатишга кучи етмай қийналди. Ярим соатдан кўпроқ чиранди. Нихоят, гувалакдек тошни жойидан силжитди. У катта харсанглар остидан ажраб чиқди. Жонс уни сууриб олди-да, пастга ташлади. Кейин эхтиёткорлик билан бошқаларини кўчиришга киришди. Қолган тошлар енгил ва осонгина суурилар, Жонснинг қаршисидаги бўшлиқ кенгайиб борарди. Бу жой изфиринлардан, музлик томондан эсаётган қор қуюнларидан сақлаши мумкин эди.

Жонс тинимсиз ишлади. У ичкарига кириб олишга ошиқарди.

Жонс гавдаси сифадиган даражадаги туйнукни очди. У энкайиб ичкарига кирап экан, фаройиб манзарага дуч келди. Ичкаридан чиқаётган иссиқ ховур юзига урилди. Ўра деб ўйлаган жой одам тик турса, айланса бўладиган бўшлиқ бўлиб чиқди. «Бу фор» деб ўйлади Жонс. «Қачондир одамлар бу ерда яшаган ва кетишдан олдин оғзини тошлар билан тўсиб кетган». Жонс қаддини ростлаб, ёнидан фонарини олиб ёқди. Силлиқ деворларда фонар шуъласи аксланди. Жонс икки қадам юрганда тепада осилиб турган тошлардан бир нечтаси қарсиллаб ерга тушди ва қаҳрамонимизнинг рўпарасида иккинчи бўшлиқ пайдо бўлди.

Жонс қўрқиб кетди, кўкрагидан бирор итаргандай орқага чекинди. Хозиргина шодлик ва қувончдан ҳаприққан юрагига энди қўркув кўланка ташлади. Бу бўшлиқ кўзига совуқ кўринди. Шундай бўлса-да, у форни ташлаб чиқиб кета олмасди. «Совуқда қолиб ўлгандан кўра шу ерда ўлганим афзал» деб ўйлади.

Жонс торгина йўлакдан аста ичкарилади. Горнинг адоги кўринмасди. У шилиниб кетган кўлларидағи

оғриққа ахамият бермади. Унинг диққат-эътиори-ни ичкаридаги гаройиб манзара ўзига жалб қилди.

Ичкаридан оқиб келаётган илиқ ҳаво аллақандай ёт исни димоғига урди. Бу ҳид ичини ағдар-тўнтар қилди, қусгиси келди, ўқчиди. Бунинг устига, бадани қизиди. Кўзи тушган нарсаларнинг бари сирли ҳамда сеҳрлангандек эди. «Бу ерда ибтидоий даврнинг одамлари яшаган», фикр юритишда давом этди Жонс. У беш-олти қадам юрганда фонардан тараляётган ёфду тошdevорга суюниб, милтиғини қучоқлаб ўтирган одамга тушди. Шунда Жонс:

– Ё Биби Марям! – дея ҳайқириб юборди ва икки қадам ортга чекинди.

«Ўтирган одам ким?»

Жонс орқага қайтишни истамади. Қизиқиши уни ичкарига тортарди. У харсангни четлаб ўтди. Тош устида милтиқ қучоқлаб ўтирган бояги кимса бирдан фойиб бўлди.

«Қаёққа кетди? Наҳотки тирик бўлса?»

Жонс юришда давом этди. Тошларга урилиб, қарс-курс овоз чиқараётган оёқ товуши ҳам унга вахимали ва айни чоғда қўрқинчли туюлди. Унинг кўзларига кўринган нарса рўё эмасди. Супа усти бўйм-бўш эди. Жонснинг ялтираб турган кўзлари кутилмаганда оёқ остида сочилиб ётган суюкларда тўхтади. Икки қадам нарида бош суюк қийшайиб, очилиб қолган жағи орасидан катта-кичик тишлар фонар ёруғида ялтиради. Ёнида ўн тўққизинчи асрда ишлаб чиқарилган пилта милтиқ тошга суюлганча турарди. Форнинг оғзи очилганда, ичкарига совуқ шамол оқиб кирганда супада ўтирган одамнинг суюклари сочилиб кетганини Жонс бир оздан кейин тушунди. Супа ёнида сопол кўза турарди. Ичи кумга тўлган. Нарироқда яна икки одамнинг суюклари сочилиб ётибди. Жонс фонар нурини ўша томонга

тўғрилади. Қовурғалардан ва бош суюгидан мурдалардан бирининг ёш бола экани кўриниб турибди. Катта жасаднинг бир тутам узун сочи сақланиб қолган. Чап қўли боланинг кўкрак қафаси устида, афтидан у боласини бафрига босиб жон берган бўлса керак. Уч одам нега айнан фор ичидан ўлим топди? Ким уларни бу ерга қамаб қўйган?

Жонснинг бесабр нигоҳи тошга бостирилган қоғозга тушди. Араб имлосини ўқиёлмаса-да, ёзувга кўз югуртириди. Сарфайиб, сиёҳлари хира тортиб қолган хатда марҳум васиятини ёзиб қолдирганини кўнгли сезди. Мактубни ўқиёлмаганидан афсусланди, уни эҳтиётлаб чўнтағига солди. «Уйга қайтганимда бирорта одамга ўқитаман», деб ўйлади.

Жонс бу билан чекланиб қолмади. Ичкарига киришга, атроф-теваракни кузатишга бўлган қизиқиш уни олдинга етаклади. Ўн қадамча юргач, қулоғига фалати товуш чалинди. Тўхтади ва вужудини қулоққа айлантириб овоз келган томонга қараганча ҳайкалдек қотиб қолди. Товуш тобора баландлаб борарди. Бу на қушларнинг, на мусиқанинг, на одамнинг овозига ўхшарди. У бир неча оҳангда тараларди. Шу пайтгача бундай овозни эшитмаган бўлсада, Жонс ўзини йўқотиб қўймади. Коронфилик қаърига тикилганча тураверди. Товуш сеҳрлаб бораётганини анчадан кейин тушунди. Ўзига келганда атроф саноқли сонияларда ўзгариб, бошқача манзара кашф этгандай туюлди. Фор торайиб бораётгандай, тошлар уни қисиб қоладигандек эди. Жонс бари бир олдинга юрди. Товуш гоҳ баландлаб, гоҳида сусайиб, гоҳида шўх, баъзида мунгли тус оларди. У шунчаки ҳаваскор эмас, балки ўта моҳир ва истеъододли созанда томонидан ижро этилаётган куйни ёдга соларди. Нолалар одамни ўзига мафтун айларди. Жонснинг хаёли мана шу оҳанробога қўшилиб, қанот қоқиб,

парвоз қилди. Қулоғига оқиб кираётган садо ўзидан бошқа инсон бўлмаган зулмат ичида, нафаси қайтиб, нима қилишини билмай турган бир пайтда тамомила сехрлаб қўйди. Куйнинг бу қадар жозибали таъсир кучини, қудратини илк бор ҳис этди. Вужудидаги титроқлар, юрагининг тартибсиз уришлари, асабининг таранглашиши босилди. Жонс ям-яшил ўтлоқлар ичида, шарқираб оқаётган сой бўйларида, бири олиб, бири қўйиб қушлар хониш қилаётган чаман оралаб юрганга ўхшади. Бирдан ўзининг қаерда турганини, бу ерга нима мақсадда кирганини эслаб сергак тортди. Бадани ток ургандай жимирилаб кетди. Орқага чекиниши, бу ерни ҳозироқ тарк этишни ўйлади. Куй тобора авж олиб, бир маромда қулоқларига оқиб киради. Кўзга кўринмас созанда у билан ёнма-ён юриб бораётгандек эди. Ўзига мафтун этган, сехрлаган жозибали мусиқа кутилмагандан фашига тега бошлади. Кўллари билан қулоқларини беркитди. Овоз шундоқ ёнидан, кўзи тушган тошлар орасидан таралаётганга ўхшарди.

Жонс форга кирганига минг пушаймон бўлди. Бу ердаги барча нарсалар унинг кўзига даҳшатли ва кўркинчли кўринди. Жонс қўйнидан тўппончасини олиб овоз келаётган томонга қаратса кетма-кет ўқ узди. Тўппонча учидан учиб чиққан ўқ зулмат бафрини ёриб, ортидан чўғдек из қолдириб бўшлиқ ичра сингиб кетди. Икки дақиқадан сўнг жуда ҳам олислардан акс садо бўлиб қайтди. Қайтганда ҳам даҳшатли қайтди. Ичкаридан худди қудратли танк фиддираклари билан тошларни эзиб, янчиб, мажақлаб келаётгандай гурсиллаган товуш эшитилди, шундоқ рўпарасидан бирин-кетин иккита тош қулаб тушди ва унинг ўринидан камалак рангидаги алангасимон олов ярқ этиб, зулматни ёритиб отилиб чиқди. Жонс

қимирламади. Шунда унинг кўзлари сарғиши шуъла таратиб турган нарсага тушди.

«Нима бу? Наҳотки мен фаройиб бойликка дуч келиб қолган бўлсан?» Ҳайратдан қичқириб юбораёзди Жонс.

У секин-асталик билан жисмга яқинлаша бошлади. Шунда фаройиб ҳодиса рўй берди. Олдинга узатган қўллари ток ургандек жимирлади. Жонс бунга аҳамият бермади. Бойликка бўлган иштиёқ уни олдинга юришга ундали. Ниҳоят, бармоғини теккизди. Шунда жисм парчаланиб, заррачаларга ажраб юлдузлардек сочилиб кетди. Жонснинг бутун вужуди, бутун фикр-ўйи қўрқувга айланди ва шу қўрқув танасини карахт қилиб қўйди. Нур жосуснинг кўзи олдидан тўлқин-тўлқин бўлиб ўтиб кетди. У кўзларини юмди, бироқ кечикканди. Бадани ҳеч қандай тафтни ҳис этмаган бўлса-да, кўз қорачиқлари нурдан эриб оқиб тушди.

## ИСТАНБУЛ

Ҳаммаси тонг ёришаётган паллада содир бўлди. Шамол бирдан кучайиб шиддатли тус олди. У оч бўридай увиллади. Ўзи билан аллақаерлардан олиб келган чанг-тўзонни денгиз узра тўзитди.

Денгиз гувиллади, тўлқинлар шалоплади. Ероғида нимадир гумбурлагандек бўлди. Атроф тундек қоронфи. Элиф моторни юргизди.

– Тезда орқага қайтишимиз керак, акс ҳолда тўлқинлар яхтани тўнтариб юборади! – деди бир оз талмовсираб. Қулоқларим унинг овозини тўлқин ва шамол шовқинида зўрга илғади. Бош ирғиб розилигимни билдиридим. Бироқ биз кечиккан эдик.

Бундай об-ҳаво шароитида рулни бошқариш мушкул. Олисдан эни юз метр чамасидаги тўлқин биз то-

мон ёпирилиб келарди. Унинг бўйи ўн метрдан баланд. Бундай кучли тўлқин яхтани гугурт қутисидек учириб, дengиз остига чўкириб юборди. Тўлқиннинг важоҳатини кўриб эсим оғиб қолаёзди. Тирик қолишимизга умид қилмаса ҳам бўлади. Атрофдаги кемалар, яхталар қачон фойиб бўлганини билмайман. Улар жўнаб кетганми ёки тўлқинлар остида па-чақланиб кетганмиди?!

Элиф худди тажрибали кема капитанидек абжирлик билан яхтани бошқариб борарди. Тезликни тинимсиз оширади. Кудратли тўлқин эса изимиздан қувиб келарди. Унинг ўкирган овози гарчи олисдан бўлсада, қулоқларимизга чалиниб турибди. Тўзонли ҳавода соҳил кўринмайди.

Маст одамдек чайқалиб Элифнинг ёнига бордим. Унга ёрдам беришим зарур. Рулни бошқаришга қийналаётганди.

– Чапга буринг! – қулогум остига оғзини яқинлаштириб қичқирди Элиф.

Иккимизнинг ҳам кийимларимиз шалаббо бўлди. Шу пайт зарбага учраган яхта бир томонга қийшайиб қолди. Рул қўлимиздан чиқиб кетди. Иккимиз анча нарига бориб, орқамиз билан тўсиққа урилиб, йиқилдик. Тезроқ рулни эгаллаш лозим акс ҳолда кема тўлқинларнинг ихтиёрига тушиб қолиб, энг тажрибали капитан ҳам уни бу гирдобдан олиб чиқа олмайди. Биз қўлларимиз билан ерни пайпаслаб ўрнимиздан туришга уриндик. Бироқ тинимсиз чайқалиб турган яхта бунга имкон бермади. Қиз бир амаллаб оёққа турди ва гандираклаб рул томон юрди.

Мен аранг оёққа турдим. Ҳали қаддимни тикламасимдан сув худди тегирмоннинг новидан тушгандек устимга тўкилди. Унинг зарбидан яна йиқилдим. Юқоридаги буюмлар шарақлаб ерга тушди ва парчаланиб кетди. Ташқаридан урилган тўлқиннинг

зарбасидан эшик синди, сув ичкарига ёпирилиб кирди. Мен орқага қайтаётган оқимга қўшилиб, полда сирпаниб эшик олдига бориб қолдим. Бахти тасодиф туфайли биқиним билан темир тўсиққа урилиб, айланисиб, эшикка кўндаланг туриб қолдим. Бу билан хавфдан қутулдим деб айта олмасдим. Яхта боягидек кучли зарбага учрайдиган бўлса, ичкарига сув отилиб кирса, мени денгизга улоқтириб ташлаши мумкин. Куттанимдек яхта тўлқин зарбасига учради. Ичкарига сув отилиб кирди ва мени кўтариб, айлантириб гавдамни эшикка тўғрилаб қўйди. Мен денгизга отилиб чиқиб кетишим мумкин эди. Кўзим тутқичга тушиб қолди. Жон-жаҳдим билан унга ёпишдим. Бироқ қўлларим нам тортиб, оғирлашиб қолган танамни узоқ ушлаб туролмади. Бунинг устига, яхта тинимсиз чайқалар, ичим ағдар- тўнттар бўларди. Бу пайтда Элиф рулни эгаллаган ва яхтани ўз измига сола бошлаганди. Кўлларим толикди. Оғриқ шу дарражада кучайдики, тутқични қўйиб юборишдан ўзга чорам қолмади. Лекин юрагимнинг остида шамдай лишиллаб турган умид қандайдир мўъжиза рўй беришини кутарди. Денгиз ҳамон кўринмас қўллари билан оёқларимга чант солиб бағрига тортарди. Ҳаёт билан ажал олишар, бунда кўпроқ ажал тантана қиласарди. Бошим узра сув қўйилиб, қўлларимдан мадор кетиб, танам чўзилиб, бармоқларим тутқичдан узилаётган пайтда болам кўз ўнгимда намоён бўлди. Мен сув ичидан унинг ширмон қулчадек лўшилланган юзини, мунчоқдек қоп-қора қўзларини кўрдим. Унинг шўх кулгилари тўлқиннинг гувиллаши-ю, шамолнинг увиллашини босиб тушгандек бўлди. Ҳа, мен азоб-уқубатлар ичида ўз жигаргўшамнинг сиймосини кўрдим. Бироқ у кутилмаганда фойиб бўлди.

– Жоним болам, мени кут, албатта олдингга етиб бораман!

Бу юрагимдан отилиб чиқсан ҳайқириқ эди. Вужудимда файритабиий куч уйғонди. Яна жон-жахдим ила типирчиладим. Яхта түхтовсиз чайқаларди. Бу ерда менга биргина Элиф ёрдам бериши мумкин. У эса чираниб рулни бошқариб борарди.

– Элиф! – кучим борича қичқирдим.

Аммо товушим түрт қадам нарида турган қизнинг қулоқларига етиб бормади. Тўлқиннинг гувуллаши ва қутурган шамолнинг увиллаши овозимни бошқа томонга олиб кетди. Яна бир бор қизни ёрдамга чақириш учун оғзимни очдим, айни дамда деразадан отилиб кирган сув юзимга урилди ва оғзим сувга тўлди. Гапиролмай қолдим…

Мен янгишган эканман, Элиф овозимни эшитган экан. У олдимга келди. Икки қўллаб мени ичкарига тортиб олди. Хавф бир оз бўлсада чекинди.

«Урушда туриш йўқ» деганларидек, қанчалик ҳолдан тойган бўлишимга қарамай қизга ёрдам беришга ошиқдим. Яхтани яқинлашиб келаётган ҳайбатли тўлқинлар тоғидан олиб қочиш учун бутун қучимизни ишга солдик.

Нихоят, яхта бўшлиқ жойга чиқди. Тўлқин йигирма қадам наридан ўтиб кетди. Унинг шамоли яхтамизни сўнгти бор бешикдай чайқалтириб юборди. Шундай қудратли тўлқин остида қолиб кетмаганимизга ишонгим келмасди. Қолаверса, талваса ичидаги соҳилга яқинлашиб қолганимизни сезмай ҳам қолибмиз.

Кўп ўтмай денгиз бўйида янги ҳаёт бошланди. Одамлар кўриниб қолди. Кемаларнинг қатнови изга тушди. Биз кийимларимизни, тўшакларимизни сим дорга илиб, қуёшда қуритдик. Элиф озиқ-овқат олиб келиш учун шаҳарга кетди.

Бу орада мен хоналарни қайтадан жихозладим. Ўз хонамдан иккита миттигина овоз ёзгич мослама топиб олдим. Бири диваннинг олдинги томонига, иккинчиси

эса тепага ўрнатилганди. Назаримда яхта чайқалганда улар жойидан күчип пастга тушиб қолганди. Буларни нима сабабдан менинг хонамга ўрнатишгани тушунарли. Бироқ бундан Элиф бехабармиди? Ўйлаб-ўйлаб охири қиз бундан бехабар деган хulosага келдим. Акс ҳолда у кеча кўп нарсалардан огоҳ қилмаган бўларди мени.

Тушдан кейин Элиф қайтиб келди.

– Эртага сиз билан учрашгани Адамас келади, – деди у. – Эҳтиёт бўлиб гаплашишингизни маслаҳат бераман.

Мен бош иргиб хонамга кириб кетдим.

\* \* \*

Адамас бошлиғи билан телефон орқали боғланди.

– Зудлик билан Бўронни Лондонга жўнатинг! – топшириқ берди раҳбар.

– Афсуски уни бир-икки ой Истанбулда ушлаб туришимизга тўғри келади, сэр, – жавоб қилди Адамас.

– Сабаб?

– Кенгашнинг барча хужжатлари хозир Баққолнинг қўлида...

– Сиз хужжатларни қўлга киритмоқчимисиз?

Кенгашнинг бир даста қофозлари бошлиқни мутлақо қизиқтирмаслигини Адамас яхши тушунарди.

– Унинг ишончини қозонишимиз керак, сэр.

– Шу пайтгача ишончини қозона олмаганингиздан хайронман, Адамас.

– Баққолнинг ёрдамчиларидан бири яқинда Афғонистондан қайтиб келди, сэр.

Бу хабар раҳбар учун янгилик эди.

– Қандай мақсадда борган экан?

– Толибонлар етакчисининг ишончини қозониши мақсадида, сэр.

– Ким билан учрашгани сизга маълумми? – овоздан бошлиқнинг қизиқиши ортиб бораётгани билиниб турарди.

– Кашмирий билан, – Адамас енгил тин олди.

– Улар ўртасидаги сухбатдан хабардор бўлдингизми?

– Шундай!

– Масала нима экан?

– Баққол толибонларга ўн дона «Град» тухфа қилишга ваъда берган.

– У қуролни қаердан олади?

Адамас бу ишда кўли борлигини яширди.

– Яқинда одамларидан бирини Тожикистонга ташлади. У русларнинг ҳарбий базасида юзга яқин шундай қуроллар мавжудлигини аниқлаб келган. Баққолнинг одами ҳозир рус генераллари билан яширин музокара олиб бормоқда.

– У қуролларни чегарадан олиб ўтишига ишонасизми?

– Албатта! Баққол «Град»га катта пул тиккан.

– Бўроннинг бу ишга қандай алоқаси бўлиши мумкин?

– Кашмирий Эргашнинг тўдасидан тоғдаги яширин йўлларни яхши биладиган тожик йигитларидан жўнатишга ваъда берган. Яқин кунлар ичida уларнинг Истанбулга келиши кутилмоқда.

– Баққол бу ишда Бўрондан фойдаланмоқчими?

– Баққол ўзининг барча ишларини Бўроннинг зиммасига юкламоқчи...

– Тушунарли, демак, унга ишонади.

– Шундай, сэр! Уни сизнинг ҳузурингизга жўнатишга шошилмаётганимнинг сабаби шунда.

Бошлиқ паст овозда маслаҳат берди:

– Бўронни кўз қорачиғингиздек асрарни маслаҳат бераман. Унинг барча ҳаракатларидан огоҳ бўлинг. У бизга ҳали кўп керак бўлади.

- Ишончингизни оқлайман, сэр!
  - Сиз у билан учрашдингизми? – сүраб қолди бошлиқ бир оз жимлиқдан кейин.
  - Хозирча кўришганимиз йўқ, сэр.
  - Хозир қаерда у?
  - Денгизда дам олмоқда.
  - Баққол билан кўришдими?
  - Келганини Баққолга маълум қилганим йўқ, сэр.
  - Сиз тезда Бўрон билан алоқага чиқинг, унга ке-ракли топшириқларни беринг. Шундай варианtlар ишлаб чиқингки, ўзбек ўзининг кейинги ҳаётини сизсиз тасаввур қила олмасин.
  - Тушунарли, сэр!
  - Дарвоқе, у назоратдами?
  - Айғоқчиларимиздан бири ҳамроҳлик қилмоқда.
  - Гапингиздан аёл кишига ўхшайди!
  - Адашмадингиз, сэр!
- Адамас Бўрон билан бўлиб ўтадиган учрашув хақида ўйлаб турган бир пайтда телефон жиринглаб қолди. Қўнфироқ қилаётган Лу эди.
- Сэр, Баққол Бўрон билан учрашишни талаб қилмоқда. Афтидан унинг бу ердалигига ишонмаёт-ганга ўхшайди.
  - Айтиб қўйинг, Баққол якшанба куни у билан кўришибгина қолмай, балки унинг ихтиёрига ўтади.
- Эртаси куни Адамас Элифга қўнфироқ қилди. Элиф кечаги тўфондан кейин соҳилга етиб келишганини, ҳозир ўзи шаҳарга озиқ-овқат харид қилгани тушганини айтди.
- Мен эртага тушдан кейин олдингизга етиб бора-ман. Сиз ташрифим ҳақида Бўронни хабардор қилиб қўйсангиз яхши бўларди, – деди мулойим овозда.
- Эртаси куни Адамас йўлга чиқди. Машинасини соҳилдан анча нарида қолдириб, чўмилиш кийими-да яхта томон тиззасидан сув кечиб борди.

Элиф эрталабдан бери Адамаснинг келишини кутди. Кечикаётганидан хавотирга туша бошлади. Кечаги тўфондан кейин у денгизда қолишини истамай қолди. Яхта томон келаётган одамни кўрганда бу Адамас эканлигини тахмин қилди. Резидент Элифни шу кунга қадар кўрмаган, унинг чехраси Лу кўрсатган сурат орқалигина таниш эди.

Қария палубада турган қиз Элиф эканига ишонч ҳосил қилгач, «мен шу ердаман» дегандек қўлини силкитиб қўйди.

Адамас юқорига кўтарилди. Қиз билан саломлашиб ўзини таништириди.

– Бўрон билан қўришсам бўладими?

– Сиз кутаётган одам хонасида дам олмоқда. Чақираими?

Бир жуфт балиқчи қуш Адамаснинг тепасидан нимадандир безовта бўлгандек чуурлашиб учиб кетди. Резидент бошини кўтариб қушлар ортидан тикилиб турди-да, кейин қизнинг саволига жавоб қайтарди:

– Дам олаётган бўлса безовта қилманг, хоним. Биз унинг уйғонишини кутамиз.

Адамас яхта қуйруғи олдига қўйилган курсига бориб ўтиради. Денгиз ҳавоси унинг кайфиятини кўтариб юборди. Яхта енгилгина чайқаларди.

– Қаҳва келтирмайми, сэр!

– Ҳожати йўқ, – қўл силтади Адамас. – Биз гаплашиб олишимиз керак.

Элиф Адамаснинг рўпарасига ўтиради. Қулоғим сизда дегандек унинг кўзларига тикилди.

– Меҳмонни зериктириб қўймадингизми? – сўради Адамас гапни нимадан бошлишни билмай. Унинг гапи тагли ва маънодор эдики, бундан қизнинг юзи қизариб кетди.

– Аксинча, ўзим зерикиб қолдим.

– Меҳмон сизнинг кўнглингизга йўл тополмадими?

- Гап бунда эмас, шунчаки меҳмон жуда одобли йигит экан.
- Ундан бирор янгилик ололдингизми?
- Ўзи ҳақида гапиришни истамади. Келганидан буён ухлайди. Афтидан чарчаган бўлса керак.
- Гапингизга қўшиламан, хоним. У ҳақиқатан ҳам чарчаган. Қолаверса, бундай осуда ҳаётни соғинган...

\* \* \*

Қуёш нури юзимга тушди. Эрталабдан буён телевизорга тикилавериб қўзларим чарчади. Пастга тушиб келаётган Элифнинг оёқ товушларини эшитиб қаддимни кўтардим.

– Сиз билан учрашадиган одам келди, – деди хонамга кириб келган қиз.

– Ҳозир олдига чиқаман!

Кийиниб юқорига кўтарилидим. Курсида ўтирган киши мени қўриб ўрнидан турди.

– Яхши дам оляпсизми, Бўронбей, – у турк тилини бир оз бузиб сўради.

Бу одамнинг турк эмаслигини талаффузи эмас, балки юзи ҳам айтиб туарди.

– Сиз билан кўришганимдан баҳтиёрман. Адамас! – у қўлинни чўзди.

– Бўрон! – дедим ўзимни таништириб.

Биз танишдик.

– Танишганимдан баҳтиёрман. Марҳамат, ўтиринг.

Адамас ёнидаги курсига ишора қилди. Ортида Элиф туарди. Адамас унга нигоҳ ташлади.

– Бизга қаҳва берсангиз, хоним.

Элиф резидентнинг мақсадини тушуниб, бизни холи қолдириш учун ошхонага тушиб кетди.

Адамас мени синчков кўзлари билан зимдан кузатди.

– Денгизда зерикмадингизми? – Адамас маъноли табассум билан менга боқди.

– Очиғини айтадиган бўлсам, мириқиб дам олдим.

– Бу кайфиятингиздан билиниб турибди.

– Кўнглимни кўтарганингиздан мамнунман.

Адамас ёнидан буқланган газета олиб стол устига қўйди.

– Чеченистондаги автобуснинг портлатилишида Покистон ва Афғонистон ҳукумати сизни айбламоқда. Газеталарда шундай хабарлар босилган.

Газетани қўлимга олдим. Унинг биринчи саҳифасида ёниб кетган автобус ва қорайиб кетган мурдаларнинг расми акс этганди. Остида портлаш ҳақида каттагина мақола ҳам берилган.

– Автобуснинг портлатилишида менинг қўлим йўқ, – дедим.

– Биламан, аммо қандай қилиб буни исботлайсиз? Ахир сиз ўн беш нафар хорижликлар орасида тирик қолган ягона одамсиз.

Мен яхшигина тузоққа тушганимга яна бир бор амин бўлдим. Ҳар қандай уринишларим, харакатларим автобуснинг портлатилиши ва унинг ичидаги ўн беш нафар одамнинг ўлимида айбсиз эканлигимни исботлай олмасди. Кўз ўнгимда қаршимдан чиқиб «автобус миналаштирилган», деб айтган одам жонланди. Бу қазо кейинчалик мени бу юртга жўнатган кимсаларнинг иши эканлигини ва айни чоғда қаршимда ўтирган одам ҳам ана шу террактга бевосита алоқадор эканлиги ойдек равshan бўлиб қолди. Мен ўзимни ўлимга маҳкум этган ва айни чоғда изимга тушган одамларнинг таъқибидан ва беш йилдан буён менга худди олаётган нафасим сингари ҳамроҳ бўлиб юрган ўлимдан қўрқиши ҳаёлимга келтирмадим. Ҳатто қаршимда турган мана шу кимса ҳам истаган пайтда мени уларнинг қўлига тутиб бериши мумкин

эканлигини ичимдан ҳис этардим. Шу аснода олис юртда қолиб кетган фарзандимни кўз ўнгимга келтирдим. «Унинг тақдири нима бўлади? Кимнинг қўлида қолади? Ота юргига қайтиб ўтадими? Ўтган тақдирда ким ҳимоясига олади? Худо кўрсатмасин, вақти келиб, улғайиб, камолга етса, жангариларга қўшилиб, тинч одамларнинг қонини тўкмайдими?»

Дилимдан ўтаётган ўйлар юзимга фаминлик соясини ташлаганини Адамас фаҳмлагандай бўлди.

– Афтидан дилингизни ранжитиб қўядиган хабар олиб келдим чофи, – деди.

– Аксинча, мени бундай хабарлардан огоҳ қилиб қўйганингиздан мамнунман. Ўзимни эҳтиёт қилиш чорасини кўришим керак. Газетада расмим босилган бўлса, айғоқчилар изимга тушишганига аминман.

– Кўп хавотирланаверманг. Бу юртда сизни ҳимоясига оладиган одамлар ҳам бор, – ўз хатосини тузатишга шошилди Адамас.

Қаршимдаги ўзига бино қўйган бу одамнинг денгиз сувидек мовий кўзларига зимдан назар солдим. Унинг кўзларидан кўп нарсани уқиб олиш мумкин. Адамас газетани дабдурустдан кўрсатиб, кичик хотога йўл қўйганини ҳам шу кўзлари фош қилиб турарди. Ахир мен ҳақимда каттагина шов-шувли мақолани босиб чиқарган газета полиция ходимларининг қўлига етиб бориши, кеч бўлса-да, унинг ҳаёлига келган бўлса ажаб эмас.

– Мен сиз айтган ҳимоячиларни қаердан излайман? – сиримни бой бермаслик мақсадида унга илмоқли савол ташладим. Сухбатдошимнинг чехрасига ёйилган хиёл табассум қон қочган оппоқ юзига қизиллик югорди.

– Улар шу ерда, ҳузурингизда, – жавоб қилди Адамас кўзларини яхтанинг биқинига урилаётган тўлқинлардан узмай.

– Наҳотки бу юртда қочок, қўли қон одамни ўз қанотига оладиган кимсалар топилса?

Адамаснинг кўзлари қисилди, пешонасида чизиклар ҳосил бўлди.

– Сиз дунёни фақат шафқатсизликлардан иборат деб ўйласангиз хато қиласиз, азизим.

Унинг мақсадини билишга бўлган қизиқиш тилимдаги кишанни ечиб ташлади.

– Ҳар қандай меҳрибонлик ва раҳмдиллик ортида қандайдир мақсад, манфаат ётади. Сиз назарда тутган одамлар қандай мақсадда мени қанотлари остига олишини билсан бўладими?

– Вақти келиб буни ўзингиз тушуниб етасиз.

Суҳбат чоғида Адамас томонидан яратиб берилган бу имкониятдан кўп нарсаларни билиб олишим кераклигини тушуниб етдим ва бир оз қўпол бўлсада, кўнглимга келган саволни бердим:

– Мен кутишни ёқтиромайман. Сиз айтган ишончли дўстларни тезроқ кўришни хоҳлайман. Шундагина ўзимни бу юртда хавф-хатарсиз эканлигимга ишонч ҳосил қиласман!

Адамас мақсадимни тушунди.

– Очифини айтсанм, қутганимдек чўрткесар йигит экансиз, – кулди у кўзларимга тикилиб. – Саросимага тушиб қолсангиз керак деб ўйлагандим.

– Менга қандай топшириқларингиз бор?

– Сизга топшириқ беришга ҳақим йўқ. Саломат бўлсангиз бас.

– Ҳар қалай бундай чиройли сўзларни айтиш ва мана бу даҳшатли хабарни олиб келиш учун келмаган бўлсангиз керак, – дедим газетага ишора қилиб.

– Майли, сиз айтганча бўла қолсин, – осонгина таслим бўлди Адамас, – лекин ҳозир айтадиган гапларимни топшириқ эмас, дўстона илтимос ўрнида қабул қилинг!

– Жоним билан, сэр. Сизнинг менга бўлган ишончнингиз каминани хавотирлардан йироқлаштиради.

– Сиз билан эрта-индин Баққол исмли одам учрашади.

– Баққол дедингизми? Ким у?

– Шу ерлик ишбилиармон, аникроқ айтсам, мана шу яхтанинг хўжайини.

– Зодагонларга хизмат қилишни жиним сўймайди! – афтиимни буриштирудим.

– Сўзимни бўлмай қулоқ солинг! – резидент совқитабий ҳаракат билан атрофга кўз югуртириди. Овозидаги мазлум бир оҳангдан, узун ва озғин қоматининг ҳаракатларидан Баққолни хаёлимда тасаввур қилишга уриниб кўрдим.

– Илтимосим шуки, сиз мен билан учрашганингизни унга айтмасангиз. Қолаверса, автобуснинг портлаши, сизни ҳимоя қилган йигитлар ҳакида ҳам ҳеч нарса демасангиз.

– Буни бизнинг ўртамиздаги мулоқотга қандай алоқаси бор? – ҳеч нарса тушунмагандек елкамни қисдим.

Адамас менинг жавобимдан мамнунлик ҳиссини туяётганини унинг кўзларидан англадим.

– Алоқаси йўқ, аммо у сизни иш билан таъминлайди. Топшириқларини бажарсангиз, кам бўлмайсиз. Кўлингиздаги паспорт билан шу мамлакатда худди ўз уйингиздагидек бемалол юраверасиз. Кўчаларда полиция тўсганда Баққолнинг хизматида эканлигинизни айтиб қўйсангиз кифоя. Улар сизни ортиқча сўроқ-савол қилиб ўтиришмайди.

Элиф қаҳва келтирди. Адамас яна нимадир демоқчи бўлди, аммо тепамизда пайдо бўлган хонимни кўриб тилини тишлади. Биз қаҳва ичиб ўтирдик. Адамас бу ерда ўзини эркин ва бетакаллуп тутарди. Ярим соатлар ўтиб ўрнидан турди. У

хайрлашиш олдидан яна бир бор бояги гапларини тақорлади. Мен унинг сўзларини жимгина тингладим ва Баққолга ҳеч гап айтмасликка сўз бердим.

– Биз ойнинг охирида холироқ жойда кўришамиз. Мабода мен керак бўлиб қолгудек бўлсам, мана бу рақамларга қўнфироқ қилишингиз мумкин! – Адамас ёнидан телефон рақамлари ёзилган бир энлик қофозни қўлимга тутқазди. – Ёдлаб олганингиздан кейин ёқиб юборинг!

Адамас темир пиллапоялардан пастга тушди ва сув кечиб келган йўлидан орқага қайтиб кетди. Унинг ортидан қараб қолар эканман, катта ўргимчак тўрига тушиб қолганимни англадим. Салгина бепарво қолсам, бу тўр ичидаги ем бўламан.

Адамас Баққолнинг қўлига бериб қўйган ногорасига мени ўйнатмоқчи бўлаётгани ойдек равшан эди.

\* \* \*

Хонамнинг эшиги тақиллади, Элифнинг чиройли чехраси кўринди.

– Ҳозиргина хабар қилишди, шаҳарга жўнайдиган бўлдик.

– Қачон?

– Ташқарида бизни машина кутмоқда! Баққолбей иккимизни тушликка таклиф қилибдилар.

Элиф чиройли кўзларини сузиб, хонамдан чиқиб кетди. Кийиниб тепага кўтаришдим. Ҳаво тиник эди, ёқимли эпкин эсарди. Соҳилда оппоқ «Бентли» турарди. Пастга тушган заҳотимиз машинадан ўрта ёшлардаги хайдовчи тушди ва олдимизга келиб:

– Машинага чиқинглар, сизларни Баққолбей кутмоқдалар, – деди.

Элиф иккимиз «Бентли»га ўтиридик. Машина филдираклари нам қумда из қолдириб шаҳар томон елиб кетди. Ярим соатлар ўтиб ҳашаматли бино қаршисида тўхтади. Бу Истанбулнинг машхур ресторанларидан бири эди.

Хайдовчи бизни ичкарига бошлади. Ресторан нимқоронги эди. Енгил қуй тараларди. Ўтирганларнинг кўпи хорижликлар эди. Хайдовчи бурчакдаги столга ишора қилиб:

– Баққолбей сизга мунтазирлар, – деди.

Тўрда олтмиш беш ёшлардаги киши ўтирарди. У бизни кўриб ўрнидан турди.

– Хуш келибсизлар, сафо келибсизлар!

Унинг таклифи билан қиз иккимиз юмшоқ курсиларга ўтиридик. Баққолбей деганлари шу экан-да, дедим унга зимдан назар ташлаб.

– Яхши етиб келдингизми, эфендим? – сўради Баққол.

– Ташаккур, – таъзим қилиб жавоб қайтардим.

– Сиз билан учрашишни анчадан буён мақсад қилиб юргандим. Келганингизни эшитиб баоят мамнун бўлдим.

– Диққатим сизда, бейэфенди.

– Менинг исмим Баққол. Туркияning машхур ишибилармонларидан бириман. Аллоҳга шукур, мана, дийдор кўришдик.

– Танишганимдан мамнунман. Не ажабки, исмингизни эшитмаган эканман.

Баққол бир зум жим қолди. У бармоқлари билан ияги остидаги бир тутам калта соқолини силаб турди-да, кейин Элифга юзланди.

– Қизим, бизни ярим соатга холи қолдирсангиз, – деди ширин такаллуф ила.

Элиф қарияга бошини эгиб, енгил табассум хадя этди-да, ўрнидан туриб хонадан чиқиб кетди. Баққол иккимиз танҳо қолдик.

– Бу табиий, – деди бир оздан кейин у. – Маълумингизким, Кенгаш аъзолари сирли равища бирин-кетин ҳалок бўлди. Амирий жаноблари менинг қўлимда жон бердилар. Ўлимларидан аввал Кенгашнинг барча хужжатларини қўлимга топшириб, бундан буёғига ишларни ўзингиз юритасиз деб васият қилдилар. Энг яхши дўстлардан бири сифатида сизнинг номингизни тилга олиб эрдилар. Камина Афғонистонга ўтганимда Башир оғадан сизни сўроқладим. У киши Чеченистонга кетганингизни билдирган эдилар.

Баққолнинг сўзларидан мени бу ерга олиб ўтиш аввалдан режалаштирилганини, автобус атайин портлатилганини тушундим.

– Башир оғанинг вафоти ҳақидаги совуқ хабарни камина Чеченистонда эшитдим. Фоят ачиндим, – дедим унинг сўзларига жавобан.

– Аллоҳ раҳматига олган бўлсин, Башир барчамизнинг яқин дўстимиз эди, Бўронбей.

– Сиз у киши билан эски танишмидингиз?

Баққол ўйланиб қолди. Финжондаги қаҳвадан ичиб, кейин менга юзланди. Унинг кўзларида саросима зоҳир эди.

– Шундай десак ҳам бўлади. Аммо кейинги олти йил давомида алоқамиз узилиб қолди. Мени кўп бор Кенгаш аъзолигига Башир оға таклиф қилганди. Бироқ Чегечи билан муносабатимиз яхши эмасди.

– Кенгашга янги аъзолар қабул қилдингизми? – сўрадим.

– Нима десам экан, бу масалани сиз билан учрашганимдан кейин биргаликда ҳал этмоқни ўйлаб юргандим.

– Номзодлар борми?

– Бор. Шулардан бири Кашмирий жаноблари.

– Кашмирий жаноблари сизнинг қўлингизда эканлигимни билсалар қандоқ бўларкин?

Баққол ўйланиб қолди. Қаршимда ўтирган бадавлат бу кимсанинг мушоҳада юритишидан, узоқни кўра олмаслигини тушуниб етдим. Ўз таъсиrimни ўтказишим мумкинлигини, агарда унинг ҳар бир сўзига соме бўлиб ўтирсан, кейинчалик тобе бўлиб қолишим равшан эди.

– Агар мен билан ҳаммаслаклиқда иш юритмоқчи бўлсангиз, Кашмирийни Кенгашга яқинлаштирмаслигингизни маслаҳат бераман, бейэфенди, – дедим ўртага чўккан жимлиқдан кейин.

– Унда мен ўйлаган режаларимни амалга оширолмаслигим мумкин.

Баққолнинг заиф нуқтасини топиб бўлгандим. Борган сари уни ўзимга ишонтира оладиган тарзда сўзлашда давом этдим.

– Бунинг йўли бор.

– Қулғим сизда.

– Кашмирийни муллажиринг билан сийласангиз бас. Пулни түққан онасидан ҳам афзал билади.

– Таклифингизда жон бор, – хаёлчан жавоблади Баққол, – яна бир масалада масалаҳатингиз керак. Аффонистонда бўлганимда мулла Умар ҳазратлари га русларнинг «Град» деган қуролидан ўн дона етказиб беришга ваъда бериб келгандим. Ҳозир у мен жўнатадиган қуролга кўз тикиб турибди.

– Қуролни жўнатишингизга нима тўсқинлик қилмоқда? – сўрадим Баққолнинг хомуш тортиб қолганини кўриб. Мавзунинг ўта жиддийлигига қарамай, суҳбатдошим гўё узоқ вақтдан буён кўришмай юрган ёронлар сингари сўзида давом этди:

– Рус ҳарбий бошлиқларига чиқа оладиган одам топиш учун бир ой вақт йўқотдим.

- Жуда қийналибсиз-да.
  - Сўраманг...
  - Топдингизми?
  - Бир танишим ёрдам берди.
  - Қойил, у руслар билан учрашган бўлса керак?
  - Шундай.
  - Жасоратли инсон экан. Бундай одам албатта руснинг тилини топа олишига шубҳам йўқ!
  - Жуда катта қийинчилик билан кўндириби.
  - Назаримда уларга анчагина маблаф ҳам сарфлаган бўлсангиз керак?
- Сухбатдошим бошини чайқаб:
- Гапирманг, Бўронбей, – деди чуқур хўрсиниб. – Юз миллионга яқин маблағим кетди.
  - Йўқотган маблағингизнинг ўрнини тез орада тўлдиришингизга ишонаман, бироқ манаман деган миллиардерлар ҳам мулла Умардек одамнинг ишончини қозона олмайди.

Баққолнинг юзи ёришди. Назаримда мен унинг кўнглига ёруғлик олиб кирадиган гапни топиб айта олгандим.

- Ақлли гап айтдингиз, Бўронбей!
- Агар мулла Умарнинг қўлига сизнинг совғангиз етиб борса, унинг энг ишончли ва содик одамига айландим деб ҳисоблайверинг!
- Мақсадим ҳам шу! «Град»ларни мулла Умар қабул қилиб олса, мени ўзининг яқин кишилари қаторида кўради. Бу биринчи масала. Иккинчи масала, мушук ҳам текинга офтобга чиқмайди деганларидек, ундан манфаатдор бўлиш умидим йўқ эмас. Биласиз, афғон далаларида наркотик моддалар керагидан ортиқ етиширилади. Афғонлар уни кимга сотишни билишмайди. Мен улардан ўша «дори»ларни арzon-гаровга сотиб олмоқчиман. Бу билан сарф

қилган маблағларим икки ҳисса бўлиб ўзимга қайтади. Бу ишларнинг тепасида ўзингиз турасиз!

– Мен қуруқ ишларга аралашишни истамайман, Баққолбей.

Қаршимдаги одамнинг чехраси ёришиб кетди.

– Неки топсак ўртада, – деди сухбатдошим. – Сиз бугундан эътиборан менинг иш юритувчимсиз. Кенгашнинг барча хужжатлари қўлингизда бўлади. Эслатиб қўйяй, биринчи галдаги топшириқ чегарадан «Град»ларни олиб ўтиш. Бу ерга келадиган йигитлар билан ўзингиз шуфулланасиз.

– «Град»ларни бу томонга олиб ўтиш ўта хатарли.

– Биламан, шунинг учун ҳам биз яширин йўлларни топишимиз керак. Одамларимдан бирини ўтган хафта Кашмирийнинг ҳузурига жўнатгандим. У Эргашнинг лагеридаги тожик йигитлардан тўрттасини юборишга ваъда берибди. Уларнинг келишини кутмоқдаман.

– Мени кечиринг, Баққолбей, – дедим қаршимдаги одамнинг сўзини кесиб, – яна такрор айтаман. Афғонистондаги бошлиқларим мени Чеченистондаги отишма чоғида вафот этган деб ўйлашмоқда. Мен уларнинг қўзига қўринсанм, сизнинг ҳаётингизни хатарга қўйишим мумкин.

– Қаричилик, Бўронбей. Сизнинг ақли етуқ инсон эканлигинги зизиб турибман. Сизга яна бир сирни очаман. Кенгашнинг фаолиятини ўзим юрита олмайман. Кексайиб қолдим. Агарда қаршилик билдирамасангиз, хужжатларни сизнинг қўлингизга топшираман. Шаҳар марказидаги идорам ҳам, иккита янги «Жип» ҳам сизнинг хизматингизда бўлади.

– Ишончингиз учун ташаккур, бейим, – дедим қўлимни қўксимга қўйиб, – аммо арзимас эътирозларим бор.

– Қулоғим сизда, Бўронбей.

– Идорангизда хозирча иш бошлай олмайман. Сабаби менинг бу ерга келганимга бир ҳафта ҳам бўлгани йўқ. Кўпчиликни танимайман. Одамларда шубҳа уйғотиб қўйишм мумкин.

– Ҳақсиз, Бўронбей. Бу ёғини ўйлаб қўриш ҳақидаги фикр менинг кекса бошимга келмабди.

– Кейин Афғонистондан ўтадиган йигитлар ишончлими, йўқми, билишим керак.

– Мен уларни сиз билан учраштираман.

– Қўришим шарт эмас, расмини берсангиз бас. Колаверса, рус генерали билан учрашган одамингиз билан гаплашиб кўрсам ёмон бўлмасди. Қуролларни олиб ўтиш мумкин бўлган йўлакларни биргалиқда ҳал қиласардик.

– Ҳозир у Тожикистонда, мен ҳам унинг келишига кўз тикиб ўтирибман. Келиши билан сизга рўпара қиласман!

Мен қаҳвадан ҳўпладим. Ўзимнинг дадил гапларим ва фикрларим билан қариянинг қатъиятини синдириб ташлагандим.

– Баққолбей, ҳозир Кенгашнинг ҳисоб рақамида қанча маблағ бор?

Мени анчадан буён қизиктирган жавобни эшитиш учун қариянинг кўзларига тикилдим. У худди муаллимнинг саволига жавоб тополмаётган мактаб ўқув-чисига ўхшаб:

– Балки гапларимга ишонмассиз, Бўронбей, Амрий жанобларидан Кенгаш ҳужжатларини қабул қилиб олаётганимда у киши менга ҳисобварафини ҳам топширдилар. Очиб қарасам атиги юз миллионга етмаган маблағ қолган экан.

– Ҳайрат! – дедим овозимни кўтариб, – олти ой муқаддам Кенгашнинг ҳисоб рақамида бир миллиард борлигини ҳамманинг олдида шахсан Амрийнинг

ўзи маълум қилганди. Шунча маблағнинг изсиз йўқолиши мумкин эмас.

Баққол довдираб қолди.

– Қасам ичиб айтаман, Бўронбей, гапимга ишонинг. Бу маблағлар сиз ўйлаганчалик изсиз йўқолиб кетмаган. Амирийнинг қўлидан чекни олаётганимда у мени маҳфий сирдан воқиф қилди. – Баққол энгашиб қулоғимга шивирлади, – унинг айтишича, тўққиз юз миллионни қимматбаҳо буюмга айлантириб Афғонистондаги форлардан бирига яшириб келган экан.

– Ким?

– Ишончли одамлари...

– Қандай буюм бўлиши мумкин?

– Буниси хозирча менга ҳам номаълум, аммо ҳазратим пулга «кимёвий қирғин қуроли сотиб олдик», деб гап тарқатган.

– Тўққиз юз миллионлик буюмни Афғонистонга яширилганидан хабардор бўлган одамлар уни истаган пайтда гуллаб қўйишлари мумкин ёки ўзлари ўғирлаб қочишади.

– Хозир улардан бирортаси орамизда йўқ...

– Кашмирий-чи? У ҳам хабардор бўлиши мумкинми?

– Йўқ, буни фақат Башир биларди. Лекин у ҳеч кимга оғиз очмай бу сирни ўзи билан охиратга олиб кетди.

– Сиз яширилган жойни биласизми?

– Чизмаси бор.

– У қўлингиздами?

– Шундай, Бўронбей. Уни ишончли жойга беркитиб қўйганман.

– Ўша чизмани кўрсам бўладими?

– Албатта кўрсатаман, Бўронбей.

– Чизма ягона нусхада эканлигига ишонасизми?

– Нега ишонмай, ҳазратим Баширга бойликни «Қора маржон»га яширдим деб айтган, аммо у «Туя довон»даги форда. Буни сиз-у мен биламиз, холос.

– Уни тезроқ бу ерга олиб ўтиш керак, акс ҳолда...

– Бирортаси топиб олади деб ўйлаяпсизми?

– Асло ундей фикрда эмасман, аммо ўзингиз биласиз, Ҳиндикуш тоғларида вақти-вақти билан зилзилалар бўлиб туради. Тоғлардан кор кўчкилари тушади. Улар фор оғзини беркитиб ташласа, очишига инсон ожизлик қиласди.. Бойлигингиз ўша ерда абадий қолиб кетади.

Баққол ўйланиб колди. Бу ҳақда аввалроқ ўйлаб кўрмаганидан афсусланди.

– Гапингиз ҳақ, Бўронбей. Уни тезда олиб ўтишимиз керак. Бироқ кимни жўнатамиз? Менинг ишончли одамларим йўқ. Балки бу ишни ўзингиз...

– Бейэфенди, ахир боя айтдим-ку!

– Ёдимдан кўтарилиби...

– Тожикистондан ўтадиган йигитлардан бирортасини танлаймиз.

– Негадир уларга ишонгим келмайди.

– Унда ўзингиз боришингизга тўғри келади...

Элиф кириб келди. Сухбатимиз шу ерда бўлинди.

Менинг хаёлимда қандай қилиб бўлмасин чизмани қўлга киритиш фикри айланарди.

## АФГОНИСТОН

Курол ўқталган одамнинг важоҳати ҳақиқатан хам қўрқинчли ва айни дамда даҳшатли эди. Уни дабдурустдан кўрган ҳар қандай одамнинг юраги сесканиб кетиши ҳеч гап эмас. Пакана бўйли, кўзлари катта. Бу кўзлар унинг бераҳм, шафқатсизлигини билдиради. Тупроқ ўтириб, асл рангини йўқотган

узун соchlари чигаллашиб бир-бирига ёпишиб кетган. Узун соқоли қисқа нафас олиб күтарилиб тушаётган кенг кўкрагигача осилиб тушган. Йўғон бўйини кир мато билан ўраб олган. Учи қизариб, яра босган бурни зўрға кўриниб туради. Кийимларини ҳам қасмоқ босган. Ёввойи одамларга ўхшаб кетарди у.

– Кимсан? – форс тилида сўради у Faфурдан. Овози жисмига ярашмаган тарзда йўғон эди.

– Дарвешман, худонинг бандаси! – жавоб қилди Faфур унинг бадбашара юзига тикилиб тураркан.

Faфурнинг қиёфаси ҳам айни пайтда нотаниш одамницидан қолишмасди. Паҳмоқ соқоли юзини қоплаганди. Кўзлари эса бир жуфт чўғдек ялтираб турарди. Шимининг бир томони тиззасигача йиртилиб қорайиб, шилиниб кетган болдири кўриниб қолганди. Куролли киши дарвешнинг юзига тикилиб қолди.

– Нега юзимга бунақа бақраясан?

У ковоқ-тумшуфини осилтириди:

– Бу ерда нима қилиб юрибсан?

– Чарчадим, дам олмоқчиман!

– Каерликсан?

– Сўроғинг қизиқ бўлди-ку. Замин-у осмон Аллоҳники, мен унинг қули бўлсам, дилимга солган жойга бораман-да!

– Олдимга туш! – буюрди нотаниш кимса Faфурдан ўзини бир оз орқага олиб қочар экан.

– Каёққа олиб бормоқчисан?

– Бу жойлар эгасининг хузурига!

– Қийнама мени, йўл юришга тоқатим йўқ... – майсалар устига ёнбошлиди Faфур.

Нотаниш бу кимса Жобир исмли қароқчининг шотирларидан эди. Ўтган йили йигитларининг са-

фига қўшиб олган, қўлига қурол тутқазиб қўйганди. Туғилган қишлоғида бу кимсанинг исмини биладиган одамни топиш анқонинг уруфини излаш билан тенг эди. Барча уни бирдек «Телба» деб атарди. Юриш-туриши, гап-сўзлари шундан дарак берарди. Фикрлаш, мулоҳаза қилишни хаёлига келтирмасди. Бироқ бошлиғига садоқати кучли эди. Унинг айтган гапини қонун деб биларди.

Илгарилари кўчаларда юрганда, одамлар орасига кирганда ёш болага ҳам қаттиқ гапирмасди. Ортидан бирор қаттиқроқ аксириб юборса қўрқиб, бақириб юборарди. Айникса, оқшом пайтлари кўчага чиқишига юраги дов бермасди. Жобир йигитлари сафига қўшиб олгач, Телба кутилмагандан барчани ҳайратда қолдирадиган даражада ўзгариб кетди. Бунга Жобир томонидан берилган дастаси йўқ автомат сабаб бўлди. У кеча-ю кундуз худди суюкли ёрини оғушида олиб ётган ошиқдай уни ўзи билан бирга олиб юради. Ётганда бағрига босади, овқатланётганда ёки хожатга чиққанда бўйнига илади. Бўш қолди дегунча мой билан артиб ялтиратиб қўяди.

Жобир Телбага ўзи эгаллаб турган худудни қўриқлашни, бегона одамлар учраса олдига олиб боришини, гапига кирмаган, итоат этмаганларни жазолашни топшириб, бир пайтлар ёнгинда қолиб, дастасининг ярми куйиб, қорайиб кетган автоматни унинг қўлига тутқазиб қўйганди.

Телба бошлиғи томонидан берилган вазифани садоқат билан, чин кўнгилдан адо этарди. Кеча-ю кундуз бўзчининг мокисидек қишлоқни айланиб юришдан чарчамасди. Одамлар орасига кириб бораётганда унинг қадамлари ихтиёrsиз холатда ўзгараарди. Автоматни атайин бир қўлида кўтариб, ўқ жойлашган магазинни юзига босиб оларди. Бу ку-

роли борлигини халққа намойиш қилишга ва айни соғда уларни ўзига яқин йўлатмасликка ишора эди. Телба ўқни аяб ўтирасди оёқлари остига отарди. Бундан завқ-шавққа тўлиб шарақлаб қуларди. Фалокат босиб, дайди ўқлардан бирортаси шўрликларнинг оёғигами, сонигами тегса, пинагини ҳам бузмай «жазосини олди, баттол» деб қўяди. Шунда ҳам ўша одам Телбанинг айтганини бажармаса, оёғига йиқилмаса, ўлпон тўлашдан бош тортса, тинчтиб қўйишдан тоймасди.

Телбанинг феъл-авторини ҳатто қўшни қишлоқ ва овулдагилар ҳам яхши билишади. У ўз ҳамқишлоқларига яхшилиқдан кўра кўпроқ ёмонлик қиласди, ситам ўтказарди. Ўлпон тўламаганларнинг уйига ўт қўйишдан ҳам қайтмасди. Ундан жабрланганлар Телбани нима деб қарғашмади дейсиз. Лекин бу қарғишлардан бирортаси унга пашша чаққанчалик таъсир қилмасди. Аксинча, баттар қутуртиради. Бойваччалар, пули уйига сифмай ётган судхўрлар, ҳеч кимга гап бермайдиган муттаҳамларнинг куни туғди. Улар Телбанинг тилини топишни жойига қўйишарди. Уни қўришлари биланоқ овқатга, чойга таклиф қилишар, қўлига беш-ўн танга бериб «Жобир ҳазратларига бизнинг саломимизни етказинг, у кишининг баҳтига сиз омон бўлинг, посбонбоши бўлганингиздан буён бирорта ўғри қишлоғимизга ораламай қўйди» деб хушомад қилишарди.

Телбанинг қўлидаги автомат оддий халқ ичидаги кўпроқ «тилга» кираради. Тупроқни эски чорифи билан тап-тап босиб, бошини баланд кўтариб, атрофдагиларнинг орасидан ёт кимсани излагандек қўлидаги автоматни силкитиб-силкитиб борарди. Мана шу қурол бир пайтлар қуш пир этса, юраги шув этадиган Телбанинг юрагига шернинг қувватини солди.

Жобирнинг топшириғи билан бугун ҳам қишлоқ худудини айланиб чиқди. Чошгоҳ чоғи кўпдан буён қишлоқ оқсоқоли ўрнини эгаллашга кўз тикиб юрган Собир судхўр Телбани меҳмонга таклиф қилиб қолди. Уйига бошлаб кирди. Тагига кўрпача тӯшади. Телба ўзига кўрсатилаётган илтифотдан мамнун бўлиб, автоматини тагига босиб ёнбошлаб олди. Дастурхонга қовурдоқ кўйилди. Таом янги сўйилган қўй гўшидан тайёрланганди. Телбанинг қорни тўйса ҳам кўзи тўймади. Овқат ҳиқилдоғига келгунча еди. Таомдан сўнг судхўр мақсадини айтди:

– Қишлоқ оқсоқоли сиз ҳақингизда яхши фикрда эмас... Фийбат қилгани қилган.

Телба аввалига донг қотди. Кейин судхўрга қизарган юзини бурди:

– Нима деяпти?!

– Посбонбошидан қуролни тортиб олиш керак деяпти.

Телбанинг феъли айниди, қовоғи осилди. У бир пастда тўнини бутунлай тескари кийиб олди:

– Менинг қуролимни-я?! Йўқ, уни бировга бермайман! Ҳеч ким тортиб ололмайди уни мендан! – деди кўзлари ола-кула бўлиб.

– Бутун қишлоқ аҳли билади, қурол сизники, аммо у ғаламис...

– Ҳозир бориб корнидан отиб ташлайман ўша ярамасни!

Телба этаги куйгандек типиричилаб қолди. Судхўр унинг елжасидан босди.

– Қизишманг, посбонбоши. Оқсоқол ҳозир қишлоқда эмас. Икки кундан кейин келади.

– Бари бир топаман! – У шаҳд билан остидаги автоматни қўлига олди. Судхўрнинг юзидан қон қочиб оқариб кетди. Бундай пайтда Телбанинг кўзига ҳеч

нарса кўринмаслигини биларди. Ўйлаганидек бўлди. Посбонбоши автоматнинг учини хонанинг бурчагига тўғрилаб тепкини босиб юборди. Бир нечта ўқ деворга санчилди. Токчадаги идишлар синиб тушди.

– Ўша ярамасни ҳамманинг олдида қорнидан отаман! У тил тортмай ўлади! Ҳо...ҳо...ҳо!

Судхўр ялиниб-ёлвориб Телбани зўрға жаҳлидан туширди. Айтган гапидан пушаймон бўлди. Қўйнинг ёғига пиширилган ошни олиб келиб олдига қўйди. Таомни кўриб Телба жаҳлидан тушди.

Судхўр ортган овқатни косага солиб, устига иккита нон босиб, белбоққа тугиб, Телбанинг қўлига тутқазди ва қўчагача қузатиб қўйди. Кўп таом еб қўйганидан посбонбошининг қорни ёрилаёзди.

– Ўша ярамасни ҳамманинг олдида отаман! – бояги сўзини такрорлади Телба кетиш олдидан қўлидаги автоматни боши узра кўтариб.

– Фақат бу гап менинг оғзимдан чикқанини зинҳор унга айта кўрманг, посбонбоши! – ортидан қичқириб қолди судхўр.

Телба ҳансираф зўрға қадам босарди. Еган овқати ҳиқилдоғида турарди. Шу кетишида тўғри оқсоқолнинг уйига қараб йўл солди. «Ўзи бўлмаса хотини бор, болалари бор, мен уларнинг оёқларига отаман, ҳаммалари ўйинга тушади. Қурол меники, уни ҳеч ким тортиб ололмайди» дея валдираганча, автоматни маҳкам бафрига босиб бораарди. Йўлда ҳеч ким учрамади. Унинг fazab чақнаган кўзлари анча нарида кетаётган одамга тушди.

«Ким бўлди у?»

Телба нотаниш одамнинг ортидан пойлаб борди. Тасодиф уни Faфур билан шу тарзда учраштирганди.

– Нега иштонини ҳўллаб қўйган одамдек жоингда тошдек қотиб турибсан? Қани, бўлақол, ол-

димга туш! – деди кекириб Телба. – Мен сени Жобир оғанинг ҳузурига олиб бораман. Нотайин одамлар учун менга янги автомат беришга ваяда берган.

– Менга тегма, худонинг бандаси! Нонинг бўлса ташлаб кет, очман, ҳақингга дуо қиламан!

Телба қўлидаги овқат солинган идишни худди нотаниш кимса тортиб оладигандек маҳкам қучоқлаб олди.

– Шу пайтгача менинг гапимни ҳеч ким икки қилмаган! Бўл, олдимга туш. Йўқса, қорнингга мана бу ўқни жойлаб қўяман.

Faфурни бирор қурол ўқталиб қўрқитолмаган. Ҳар қандай одамни қуролсизлантириш усулларини яхши ўзлаштирган. Ҳозир ҳам ўтирган жойида бир ҳамла билан телбанинг автоматини тортиб олиши мумкин. Бироқ яқин атрофда шериклари бор-йўқлигини аниқ билмайди.

Телбанинг тоқати тоқ бўлди. Қурол отишга шай эди. Тепкини босди. Бир нечта ўқ Faфурнинг оёғи остидаги майсаларни титиб, тупроқни тўзғитиб ташлади. Faфур ўрнидан туриб, чўғ устида тургандек сапчиб:

– Бас қил, худонинг бандаси! – деб қичқирди. Шу баҳона телбага яқинлашди.

Телба оғзини катта очиб қулди.

– Қалайсан? Қани, айтганимни қил, олдимга туш!

– Худонинг қаҳрига учрагур, мени отиб қўйишининг га сал қолди-я!

Faфур оқсоқланиб йўлга тушди. Иккиси анҳор ёқалаб майсалар устидан юриб, қишлоқ томон кетишиди.

Faфур ишонч ҳосил қилди: Телба ёлғиз, шериклари йўқ.

У пайт пойлаб ўтирмади. Қулоқларига чалина-ётган қадам товушларидан телбанинг изма-из кела-ётганининг ҳисобини олди. Одимиини секинлатиш

лозим эмасди. Айланса бас, темирдек оёқлари телбанинг жафига тегади.

Олдиларидан кўприк чикди. Шунда Faфурнинг чап оёғи харакатга келди. Телба жафига тушган зарбадан тўнтирилиб тушди. Бир муддат ётган жойида кесакдай қотди. Faфур автоматни, кейин тугунни олди. Косадаги ошни еди. Беш дақиқача ўтиб, телба ҳушига келди, кўзларини очди. Ўтлар орасини пайпаслаб қуролни ахтарди. Эмаклаганча, атрофни айланди, тополмади. Кўзи нарида ўтирган Faфурга тушди. Автомат унинг қўлида турарди. Телба не қиларини билмай каловланди.

– Куролимни бер! – деди ниҳоят йифлагудек бўлиб.

Faфур индамади.

– Куролимни бер дедим сенга! У меники!

– Саволимга жавоб берсанг, автоматингни оласан!

– жавоб қайтарди Faфур зорланиб турган Телбага.

– Нимани сўрайсан?

– Жалолободга элтадиган йўлни кўрсат!

– Аввал автоматимни бер. Усиз мен ҳеч қаёққа кетолмайман!

Телбанинг қути ўзгарди. Дайди итдек қўллари билан майсаларни чангллади. Катта ва ярим тишлари тўкилиб тушган оғзидан сўлаги оқди. Вужуди билинчлигини қалтиради.

– Куролимни бер, анқов! – йифлагаб юборди пошибонбоши. – Уни олиб қўйсанг қишлоқдагилар мендан қўрқишимайди, ҳамма телба деб устимдан кулади, овқат бермайди. Одамлар уриб ўлдиради!

– Жалолободга элтадиган йўлни кўрсат! – такро-ран сўради Faфур.

– Кўрсатаман, ўзим довонгача кузатиб бораман!

– Тушунтириб қўйсанг бўлди, ўзим кетавераман!

Телба майсалар устига ўтириб олди ва қўли билан қорайиб турган тепаликка ишора қилиб:

– Хув анови довондан ошиб ўтсанг, Жалолобод кўринади. Ораси яқин... Энди автоматимни қайта-риб бер. У меники... – деди.

Фафур унга қурол нега зарурлигини тушуниб ет-ганди. Йўлга чиқиш мавриди келди. Ўрнидан турди. Телбанинг юраги пўкиллади.

– Ҳой, дарвеш, қуролимни ташлаб кет! Йўқса, шу ерда отиб ташла!

Фафур тўхтамади. Телба ҳиқиллаб унинг ортидан эргашди. Оғзидан «қуролимни ташлаб кет» деган сўз тушмасди.

Фафурнинг Телбага раҳми келди. Тўхтади, унга тикилди. Кейин қўлидаги автоматни сувга ташлаб юборди-да, йўлида давом этди.

Телба сувга тикилганча турган жойида гир айланниб, «қуролим» деб бўзлади. Унинг борлигини тамомила бошқача ҳаяжон қоплаган эди. У ҳамон анхор ёқасида гир-гир югуриб сувга тушиб кетган автоматни олиб чиқишни ўйлар, жазаваси тутиб йиғлар, қалтирап эди. Бирдан кийимларини ҳам ечмасдан ўзини сувга отди. Анхор чуқур эмас. Телбанинг бўйнидан келарди, лекин суви совуқ, пишқириб оқади. Телба оёқлари билан қуролни ахтарди. Бироқ оёқларига хеч нарса урилмади.

Сув ичида узоқ қолиб кетди. Совуқ баданини чаёндек чақди. Ҳамон хўрсиниб-хўрсиниб йиғларди. Телбанинг болаликда орттирган тутқаноқ дарди бўлиб, гоҳи-гоҳида қўзиб қолади. Айнан бу дард совуқда ва сувда хуруж қилиб қоларди. Ҳозир ҳам вужуди қалтираб, пайлари тортиша бошлади. Шунда ҳам у сув ичидан чиқишни хаёлига келтирмади. «Қуролим қаерда? Усиз мен қишлоққа қайтиб бо-

ролмайман, одамлар телба деб мени масхара қиласы. Ҳеч ким айтганимни қилмайды, бирор овқат бермайды. Очимдан шишиб ўламан...» деб, автоматни ахтараверди. Бирдан оёқлари билан автоматни босиб олганини сезди. Телба қичқириб юборди.

– Топдим! Топдим!

У сув остига шўнғиди, адашмаганди. Автоматни олиб чиқди ва боши узра баланд кўтариб овозининг борича аста-секин қоронгилик қаърида кўзга кўринмай бораётганFaфурнинг ортидан «Топдим! Топдим!» дея қичқирди. Бироқ унинг овозини кетиб бораётган йигит эшитмади.

Икки қўли билан автоматни бошидан баланд кўтариб олган Телба тўши билан оқин сувни ёриб қирғоқ томон юрди. Кутимаганда боши айланди, кўзи тинди. Оғиздан кўпик келди. Бадани қалтирай бошлади. У на юришни, на қўлидаги автоматни соҳилга улоқтиришни билмай туриб қолди. Сувдан чиқиб олишга ҳали имкон бор эди. Қўл чўзса, қўллари тизза бўйи ўтларга етарди. Уларга тирмашиб тепага чиқиб олиши мумкин. Бунинг учун икки қўли билан маҳкам чанглаб олган автоматни ташлаб юбориши керак. Телба буни истамади. Кимдир пойлаб тургандек, уни олиб қочиб кетадигандек эди. Тутқаноқ яна хуруж қиласы. Телба караҳт бўла бошлади. Шунда ҳам қуролни ташламади. Бирдан ер осмонга, осмон эса ерга тушиб кетгандек бўлди. «Қурол менини. Ҳеч кимга бермайман, усиз мен ҳеч ким эмасман, очимдан шишиб ўламан» деган сўзлар қотиб бораётган тишлари орасидан сирғалиб чиқди. Посбонбошининг сўнгги сўзи бўлди бу. Оқим уни домига тортиб оқизиб кетди...

\* \* \*

Фафур тонг ёришмай Жалолободга етиб келди. Ярим тунда портлаган бомба бир нечта уйларни вайрон қылган. Шаҳар бу кеча ҳам оромини йўқотган. Ёниб қулга айланган уйлардан кўкка қора тутун ўрларди. Осмонни ачимсиқ хид тутганди. Кўли эгри кимсаларнинг куни туққанди. Улар кўчада изғиб юришарди. Бозорларни, дўконларни талашарди.

Фафур бундай шароитда шаҳарга кириб боролмасди. Овлоқ жойларда, одамларнинг кўзига кўринмай, тонг отишини кутиш лозим. Топшириқ ҳали аниқ эмас эди. Маҳмудов «Жалолободга борганингиздан кейин сиз билан боғланамиз», деб айтган. Шаҳарга келгани хақида уни хабардор қилиш керак. Мўлжалдагидан икки-уч кун кечикди. Полковник унинг қўнғирофини кутаётган бўлиши керак. Бунинг учун қўл телефони сотиб олиш керак.

Фафур толиққанди. Тонг отишига камида икки соат бор. У чала қурилган вайрона бино ичига кирди. Шу ер тинчдек туюлди унга. «Бир оз мизғиб олсан рухим тетиклашади» деб ўйлади. У бошини фиштга қўйиб, тупроқ устига ёнбошлади. Кун ёйилганда уйфонди. Олдида турган пакетга кўзи тушди.

«Нима бу?»

У пакетни хушёрлик билан очди. Ичидан бир дона қўл телефони чиқди. «Ким ташлаб кетган бўлиши мумкин? Унинг Жалолободга келишидан фақат Маҳмудов хабардор эди. Бу унинг одамларининг иши. Наҳотки изма-из кузатиб келаётган бўлишса? Бу ишончсизликнинг белгисими?»

Фафур Маҳмудовнинг телефон рақамларини терди. Узоқ ҷалинган гудокдан кейин полковникнинг овози эшитилди.

– Мен шаҳарга етиб келдим!

– Овозингизни эшитганимдан хурсандман!

– Топширифингизни кутяпман!

– Икки кун бурун Бурхониддиннинг одамлари Жавлонни номаълум томонга олиб кетишган. Биздаги маълумотларга қараганда, уни хорижга жўнатиб юборишиган.

– Энди орқага қайтишим керакми? – аччиқланиб сўрадиFaфур.

– Аксинча, иккинчи топшириқни бажарасиз. Тоҳардан (Жалолобод вилоятининг маркази) жа-нуб томон юрасиз. Кўҳихун қишлоғи бор. Ундан йигирма чакирим наридаги тепаликка кўтариласиз. У ерда асосан қароқчилар яшайди. Ўша ерда ўнлаб форлар мавжуд. Уларнинг ичиди «Қора маржон» деб номланган форни топасиз. Биздаги маълумотларга қараганда, Амирий хориждан сотиб олган кимёвий қирғин қуролларини шу ерга беркитган. Бундан фақат Баққол хабардор бўлган деб ўйлардик. Кашибирий ҳам хабар топган. У бу ҳақда инглизларга гуллаб қўйган. Қуролнинг изига улар ҳам тушган. Ҳозир форга етиб борган бўлишлари ҳам мумкин. Топшириқ: қуролни топиш, заарасизлантириш. Ҳар қандай ҳолатда ҳам уларни Амирий ёки инглизларнинг қўлига тушиб қолишига йўл қўймаслик. Кўҳихундан алоқага чиқиб бўлмайди. Бораётган йўлингизда ҳар юз қадамда катта тошларга кичкинагина чизиқча чизиб қўйинг. Саволлар борми?

– Тушунарли!

Faфур зиммасига оғир ҳамда масъулиятли топшириқ юкланганини яхши тушунади. Яrim ёввойи қабила яшайдиган қишлоқقا бориб форни, кейин қуролни топиши керак. Бу осон иш эмаслигини Faфур яхши билади. Кўҳихун қишлоғида бўлмаган, аммо у ерда яшайдиган одамлар ҳақида,

уларнинг гўштини ейишари тўғрисидаги гап-сўзлар қулоғига чалинган.

Faфур бир неча кун тошлар сахро-ю даштларни кезиб, очлик азобини бошидан кечириб зўрға манзилга етиб келди. Сел, тошлар кўчкиси, тўфон, илон ва бўрилар чангалидан омон қолди. «Қора маржон» форига бориш ўша кулфатлардан беш баттарлигини сезиб турибди. Тангрига қилган илтижолари ижобат бўлди. Яратганнинг синовидан ўтди. Қилган жамики гуноҳлари афв этилганини англади. Самолётнинг ичида зор-зор йиғлаб, «қолган умримни яхшиликка, эзгуликка, тинчлик йўлига бахшида этаман» деб онт ичди. Ўша қасами ҳозир қулоқлари остида яна бир бор жаранглади.

Хар қандай нарсанинг яхши-ёмон томони бўлганидек, айни чоғда Faфурнинг кўнглига туман мисоли ёмон ўйлар ёпирилиб кира бошлади. Қулоғига кимнингдир иссиқ нафаси урилди. У паст овозда шивирлади: «Бас, у томонларга бора кўрма, у ерда сени ўлим кутмоқда. Шу ерда қол. Дунёга азоб-уқубат чеккани келмагансан. Роҳат ва фарофатли қунлар энди бошланади. Бошлиғингга йўлдан адашдим, форни тополмадим десанг вассалом, сўзингга ишонади. Акс ҳолда йўлда итдек ўлиб кетасан. Жасадингни қарға-ю зоғлар талаш қиласди. Қайт... қайт»...

Насихат қилган зот ким бўлди? Наҳотки шу ерларда унинг жон азобида қийналганини, ажал оғзидан қайтганини билган, кўрган, муҳими унинг жонига ачинадиган меҳрибон бўлса? Бу гаплар Faфурнинг нафакат қулоғига, балки вужудига ором берди. Танаси яйрагандек бўлди. Бошини тошга қўйиб ухламоқчи бўлди. Бирдан хаёлига Телба келди. Кўзлари мошдек очилди. Чўчиб тушди. «Аллоҳ кўрсатмасин, бундай қирғин қуроллари мабодо ўшанга ўҳшаганларнинг қўлига тушиб қолса борми, обрў бир бурда

нон деб оламга ўт қўйишдан, ер юзидағи инсониятни қириб ташлашдан қайтмайди».

– Йўқ! – деди Faфур овозини чиқариб, – энди мен йўлимдан қайтмайман!

Faфурнинг вужудида файритабий куч уйғонди. У ўрнидан турди ва жаҳд ила Кўҳихун қишлоғи томон йўл олди.

\* \* \*

Адамас Лондондан маҳсус топшириқ олди.

– Биз яқинда Жонсни маҳсус топшириқ билан Кўҳихун тоғига ташладик. Бироқ ундан шу кунга қадар дарак йўқ. Сиз зудлик билан ўз ходимларингиздан бирини у ерга жўнатинг. Жонсга нима бўлганини аниқласин. Агар жангарилар қўлига асир тушган бўлса, уни қутқариш йўлларини излаб топсин.

– Координатани маълум қилинг, сэр!

Лондондагилар Жонс юриши керак бўлган барча йўлларни тушунтиришди. Кейин унинг қандай мақсадда борганини ҳам айтишди:

– Кийинчиликка дуч келган тақдирда Жалолободга борсин ва Бурхониддин билан учрашсин.

– Хотиржам бўлинг, сэр, – деди бунга жавобан Адамас, – мен эртагаёқ ходимларимдан бирини Тоҳарга юбораман. У топшириқни албатта, бажаради!

Адамас топшириқни олган заҳоти «Тоҳарга кимни жўнатиш мумкин?» деган савол устида узоқ бош қотирди. Резидентнинг қўл остида олти нафар ходим бўлиб, уларнинг барчаси форс ва пуштун тилларидан яхши хабардор бўлиб қолмай, балки қайсиdir жиҳатлари билан маҳаллий халққа ўхшаб кетадиган йигитлар эди. Адамас улар орасидан Луни танлаб олди.

Лу Адамаснинг яқин ёрдамчиси ва ишончли ходими бўлса-да, Баққолнинг ҳамёнидан ўн милли-

он долларини усталик билан сууриб олиб унинг кўлига топширганидан кейин «Қачондир оғзидан гуллаб кўяди» деб шубҳаланиб юрарди. Боз устига, Мустафони денгиз сафарига олиб чиқиш тўғрисида берган топшириги ҳам шу кунга қадар бажарилмади. Лу эса ҳозиргача ўз бошлиғига қорасини кўрсатмай юрибди. Очифи, Лу Мустафонинг қони билан қўлини бўяшни истамади. Иккиси биргаликда икки йилдан кўпроқ ишлашди. Мухим маълумотларни айнан ундан олиб турди. Унвонининг муддатидан олдин ошишида ҳам айнан Мустафодан олган маълумотлар асқотди. Иккисининг ўртасида ишдан ташқари дўстлик муносабати ҳам кучли эди.

Бир гал денгиз сафарига чиқишганда Луни сувга фарқ бўлишдан асраб қолган. Жонига оро кирган бундай одамнинг кўзига боқиб, денгизга чўқтириб бўладими? Ўлим олдидан Мустафо унинг кўзларига боқишига куч топа олади, аммо Лу бунга бардош бера олармикин? Лу халоскорини қочириб юборишга қарор қилди. Бу ҳақда учрашганларида таваккал қилиб унга очилди:

– Зудлик билан бу ердан кетишинг керак!

Мустафо сабабини сўраб ўтиrmади. Кўнгли қандайдир ёмонлик рўй беришини сезди.

– Шунчалик тезми? – сўради кўзларида хавотир акс этган Мустафо.

– Яшашни истасанг шошил!

– Бир умргами?

– Камида икки йилга! Кейин сени ўзим топиб оламан!

Мустафо бошқа савол бермади. Ўша кеча ўз уйида илк бор хавотирга кўмилиб, ёстигининг остига болта қўйиб ётди. Назарида кимдир уйқусини пойлаб эшик ортида тургандек, кўзи илинган заҳоти ич-

карига бостириб ўлдириб кетадигандек туюлаверди. Тонг ёришар чофида болалиги кечган, деворларида ота-онасининг қўл излари қолган кулбасини тарк этиб, бошқа шаҳарга жўнаб кетди.

Лу қачондир бошлиғи чақириб «топшириқ нима бўлди» деб сўрайдиган бўлса, Мустафонинг бедарак йўқолганини айтаман деб ўйлаб юрган қунларнинг бирида Адамас телефон қилди.

– Тезда ҳузуримга етиб келинг! – буюрди Адамас гапни қисқа қилиб.

У йўлга чиқди. Ярим соат ичидаги бошлигининг рўпарасида турарди.

– Кобулга жўнайсиз! – деди Адамас эътиrozга ўрин қолдирмай.

Таклиф Луга худди бошидан совуқ сув кўйгандек таъсир қилди. У Афғонистонга жўнатишларини ҳеч қачон кутмаган ва буни истамасди ҳам.

– Сэр...

– Бу марказнинг топшириғи.

Лунинг тили айланмай қолди. Адамас ходимига керакли топшириқларни берди. Айтилган манзилга қандай етиб боришни тушунтирди.

– Мен кимёвий қуроллар билан ишламаганман, сэр.

– Сизнинг вазифангиз қуролни топиш. Қолган ишни сиздан кейин борадиган одамларимиз бажаришади.

– Сэр, мени кечиринг. Савол берсан бўладими?

– Албатта!

– Нега айнан Амирий пойтахтдан бир неча юз чақирим олисдаги Ҳиндикуш тоғларига туташиб кетган қишлоқдаги форга кимёвий қуролларни яширган, деб ўйлайсиз?

– Саволингиз ўринли, азизим. Сизга мен энди очиғини айта қолай. Сиз борадиган форга Амирий

кимёвий қурол яширганига раҳбарлар шубҳа билан қарашмоқда. Улар одамларимизни айнан шундай қуролларни ишлаб чиқарадиган мамлакатларнинг барчасига ташлашди. Айғоқчиларимиздан ишончли маълумотларни тўпладик. Улар биз шубҳаланган мамлакатлардан кимёвий қурол олиб чиқиб кетилмагани ҳақида ишончли маълумотларни жўнатишиди. Демак, Амирий Баққолга кимёвий қуролларни яширдим деб сўз ўйини қилган. У Кенгашнинг қаҷондир бўладиган йиғилишида айнан шу ҳақда гапириши мумкин. Унда қатнашадиган одамлар орасида форга қурол эмас, катта микдорда маблағ беркитилганлигини тушунадиган одам бўлиши мумкин. Бундан ташқари, Амирийни кимёвий қуроллар қизиқтирумаган. Шундай бўлгач, у Кенгашга тегишли бўлган тўққиз юз миллион маблағни мана шу форга яшириб қўйган.

– Нега Амирий Кенгашга тегишли бўлган маблағларни айнан Афғонистонга олиб ўтиб яширган, деб ўйлайсиз, сэр? – сўради Лу. – Ахир у бойликларни бошқа давлатларда, айтайлик, ўз юритида сақлаши ҳам мумкин эди-ку. Тўққиз юз миллионни беркитадиган төшик топиларди.

– Ҳақсиз, Лу, – деди Адамас бармоқлари билан иягини силаб. – Биринчидан, Амирий Доҳада келгинди. Истаган пайтда бирор айб билан ёки унинг Афғонистондан наркотик моддаларни яширинча дунёнинг қора бозорларига олиб чиқиб сотаётган исботланса, мамлакатдан бадарға қилишлари тайин. Бу уларнинг қонунида зикр этилган. Модомики, шундай ҳол содир бўлса, Амирий қайси мамлакатдан паноҳ топади? Албатта, у Афғонистонга қочади. Буни ўзи ҳам яхши билган. Башир билан муносабатининг яхшилигига сабаб ҳам шу. Бундан ташқари, у наркотик моддалардан оқиб келаётган маблағнинг

маълум қисмини толибонлар бошлиғига пора та-риқасида бериб турган. Умарнинг шу пайтгача қўл-лаб келиши сабаби шу. Айнан Кўхихун қишлоғида-ги одам кирмайдиган ва маҳаллий халқ томонидан илоҳийлаштирилган форнинг танланишига сабаб эса уруш бўлаётган жойлардан йироқдалиги. Қишлоқ одамлари ярим ёввойи. Уларни бойлик мутлақо қи-зиқтиrmайди. Тирикчилиги ўтса бас.

– Амирийнинг фор ичидағи бойлиги Кашмирийнинг қулогига етиб борган бўлса, улар аллақачон форни тин-тиб чиқишгандир!

– Гапингизга қўшилмайман, Лу. Бизнинг ютуғи-миз шундаки, Кашмирийга қурол қайси форга яши-рилганлиги маълум эмас. Боя айтганимдек, бу қи-шлоқ Хиндикуш тоғларига тулашиб кетган. Ҳар қа-дамда катта-кичик форлар учрайди.

– Сэр, – деди Лу юрагига умид бахш этувчи савол-лар хаёлига келганидан хурсанд бўлиб. – Саволим ўринсиз бўлса узр сўрайман...

– Сўрайверинг Лу, мен иш юзасидан бериладиган ҳар қандай саволга жавоб қайтаришга тайёрман.

– Мабодо мен форни топсам-у, у ерда ҳақиқатан ҳам кимёвий қурол чиқиб қолса-чи?

– Бу янада соз бўлади! Одамларимизни зудлик билан у ерга жўнатаман. Қуролни топган заҳотимиз мулла Умарни хабардор қиласиз. Бу унинг душман-лари томонидан толибонларга қарши қурашаётган кучларга етказиб бериш учун тайёрлаб қўйилган қурол эканлигини таъкидлаймиз. Кўриб турибсиз-ки бу билан мулла Умар олдида ўзимизнинг мавқе-имизни янада ошириб оламиз. Мулла Умарнинг ҳам халқаро майдондаги обрўи ошади. Агар ҳақиқатан ҳам биз ўйлаганимиздек маблағ бўлиб чиқса, кейин-ги ҳаётимиз қандай кечишини кўз олдингизга келти-раверинг.

Лу бошлигининг фикрини ўзгартира олмаслиги-ни тушунди ва чуқур ўйга толди. Унинг кўз ўнгидан тоғ-у тошлар, йўлдаги азоб-уқубатлар ўтди...

– Кўлга тушиб қолишим мумкин, сэр, – унинг овозида титроқ бор эди.

– Ҳамиша ҳимоямиздасиз, биз сизни кузатиб турдамиз.

Адамаснинг гапи Лунинг қалтираётган юрагига кувват бўлди.

– Қачон йўлга чиқишим керак? – паст овозда сўради умидлари саробга айланаётган Лу.

– Индинга Покистонга самолёт бўлади, сиз учун чипта буютириб қўйганман. У ердан Пешоварга ўтасиз. Пешовардан эса Кўхихунгача яёв юрасиз. У ерга машинада бориб бўлмайди. Қишлоқ тоғнинг тепасида жойлашган.

– Жўнаш олдидан ўзимнинг баъзи ишларимни баҷариб олишимизга рухсат берарсиз, сэр?

– Лу, бизнинг ишимиизда бўш пайтнинг ўзи бўлмайди. Сиз хозироқ Баққолнинг олдига бориб, у билан суҳбатлашишингиз керак.

– Қандай мавзуда?

– Унга юрtingизга жўнаб кетаётганингизни маълум қилинг. Рус ҳарбийлари билан алоқага чиқадиган ишончли одам топилганини айтасиз ва унинг телефон рақамларини берасиз.

– Сиз айтган ишончли одам топилгани йўқ-ку, сэр?

– Уни аллақачон топиб қўйганман, азизим. – Адамас ёнидан телефон рақамлари ёзилган қофозни олиб Лунинг қўлига тутқазди. – Бу қофозни Баққолга беринг. Ўзи унга телефон қилса, ўша пайтнинг ўзидаёқ туркнинг ҳузурида бўлади.

Лу қофозни қўлига олди ва ўрнидан турди. Унинг кетадиган пайти бўлганди.

## ЮРТДА

Полковник ходим келтирган ахборотларни дикъат билан эшитди. Қабрни бузганлар жасадни тобутга жойлаётганда қимматбаҳо буюмларними ёки наркотик моддаларними яшириб қўйишган ва қачондир келиб, уни олиб кетишини режалаштирганини тушунди. Демак, тобутнинг ичи қуруқ эмас, унинг ичидаги жасад бўлган. Ёнилғи олиб келиш мақсадида йўлга чиққан аскарларнинг шахси маълум. Ўлганлар ҳамда асир олингандарнинг шахси маҳсус комиссия томонидан ўрганилган. Уларнинг янгилишиши мумкин эмас. Тобутлар муҳрланган ва рақамланган. Ҳар бири кузатувчилар ҳамроҳлигига манзилига жўнатилган. Мудофаа вазирлигидан берилган маълумотномада жангда ҳалок бўлган аскарлардан иккитасининг тобутини очишга руҳсат берилмаган. Сабаби маҳфий ҳужжатларга ёзиб қўйилган. Шундай бўлгач, Қодирнинг жасадини темир тобутда олиб келган. Ҳарбийларнинг айтишига қараганда, у турган жойга снаряд тушган. Аскарнинг танаси бўлакларга ажралиб кетган. Тобутни очишга руҳсат беришмаганига сабаб шу.

Қодирнинг ўлганига яна бир бор ишонч ҳосил қилган полковник жангариilar томонидан жўнатилган расмларнинг сохта эмаслигини инкор этишга асос топа олмай боши қотди. Расм Баҳодирхонни қўрқитиши ўли билан бойлигини тортиб олиш мақсадида юборилган бўлиши табиий. Уни сўнгги бор кўрган Faфур ҳам суратдаги йигитнинг Қодир эканлигига шубҳа қилмоқда. «Юзида тиртиқ бўлмаган». Жангариilar пул ишлаш мақсадида ўхшаш қиёфалардан устомонлик билан фойдаланишган». Полковникнинг кўнглидаги шубҳа Қодирнинг ўрта мактабни битириш чоғида олинган сурати билан

армияга чакирилиш арафасида тушган суратини таққослаш асносида пайдо бўлди. Бу кўпроқ юз қисмидаги белгиларда эди. Экспертларнинг маълум қилишича, бурун остки қисмининг кенгайғанлиги, кўзларининг хиёл қисилганлиги аввалги суратларга таққослаганда фарқ қилди. Шундай бўлса-да, мутахассислар Афғонистондан келган суратни қалбаки деб аниқ айтольмай, «Йилларнинг изи, организмдағи ўзгаришлар, у ернинг об-ҳавоси, иқлими, истеъмол қилган озиқ-овқатлар, тинимсиз эсиб турадиган гармсел натижасида бўлиши мумкин», дейишиди холос. Бироқ Зулайҳо-чи? Нега жонига қасд қилди? Севгилиси ўлгандан кейин бошқа йигитга турмушга чиқиб кетиши мумкин эди-ку? Ҳаётда бундай воқеалар кўп. Оддий қишлоқ қизи қирқ икки кун қаерда ва ким билан қолган? Ҳомиланинг отаси ким? Кўлидаги қимматбаҳо узук ким томонидан тухфа қилинган? Севган йигитига хиёнат эвазига тақилемими бармоқларига? Яқин атрофда бўлганида кимдир кўрган ва билган бўларди. Капитан айтмоқчи, у олисга кетган бўлса-чи? Қишлоғидан четда яқинлари йўқ. Бекарор ошиқнинг қўлига тушиб, унга эргашиб кетганда, ўша томонларда қолиб, қайтиб келмаган бўларди. Бўлиб ўтган кўнгилхушлик эвазига ошиқнинг ўн миллион сўмлик узук совфа қилиши ақлга сифмайди. Ёки узук соҳтами? Бриллиантнинг тозалигига ким кафолат беради? Дарвоҷе, экспертиза Қодирнинг сурати 1990 йилларда олинган деб хулоса берди. Зулайҳо эса айнан шу йилнинг эрта баҳорида уйидан чиқиб кетган. Улар учрашмадимикин? Учрашган бўлса қаерда?

Бу икки савол полковникни анча хушёр тортириди.

Чувалашиб бораётган ўйлардан бошининг икки чеккасида турган санчиқли офиқдан безовта бўлган

Махмудов охири берк кўчага кириб қолганини англади. У жавоби топилмайдиган ўйларни хаёлидан қувишга уринди-ю, бироқ «Сурат 1990 йилда олинган, Зулайҳо эса айнан шу йилнинг эрта баҳорида уйидан чиқиб кетган» деган фикрдан қутула олмади.

Кутилмаганда полковникнинг хаёлига келган савол тили учиди кўп айланди. Ҳамиша фаразни ва шу фараз атрофида топиладиган ҳақиқатларни яхши кўрадиган Махмудов энди савол гирдобига фарқ бўлди. «Ҳақиқатан ҳам шундай бўлса-чи? Унда ошиқлар қаерда учрашган? Кимдир уларнинг учрашувидан огох бўлиши керак». Полковник дилидан ўтказаётган фикрлар ўзига бачкана бўлиб туюлди. Полковник хаёлан йигит билан қизни учраштириб қўйганидан хижолат ҳам бўлди. Одамнинг миясига нималар келмайди деб дилидан ўтказди.

Полковникнинг кўнглидан кечаётган ўйлардан бехабар ходим:

- Қабрни очишимизга тўғри келади. Шунда бошимизни қотираётган саволларга жавоб топилади,
  - деган таклифни ўртага ташлади.
- Тобутда Қодирнинг жасади бўлса-чи?
- Унда биз текширишларга нукта қўямиз.

Хужжатларни архивга ташлаймиз.

- Борди-ю, жасад бўлмаса-чи?
- Унда Қодир тирик!
- Ҳамма гап шунда. Агар тирик бўлса, унинг қаерда ва кимлар билан юрганини аниқлашимиз кепрак. Топмагунча тинчимаймиз.
- Бизда қабрнинг очилганини тасдиқловчи гувоҳлар бор.
- Гувоҳлардан бири жасадни эмас, тобутни кўрган. У қабр очилганига ва кўмганига гувоҳлик беради. Иккинчиси қабр бошига келган кимсаларни кўр-

ган. Зайтуллаев қабр ичидан нима олиб кетилганини билмайди.

– Прокурор экспертиза ўтказишга санкция беришга қаршилик кўрсатмас, – полковникнинг мақсадини тушунмай сўради ходим.

– Санкция олиш мумкиндири, бироқ раис розилик берармикин? Ҳозир унинг вилоятда, мамлакатда обрўси юқори. Депутат, қолаверса, хорижда танишлари кўп. Салгина хатога йўл кўйсак, «Менинг Афғонистонда қаҳрамонлик кўрсатиб, ҳалок бўлган фарзандимнинг қабрини очишиди. Унинг вафот этганига шубҳа қилишмоқда», деб дунёга жар солишдан қайтмайди.

– Ётиғи билан тушунтирамиз.

– Баҳодирхон тушунадиган одамлар хилидан эмас, салгина хатоликдан устомонлик билан фойдаланади. Лекин қабрни очмасликдан ўзга чорамиз ҳам йўқ. Қабр очилганда барча шубҳаларга нуқта қўйилади. Раис билан ўзим учрашаман, тушунтиришга ҳаракат қиласман. Рози бўлса санкция оламиз.

– Менга қандай топшириқ бор, ўртоқ полковник!

– Сиз Олтинтопар қишлоғига бориб, Зулайҳонинг онаси билан учрашинг, унга тушунтиринг. Узукни беш-олти кунга бериб турсин. Экспертизадан ўтказиб қайтариб берамиз. Олдига ўзингиз ёлғиз кирманг. Маҳалла фуқаролар йиғини раиси ва маҳаллада эътиборли бўлган аёллардан уч-тўрттасини ёнингизга олинг. Биргаликда тушунтирсаларинг кампир рози бўлиши мумкин. Кейинги ишлар экспертизанинг хулосасига боғлик.

Топшириқни олган ходим қишлоқقا жўнади.

Ходим эрталаб маҳалла фуқаролар йиғини раиси ва иккита аёлни олиб кампирнинг уйига жўнашди. Саби хола бир ойча илгари том орқада ишлаётгандага оёфи қайрилиб, кўрпа-тўшак қилиб ётиб олганди.

Шифокорлар кунора келиб, лат еган жойга малҳам қўйиб кетишарди. Ходим маҳалла фаоллари билан кампир ётган хонага кирди. Нима мақсадда келганини тушунтириди.

– Мен узукни сизга бериб юборолмайман, ўғлим,  
– деди кампир. Саксондан ўтиб қолган бўлсада, ҳамон бардам эди. – Раҳматли чолим уни ҳеч кимга бермасликни васият қилган...

– Тез орада қайтарамиз, она, шунчаки бошлиқларимиз кўрмоқчи, – деди ходим.

– Мени қийнаманг, беролмайман, болам.

Ходим ёнидагиларга «Нима қиласиз» дегандек қаради.

– Саби хола, – дея гапга аралашди аёллардан бири  
– Бу йигит давлат идорасидан келган. Биз гувоҳмиз, кафолат берамиз, узукни бир ҳафтада келтириб, ўзимнинг гувоҳлигимда қўлингизга қайтарамиз.

– Мехмон узоқ йўл босиб келибди, хола! Илтимос, йўқ деманг. Иш жойининг тайини бўлмаганда, кўча йигитларидан бўлганда биз орага тушмасдик. Давлат ишонган одамларнинг илтимосини ҳисобга олишимиз керак.

Кўпчилик бўлиб Саби холани кўндиришди. Кампир белига боғлаб олган белбоғни ечиб, ичидан рўмолча орасидан кичкинагина узукни олиб ходимнинг қўлига топшириди.

– Бир ҳафтага беролмайман. Икки кунда қайтариб келасиз. Чолим раҳматлининг руҳи безовта бўлиб тинчимни бузади.

– Яхши, она, узукни икки кунда келтириб бераман, – ваъда берди ходим.

– Мени йўлингизга термилтириб қўйманг, жон болам.

\* \* \*

Полковник Баҳодирхонни идорага чақириб сухбатлашишдан кўра унинг олдига боришни маъқул топди. Шундай қилганда «кўнгли юмшаб», таклифимни қабул қилиши мумкин» деб ўйлади. Эрталаб ходимларига керакли топшириқларни бериб, кейин раиснинг олдига жўнади. Бироқ уни идорасидан тополмади. Котиба вилоятга йиғилишга кетганини маълум қилди.

- Яқин орада қайтадими? – сўради Маҳмудов.
- Йиғилишга боришларини айтдилару, қаҷон қайтишларини айтмадилар.
- Балки телефон қилиб сўраб берарсиз?
- Сиз ким бўласиз?
- Танишлариман.
- Сизга ўҳшаган танишлари кўп. Кунига йигирматаси келади. Телефон қилсан уришиб берадилар.
- Телефон рақамларини бера олмайсизми, ўзим кўнфироқ қилардим?

Котиба бўёқ суртилган туксиз қошларини чимириб, раиснинг телефон рақамларини айтди.

Маҳмудов ташқарига чиқиб қўнфироқ қилди. «Телефон хизмат кўрсатиш доирасидан ташқарида» деган жавоб бўлди.

Полковник кутишга қарор қилди. Режалаштирган ишини бажаришга одатланган Маҳмудов сухбатни бошқа кунга қолдиришни истамади.

Баҳодирхон кечки пайт қаердандир етиб келди. Котиба уни шаҳардан келган меҳмон сўраганини айтди.

- Қандай иш билан келибди, сўрадингми? – деди раис. У пишиллаб нафас оларди.
- Кўришмоқчиман, деди холос. Назаримда биздан техника сотиб олмоқчига ўхшайди!

– Ундај бўлса айт, кирсин!

Маҳмудов гапни узоқдан бошламади. Гувоҳномасини кўрсатиб ўзини танишитирди. Баҳодирхоннинг туси ўзгармади. Кўз олдига уйини талаб кетган йигит кўрсатган сурат келди. «Бу гап айланиб ўргилиб охири буларнинг қулоғига етибида» деб, ўйлади.

Баҳодирхон осонлик билан таслим бўладиганлардан эмасди. Ўзига қўйилган айбни худди бошқа одам қилгандек тонади ва қайсиdir жиҳатдан бу баҳсада ютиб чиқади.

– Сиз ўғлимни душман қўлида ўлганига шубҳа қилмоқдамисиз? Совет армияси раҳбарлари ўлмаган жангчини ўлдига чиқариб, бошқа аскарнинг жасадини жўнатибида. Унга берилган «Қизил юлдуз» орденига ҳам ишонмасдирсиз? Назаримда сизни кимлардир лақиллатган. Ёлғон кўрсатма берган.

– Биз фарзандингизнинг Қандаҳор яқинидаги жангда кўплаб хизматдошлари қаторида ҳалок бўлганига ишонамиз. Бу ҳақда 1986 йили «Известия» газетасида мақола ҳам босилган. Ўша мақолада ўғлингизнинг жасорати ҳақида ёзишган. Кейинчалик «Қизил юлдуз» ордени билан тақдирлангани ҳақида ҳам кўплаб мақолалар чиққан.

– Унда ўғлимнинг руҳини безовта қилиш нечук керак бўлиб қолди сизга? Ёки тобут ичига қимматбаҳо бойлик яширилган эканми? Агар ниятингиз бойликни олиш бўлса, тўғрисини айтинг. Пулини ҳозироқ тўлайман. Мен тирик эканман, боламнинг қабрини очиб, руҳини безовта қилишларига йўл қўймайман! Агар унинг тириклигини исботлай олсангиз, марҳамат, олдимга олиб келинг, кўрсатинг! Ана ундан кейин қабрини менинг рухсатимсиз ҳам очаверасиз. Онасининг аҳволи оғир, боласининг қабрини очмоқчи бўлганингизни эшитиб қолса, қандай аҳволга тушишини кўз олдингизга келтиринг!

Махмудов Баҳодирхоннинг гапларига эътиroz билдириши мушкул эди. Қодирнинг тириклигини кўрган ёки гувоҳлик берадиган далил қўлида йўклиги сабаб у билан тортишиб ўтиришни ўринсиз деб тушунди.

– Бўлиб ўтган гаплар орамизда қолади деган умиддаман, – деди ўрнидан туриб.

Раис полковникнинг сўзларига эътиroz билдирмай, қўл силтаб қўйди. Қизариб кетган кўзларидан аччиқ ёшлар сизиб чиқа бошлаганини Маҳмудов сезди ва хонадан чиқиб кетди.

\* \* \*

Техник экспертиза томонидан берилган маълумотномада узук ҳақиқий соф олтиндан ишлангани, унинг кўзига ўрнатилган бриллиант ҳам ноёб эканлиги баён қилинган эди. Мутахассислар бундай узук ўзимизда эмас, четда ишланганини айтишди-ю, бироқ қайси мамлакат заргарлари томонидан ясалгани ҳақида аниқ маълумот беришолмади. Заргарлар билиши мумкин деб бу муаммони ўзларидан соқит қилишди. Энди нима қилиш керак? Эгасига элтиб бериш мавриди ҳам етиб келганди. Маҳмудов қўнгли тўладиган маълумотларга эга бўлмасдан туриб узуни қайтаришни истамади. Икки кун барча ишларини ташлаб ишлади. Эспертиза бўлимига ҳам ўзи олиб борди. Мутахассислар билан баҳслашди. Аммо улар ҳам полковникнинг кўнглини тўлдирадиган жавоб қилишмади. Кеч бўлишига қарамай шаҳардаги таникили заргарнинг олдига бориб узукни кўрсатди. У тақинчоқни кўрган заҳоти кўзлари ёниб кетди. Эллик йилдан буён заргарлик қилиб бундай нафис ва қимматбаҳо узукни кўрмаган. Уни диққат билан

кўздан кечирди. Ҳар хил асбобларда текшириб кўрди. Унинг кўзлари буюмга эгалик қилиш иштиёқида ёниб турарди.

– Мен сизга айтсам бундай ноёб тақинчоқни шу пайтгача кўрмаганман, – очиқчасига тан олди кекса заргар. – Одатда бунақалари махсус буюртма асосида машҳур усталар томонидан ишланади. Буни ясаган заргар мамлакатда саноқли бўлиши мумкин. Буюртмачи эса ўта бадавлат одам бўлган. Узук кўзидаги бриллиантга берилган ишлов манаман деган заргарнинг ҳам қўлидан келмайди.

Қайси томондан қараманг, бир хилда товланиб, нур сочади. Эътибор берган бўлсангиз, бу шуъла нафақат бинафша тусда, балки пушти, қизил, сафсар, жигар рангларда ҳам товланмоқда. Мен сизга айтсам узук ўзидан кучли бионур таратади ҳамда одамнинг руҳиятига ижобий таъсир қиласди. Каердадир ўқиганман, узукдан тараляётган шуъла инсонни асабийлашишдан, зўриқишдан асрайди. Танани ёшартиради. Юракка қувват беради. Қоннинг айланнишини яхшилайди. Вужудингиздаги чарчоқни чиқаради. Ичингиздаги заҳарли моддаларни заарсизлантиради ва тери орқали чиқариб ташлайди. Мен сизга айтсам, узукни бир соат бармоғингизда тақиб юрсангиз ўзингиз бунга ишонч ҳосил қиласиз.

– Узук қайси асрда ясалган? – сўради полковник.

Заргар узукдан нигоҳини узолмай бармоқлари орасида айлантириб томоша қиласар экан, ҳозиргина узукни хаддан ортиқ таърифлаб юборганидан афсуслангандек бўлди.

– Бунинг ясалганига аср эмас, балки ўттиз йилдан ўтган, аммо ундаги олтин ва қимматбаҳо тош нари-бериси билан минг йиллик тарихга эга. Бизнинг давримизда бундай тошларни топиш амримаҳол.

Назаримда олтин билан тош авлоддан-авлодга ўтиб келган.

– Бундай тошлар қайси давлатларда учрайди?

– Мен сизга айтсам, бриллиантни ҳар қандай давлатдан топиш мумкин, бироқ узук кўзига қўйилган бриллиант эса ўта ноёб. Ҳиндикуш ва Ҳимолай тоғларида учратиш мумкин. Топиш юз минг одамдан биттасига насиб қиласи.

– Ўзимизнинг усталар ҳам бундай узукни ясай олишадими?

– Мен сизга очиfinи айтсам, бизнинг заргарларимиз бундай антиқа тақинчоқларни ишлашга у қадар моҳир эмаслар. Узук камида ярим йил давомида тайёрланган.

– Қайси давлатда ишланган?

– О, кечиринг, бу саволингизга жавоб бериш мушкул.

– Бугунги бозор баҳосидаги қиймати қанча?

– Сотиш ниятида бўлсангиз сизга етти миллион таклиф қиласман!

Полковникнинг лаблари икки четга тортилди ва оппоқ тишлари кўринди. Бу заргарнинг узук баҳосини ўта паст сўраганидан пайдо бўлган фалати жилмайиш эди.

– Мен айтган нарх сизни қаноатлантирмаса, келишишимиз мумкин, – заргарнинг хижолат бўлгани мазкур сўзларидан аён бўлди.

– Ҳозирча сотиш ниятим йўқ, агар пул зарур бўлиб қолса, албатта учрашамиз. – Маҳмудов шу сўзларни айтиб заргарнинг қўлидан тақинчоқни олди-да, эшик томон юрди. Каттагина бойлигини ўғрига олдириб қўйган одамдек саросимага тушган заргар «албатта келасиз деган умиддаман, агар сизга айтган нархимни оз десангиз, устига қўшишим мумкин», деб эшик олдигача кузатиб чиқди. Машинага

ўтираётганда полковник заргарга яна бир савол билан мурожаат қилди.

– Шахарда сиздек уста заргарлар борми?

– Биласизми, мен сизга айтсам, эски заргарларнинг кўпи боқий дунёга риҳлат қилишган. Уларнинг шогирдларини топишингиз мумкин. Кўплари тажрибасиз. Асл буюмни ажрата олмайди. Маслаҳатим, ҳар қандай муаммоингиз бўлса, мен билан ҳал қилсангиз ёмон бўлмасди.

– Катта раҳмат сизга!

– Таклифимни эсдан чиқармайсиз деган умиддаман!

– Албаттa!

– Кутаман сизни!

Полковник заргар билан бўлиб ўтган мулоқотдан кўнгли тўлмади деб айтолмаймиз. Узук ҳақида анча-мунча маълумотта эга бўлди. Бироқ энди узук қайси мамлакатда ишлаб чиқарилган деган саволга жавоб топиш унинг олдида кўндаланг турарди. Жавобни кимдан олиш мумкин? Тўғри жавобина унинг олдида турган муаммолар эшигини очади. Чувалашиб бораётган тугуннинг учи топилади.

«Энди нима қилиш керак» деган савол идорасига қайтиб келган Маҳмудовни курсига михлаб қўйди. Қандай қилиб бўлмасин саволга жавоб топиши шарт эди. Кўпчилик билан гаплашди, аммо узук қайси давлат заргарлари томонидан ясалгани сирлигicha қолди. Тақинчоқни эса эртага эгасига қайтариб беришга мажбур. Кампир илҳақлик ила йўлга кўзларини тикиб ўтирибди.

Телефон жиринглаб полковникнинг ўйларини тўзитиб юборди.

– Эшитаман, Зоир!

Кўнфироқ қилаётган ходими эди.

- Кекса бир заргарни топдим, бошлиқ, – деди у.
- Иш чиқишига ақлинг етадими?
- Назаримда анча тажрибали одам.
- Шаҳарданми?
- Йўқ, илгари шаҳарда турган, икки йил бурун қишлоққа қўчиб кетган.
- Кексами?
- Саксон беш ёшларда. Айтишларига қараганда, заргарлик буюмларини яхши фарқлай оларкан. Уйида ўзининг коллекцияси ҳам бормиш. Балки ёрдами тегиб қолар.
- Кекса одамни овора қилиб қўймасмикинмиз?
- Ҳар қалай сухбатини олсак ёмон бўлмасди.
- Исми нима экан?
- Асил заргар дейишаркан.
- Ҳм, мен учрашган заргарларнинг бирортаси унинг номини тилга олмади. Майли, кўришамиз!

Узук эгаси кўз олдига келгач, у ўрнидан туришга ва Асил заргарнинг уйига боришига қарор қилди.

- Унда ҳозироқ йўлга чиқамиз. Манзилини аниқладингми?

– Ҳа, ҳамма йўналишларни аниқладим.

Асил заргарни излаб, қишлоққа жўнашди. Кекса хунарманд меҳмонлар келтирган узукни ёруғликка солиб узоқ тикилди.

– Бундай гўзал буюмларни бизнинг усталаримиз ясай олмайди, – деди ниҳоят полковникка юзланиб.

– Қайси давлат усталари ясаган бўлиши мумкин? Қария саволни жавобсиз қолдирди.

– Мен сизларга ўзимнинг коллекциямни кўрсатман, қани устахонамга юринглар, – деди ва ўрнидан туриб меҳмонларни эргаштириб қўшни хонага ўтишди. Чирокни ёқиши билан хона ичи қуёш нури тушгандек ёришди. Деворларга қимматбаҳо тошлар ёпиширилганди. Бу тошлар антиқа хусусиятга эга

бўлиб, ёруғлик тушиши билан ўзидан нур таратар, натижада хона чароғон бўлиб кетарди. Хонанинг ўртасига узун хонтахта қўйилган бўлиб, унинг усти қалин сим тўр билан ёпилган, панжара остига эса ойнак қўйилганди. Ойнак остида эса заргарнинг турли йилларда ўз қўли билан ясаган буюмлари тартиб билан териб қўйилганди. Асил заргар панжаранинг икки жойига солинган қулфни очди. Полковник бундай буюмларга ҳаётида илк бор дуч келиши. Тақинчоқларнинг кўпи бир-бирига ўхшаш бўлса-да, уларда киши илғаши қийин бўлган бетакрорлик бор. Ҳар бирининг меҳр ва дид билан ясалгани кишини қойил қолдирмасдан қўймасди. Асил заргар ойна ичидаги узуклардан бирини олиб полковнишка кўрсатди.

– Бу узукни мен болалигимда ишлаганман. Кўраяпсизми, у хозирги узуклардан чиройи билан эмас, балки нағислиги, тўрт томонига ўрнатилган қимматбаҳо лаъли тошлари билан ажралиб туради. Узукни дунёнинг хоҳлаган мамлакатига бориб заргарларга кўрсатсангиз, албатта, улар бу тақинчоқ ўзбекистонлик заргарларнинг буюмлари дунёнинг барча ўлкаларида маълум ва машхур бўлган. Не-не савдогарлар юртимизга келиб Бухоро, Самарқанд, Наманган ва Марғилон заргарларига бу юртмалар бериб кетишган. Афсуски, бу анъаналаримиз кейинги пайтларда унутилиб кетди. Заргарлар орасида касбининг фидойилари оз қолди. Бу удумни қайта тикламофимиз ва ўзбек хунармандларининг шуҳратини дунёга олиб чиқмоғимиз лозим.

Асил заргар полковник берган узукка ишора қилиб гапида давом этди:

– Сизнинг узугингиз билан мен ишлаган узук тахминан бир даврда ясалган. Усталари эса бошқа-бош-

қа. Қани, менга айтингчи, сизнингча қай бир узук жозибалироқ?

Полковникнинг чолнинг саволидан хижолат бўлгандек юзи қизарди.

– Кўринишидан иккиси бир хил, – деди.

– Баракалла, кўнглимдаги жавобни бердингиз. Энди бу узукларнинг бозор баҳосини айтингчи?

Махмудов Асил заргарнинг узугуни беш миллион атрофида баҳолади.

– Сизнинг узугингиз менинг узугимдан анча пастроқ. Бунинг тоши қиммат. Узукнинг қадрига етган одам узугимни йигирма миллон бериб олиб кетиши мумкин, аммо сизнинг узугингизни фақат тошигагина харид қилиши мумкин. Мен буюмингизнинг қийматини пастга уриш мақсадидан йироқман. Аммо заргарчиликда уста ўзи ясаган буюмларга ишлов бериш жараёнида маҳорат сирларини яширишга уринади. Харидор гўзалликни илғаб олишда адашмаслиги даркор. Энди бояги саволингизга қайтамиз. Уста ясаган маҳсулотини дунёning нариги четида бўлса ҳам танийди. Ҳеч ким унинг буюмини менини деб айтольмайди. Боя айтганимдек, заргарлар киши билмас сирли белгиларни, ўз исмларини, тураг жойларини яширишади.

– Бу узукда ҳам шундай белгилардан бири топила-дими? – бир оз ҳаяжонланган полковник қариянинг сўзини бўлди.

– Албатта. Мен сизга ўша белгини ёки устанинг исми шариfini аниқлаб бериш имкони мумкин. Қани, меҳмонхонага чиқайлик.

Асил заргар меҳмонларнинг саволига жавоб беришга у қадар шошилмасди. У чой келтирди, пиёлаларга қўйиб меҳмонларга узатди. Кейин жавондан темир қутини олиб келди. Ичидаги ҳар хил буюмлар арала-

шиб кетганди. Асил заргар лупалардан бирини олиб, кўзига яқин келтириди ва узукни кўздан кечира бошлади. У узук кўзидағи бриллиантга эмас, орқа томонига, буралиб кетган бандига кўпроқ аҳамият берарди. Карияning тақинчоқдан ниманидир ўқиётгандек лаблари тинимсиз пичирларди. Баъзан қошлари чимириларди.

Яrim соатлар ўтиб у тақинчоқдан кўзини олди ва меҳмонларга юзланди.

- Узук уста Маъмур томонидан ишланган, – деди.
- Янглишмадингизми?
- Бунинг янглишадиган жойи йўқ.
- Уста Маъмур қаердан бўлади?
- Ёнимга келинг, – деди заргар.

Полковник чолнинг олдига сурилди. У қўлидаги лупани узукка яқин келтириди. Бироқ Маҳмудовнинг ўткир кўзлари бўртиб турган чизиклар орасидаги ҳарфларни уқиб ололмади.

- Форс тилидан хабарингиз борми?
- Билмайман!
- Унда мен кўрсатган чизикларга эътибор қаратинг.

Кария чумоли изидек чизиклар орасидан киши пайқаши мушкул бўлган ҳарфларни биттама-битта кўрсатиб ўкиб берди ва ҳарфлар жамламасидан «Уста Маъмур» деган жумла ҳосил бўлди.

- Бояги саволим жавобсиз қолди.

Заргар узукни кўздан кечиришда давом этди. Энди у узук бандининг ташқи томонидан ниманидир изларди. Ўн дақиқалар ўтиб излаган нарсасини топди чофи, полковникка юзланди.

- Уста Маъмур Покистоннинг Лоҳар шахридан.
- Лоҳардан?
- Худди шундай?
- Адашмасам, Покистонда дарий ва пуштун тилларида гаплашишади, – сўради Маҳмудов.

– Шундай, бироқ мамлакатнинг Афғонистон билан чегарадош худудларидаги қабилалар кўпроқ форсий тилда муомала қилишади. Заргарларнинг кўпи Афғонистондан ўтган. Улар узоқ йиллар мобайнида чегарага яқин қишлоқларда яшаб, хунармандчилик билан тирикчилик қилишмоқда. Болаларини эса она тилларидаги мактабларга беришади. Шунинг учун узукнинг Покистонда ясалгани ва унга форсий ёзувлар битилгани у қадар ажабланарли эмас. Яна ким билади дейсиз, балки буюртма берган одам афғон миллатига мансубдир.

Етарли маълумотлар билан қуролланган полковник узукни эгасига қайтариб беришни бир ой муддатта кечиктиришни илтимос қилиб, унинг олдига боришига қарор қилди. У Покистондаги резидентга узук билан бирга шопшилинч топшириқнома жўнатишни ҳам ўйлади.

## ЖАЛОЛОБОД

Faфур орқага қайтди. Яна азобларга, қийноқларга қарши курашиш учун йўлга чиқди. Бир ҳафта деганда тоғларга яқин бориб қолди. Олислардан паст-текисликлар кўринди. Тошдан тикланган бинолар кўзга ташланди. Бу шу ерда яшайдиган чўпонларнинг уйлари эди. У қўлидаги харитага қараб олди. Яна эллик чакиримча масофани босиб ўтиши керак. Faфур овулларни четлаб, чўпонларга кўринмай ўтди. Баланд чўққилар сари тирмашди. Кутимаганда йўлидан бир тўда отлик чиқиб қолди. Улар ўттиздан ортиқ эди. Faфур ўзини панага олишга улгуrolмади. Отликлар шу томон келишарди. Барчаси қуролланган, юзига ниқоб тортган. «Ким бўлди булар, наҳотки толибонларга дуч келиб қолган бўлсан?» ташвишли ўйга чўмди Faфур. Бу орада отликлар яқинлашиб қолди. Булар атрофдаги қиши-

лоқларни талаб кун кечирадиган босқинчилар эди. Тўдага Жобир исмли ўттиз беш ёшлардаги йигит бошчилик қиласди. УFaфурдан:

- Кимсан? – деб сўради.
- Дарвешман! – жавоб қайтарди шу заҳоти Faфур.
- Дарвешман?
- Шундай!
- Каёққа кетмоқдасан?
- Форга.
- Форда нима бор сенга?
- Чиллага ўтироқчиман.

Жобир ўз йигитлари билан тоғлик чўпонларни талаб келаётган эди. Йигитлари анчагина ўлжани қўлга киритганди. Бўғизланган ўнлаб қўйларни отларига ортиб олишганди. Отларнинг ёлларидан қўйларнинг қони томарди. Жобирнинг кайфияти чоғ эди. Унга дарвешнинг чеҳраси нотаниш кўринди. Бу атроф-теваракдаги қишлоқларда бундай дарвешни шу пайтгача учратмаганди. Бегонамикин? Ёт одам бундай муомала қилолмайди. Унинг кўзига ҳам тик боқолмайди. Унинг кўзларида нур ялтираб турибди. Улар бир-бирларига тикилиб туришарди. Жобирнинг кўнглида дарвешни синаш фикри уйғонди. Шу билан унинг кимлигини билмоқчи ҳам бўлди.

- Дарвеш бўлсанг айтчи, мени қандай хушхабарлар кутмоқда?
- Шуни билишни истайсанми?
- Албатта-да!
- Яқин кунлар ичидаги сен ота бўласан!

Жобирнинг юзида кулги ўйнади. Бойлик, пул, ҳамд-у сано каби илтифотлар унинг ҳаётини жуда-жуда безарди. Авлиёга дуч келиб қолгандек отдан иргиб тушди.

– Тўғри топдинг, хотиним ҳомиладор. У ўғил туғадими ёки қиз?

– Аллоҳ сенга ўғил инъом этади!

Жобир бу хабардан янада қувониб дарвешга меҳри ортиб кетди.

– Агар айтганинг тўғри чиқса, сенинг ҳар қандай хоҳиш-истагингни ижобат айлайман!

– Менга ҳеч нарса керак эмас, – Faфур бош чайқади.

– Менинг кимлигимни биласанми? – аччиқ кулимсираб сўради Жобир.

– Аллоҳнинг қулисан! – беписандлик ила жавоб қайтарди дарвеш.

– Гапинг ҳақ, Аллоҳнинг қулиман, мана шу ерлар, хув анови тоғ-у тошлар, яйловлар, сув тўла анхорлар, буларнинг барчаси менинг тасарруфимда. Одамлар менга итоат қиласди. Энди сен мен билан бирга бўласан. Овқатингни бераман, қароргоҳимдан жой қилиб бераман. Ўша ерда яшаб, менинг ҳақимга дуо қилиб турасан.

– Мен форга кириб тоат-ибодат қилишим керак. Ўша ерда ҳам сенинг дуоингда бўламан!

– Таклифимни рад этма, дарвеш. Мен дуч келган одамга бундай илтифот кўрсатавермайман! Худо чехрангни менга иссиқ кўрсатди.

– Унда мени кут. Қирқ кун чиллада ўтириб чиққанимдан сўнг, албатта, сенинг олдингга қайтаман!

Шу пайт от туёқларининг овози эшитилди. Ҳамма йўлга қаради. Саман йўрға ортидан чанг тўзитиб шу томон келарди. Жобирнинг одамлари қўлларига қуролларини олишди. Бу орада от устидаги чавандоз яқин келиб қолганди. Жобир ва одамлари уни танишди. Қўлларидаги қуролларини туширишди. Чопар Жобирнинг олдига келганда от тизгинини

тортди. Йўрға тўхтади. Чопар эгардан пастга иргиб тушди.

– Нимага гап? – чопарнинг етиб келишига улгурмай сабрсизлик билан сўради Жобир.

– Суюнчи беринг, оға! Ўғилли бўлдингиз.

Жобир қўлларини қўтарди.

– Эшитдиларингми, дарвешнинг гапи ҳақ бўлиб чиқди. Мен ўғилли бўлдим! – У баланд овозда қичқирди. Овози тошларга урилиб акс садо берди. Отлиқлар жўр овозда «Муборак бўлсин» деб бақиришди. Уларнинг овози ҳам ҳар томондан жаранглади. Жобир ҳамёнини кавлаб қўлига илинган пулларни хабар келтирган йигитнинг устидан сочди. У оёқлари остига тушган пулларни териб ҳамёнига жойлади.

– Башоратинг ҳақ бўлиб чиқди, дарвеш. Сенда сирли хислат мавжуд. Хозир менинг қўноғимга борасан. Ўғлимнинг шарофатига базм уюштирамиз!

– Кўп яшанг! – қичқиришди йигитлар.

– Қани, олдимга туш!

Фафур иложисиз қўрбошига эргашди. Ярим соат йўл юришди. Тошлар оралаб форга келишди. Унинг оғзи қия турган эшикни эслатарди. Қароқчилар от тизгинларини тошларга қоқилган темир қозикларга илишди. Олиб келган ўлжаларини ичкарига олиб киришди. Зум ўтмай қозонлар қайнади. Базми жамшид авжига минди. Faфурнинг фикри-ёди ўзи излаб бораётган форда эди. Тезроқ у ерга етиб олиши ва яширилган қуролни топиб, бошлигини хабардор қилиши керак.

Жобир қиморни хуш кўрарди. Бу ерга узоқ-яқиндан қиморбозлар келиб турарди. Талончилик, босқинчилик билан тўпланган пулларни, бойликларни тикишарди. Бироқ бирорта ўйинда омад Жобирга кулиб боқмасди. Одамлари азоб-уқубат

билан топган бойликларни бир кечада бой берарди. Мағлубиятга қўрбошининг чидагиси келмасди. Бирок ўйин ўйинда. Қанчалик ғазабланмасин, ўзини қўлга олишга мажбур эди. «Қачондир ютқазган бойликларимни қайтариб оламан» деган умид қизиб бораётган юрагига таскин берарди. Форда ҳафтада бир қимор ўйинини ташкиллаштиради. Шаҳарнинг турли жойларидан, ҳатто мамлакатдаги донгдор қиморбозлар қопчиқлари тўла пулларни орқалаб етиб келишарди.

Бугун ҳам ўйин ташкиллаштирганди. Жобирнинг юрагига чўф тушди. Дарвешни ҳузурига чақиртириди. «Дарвешда бир хислат борки, ўғил қўришимни башорат қилди. Дуо қилса, дам солса омадим чопиб, ютқазган бойликларимни қайтариб оламан» деган фикр шуурига тинчлик бермади.

– Мени дуо қил, дарвеш! – деди ялинувчан овозда ичкари кириб келган Faфурга қаратা.

– Мендан дуо! – жавоб қилди у дарвешларга хос кибр ила бошини баланд кўтариб.

– Бу пулларга дам сол! Бегоналарнинг қўлига ўтмасин. Менга беҳисоб бойликларни келтирисин!  
– кўзлари билан олдида сочилиб ётган пулларга ва қимматбаҳо тақинчоқларга ишора қилди.

Дарвеш пулларга қиё ҳам боқмади. Лаблари пи-чирлаб ўзича нималардир деди. Қўлидаги таёқ билан Жобирнинг елкасига уриб қўйди.

– Катта бойлик кутяпти сени! – деди кўзларини юмиб.

Жобир «айтганинг келсин» деб юзига фотиха тортди.

– Ўйин пайтида ёнимда ўтирасан! – илтимос қилди тўдабоши.

– Менга ўйин бўладиган жойни кўрсат!

Жобир уни фор ичига бошлади. Анча юришди. Девордаги машъалалар ўзидан қизғиши шуъла сочарди. Йўлакни ёритиб турарди.

Улар ялангликка чиқишиди. Жобир тўхтади.

– Ўйин мана шу супа устида бўлади, – деди қўли билан сўпоқ тошни кўрсатиб. Ўртасида ўн бештacha пиёла сочилиб ётибди. Орқа томонда анчагина бўш жой турибди. Тошлар териб қўйилган. Афтидан навбат кутаётганлар мана шу тошлар устида ўтираса керак. Деворлар машъаланинг тутунидан қорайган. Тутун ва наша иси тошларга ўрнашиб қолган. Ачимсиқ ҳид анқийди. Faфур бу юртдаги қиморхоналарнинг кўпини кўрган, аммо фор ичидагисига илк бор дуч келиши эди. У супа ўртасига борди. Бир зум туриб қолди. Жобир унинг ҳаракатларини зимдан кузатди. Дарвешга бўлган ихлоси тобора ортарди. Faфур таёфи билан тош устига доира чизди.

– Отган ошифинг шу чизикдан чиқиб кетмасин, уқдингми?! – деди қароқчилар бошлиғига.

– Уқдим! – итоаткорона жавоб қайтарди кўрбоши.

Дарвеш бошқа гапирмади. Пастга тушди. Жобир дарвеш томонидан чизилган доирага тикилиб турарди. Илгарилари отган ошиклари сочилиб кетарди. «Мағлубиятимнинг сабабини топдим» дея ўзига ишончи ортди қўрбошининг.

Эртаси куни тонгдан бошлаб қопчиқлари пул ва қимматбаҳо буюмларга тўлган қиморбозлар форга кела бошлади. Улар учун қозонларда шўрва қайнарди. Тошлардан тандир ясалиб, ичига ўт ёқилиб, чўғига кабоб пишириларди. Бурчак-бурчакларда тўп-тўп бўлиб ўтирган қиморбозлар вақти хушлик билан банд эдилар. Ўйин бошланадиган вақт бўлди. Таклиф этилган қиморбозларнинг кўпчилиги келиб бўлди. Жобир дарвешни ёнидан силжитмади.

Нихоят, хаммалари ичкарига киришди. Жойларини эгаллашди. Қўлларига пиёлаларни олишди. Жой тегмаганлар орқадаги тош курсиларга ўтиришди. Одат шундай эди. Кимки борини бой берса, ўйиндан чиқади ва четдагилардан бирига жойини бўшатиб беради.

Жобирнинг орқа томонида дарвеш ўтиради. Унинг икки кўзи ошиқларда эди. Тезроқ ўзига навбат келишини қутарди. Қўлига ошиқ текканда дарвешнинг айтган гапларини унугушиб қўйди. У ўз фалабасига ишонганди. Катта миқдорда пул тикканди. Биринчи қўлдаёқ омад ундан юз ўғирди. Ошиғи чув тушди. Ортида ўтирган дарвешга кўзларини чақчайтириб қараб қўйди. Бироқ у бепарво эди. Қўрбошининг жаҳли чиқди. Тишларини фижирлатганиFaфурга ҳам эшишилди. Ҳатто қўлидаги пиёла билан дарвешнинг бошига солгиси келди. Яна навбат келди. Яна чув тушди. Пуллари тугади. Тилла тақинчоқларга гал келди. Уларни ҳам бой берди. Шунда фазабини жиловлай олмади. «Палакат, қайдан ҳам сенинг гапингга кирдим» деб фулдираб сўкинди. Дарвеш бунга аҳамият бермади. Унга яқин сурилиб пичирлади:

– Қўлинг қалтирамасин! Борингни тик! Ошиқни мен айтган жойга ташла! Омад сен томонда!

Жобирнинг кекирдаги ўйнаб кетди. Бисотидаги сўнгги бойлигини ўртага ташлади. Ўзига гал келганда ошиқларни тош устидан шилиниб кетган кафти билан сидириб олди-да, маҳкам чангллаб боши узра кўтарди. «Ё, Жамшид» деб суюкларни дарвеш айтган доира ичига ташлади. Ошиқлар бир пайтнинг ўзида супа устига тушди ва тўртталаси тик туриб қолди. Жобирнинг буришган қонсиз лабларига табассум югурди. Даврадаги пуллар ўзига қайтди. Шундан кейин ошиқ қўлидан тушмади. Боридан айрилган қиморбозлар бирин-кетин жойларини шерикларига бўшатиб беришди. Ўзлари тош курси-

ларга ўтириб аламларини нашадан олишди. Кайфи ошганлар бурчакларда чўзилиб ётишарди. Ўйин қизигандан қизиди. Омад чиндан ҳам фор эгасига кулиб бокди. Жобир катта бойликнинг эгаси бўлди.

Эрталаб Faфур Жобирнинг ёнига борди.

– Энди менга рухсат бер, кетай!

Фор эгаси дарвешга рухсат берса, баҳтсизликка учраб қоладигандек қўрқиб кетди.

– Қаёққа кетасан? Энди шу ерда бирга яшаймиз. Йигитларим сенинг хизматингда бўлади. Нима хоҳласанг бажо келтиришади. Топган бойликларимнинг ярмини бўлиб бераман. Бугундан бошлаб пирим деб этагингни тутаман. Ёнимда қол!

– Илтифотингдан бошим осмонга етди. Бироқ мен тарки дунё қилган одамман, мени пул, бойлик қизиқтирумайди!

Шу пайт Жобирнинг олдига тепаликда кузатувчилик қиласиган йигитларидан бири кириб келди.

– Офа, нотаниш одамни қўлга олдик.

– Кимнинг одами экан?

– Билмадик, офа. Лекин бу ернинг одамига ўхшамайди.

– Олдимга олиб келинглар!

Хабарчи ортга қаради. Ҳуштак чалган эди, тошлар орасидан қўли боғланган озгин кимсани олдига солиб келаётган икки қуролли кимса чиқиб келди...

\* \* \*

Туни билан ухламасдан йўл юриб келаётган Лу ҳаддан ташқари чарчаганди. Оёқлари оғриб вужудига озор берарди. Шундай бўлса-да, манзилга етиб олиш учун қадамини илдамлатиб, тошлар устидан сакраб борарди. Вакти-вақти билан қўлидаги кичкинагина харитага қараб қўярди. Қалам билан кич-

кинагина доира ичига олинган жойга етиб олишига саноқли чақирим қолганидан мамнун эди. Бирдан кўкка кўтарилаётган тутунга кўзи тушиб қолди. Адамас бу жойларда ярим ёввойи одамлар яшашини айтганди. Унинг гапи Лунинг хаёлидан ўтди ва юраги сесканиб кетди. Йўлини ўзгартирмоқчи бўлди.

– Тўхта! – ортидан келган ҳайқириқ оёқларини тошга елимлаб қўйди. Лу нафақат юришга, балки ортига қарашга ҳам қўрқди. Оёқ-қўллари қалтиради. Овоз қилган одам Жобирнинг йигитларидан бири эди. Унинг совук башарасини, устидаги чопонини кўриб Лу ўзини ёввойиларга эмас, балки росмана одамларга дуч келганини пайқади. Патиллаб ураётган юраги жойига тушгандек бўлди.

– Кимсан? – сўради бояги одам.

Лу тили айланмай бақрайганча турарди. Қути ўчган чехрасида қўрқув билан бирга азоб-уқубат шарпаси аксланарди.

Лу тезда ўзини қўлга олди.

– Адашдим, – унинг тилига шу сўз келди.

– Кимнинг одамисан?

– Ҳеч кимнинг одами эмасман, – кичик хатога йўл қўйди Лу.

Дидбоннинг шубҳаси ортди.

– Қаёққа кетмоқдасан?

– Адашдим, – бояги сўзини такрорлади яна Лу.

Дидбон пастки лабига тишини босиб ҳуштак чалди. Тошлар орасидан қуролли йигитлар чиқиб Луни ўраб олишди. Кейин олдиларига солиб уни фор томон ҳайдаб кетишли. Бу пайтда ичкаридан Жобир билан дарвеш чиқиб келишаётган эди.

Дидбонлар бандини олдиларига солиб Жобирнинг олдига олиб келишди. Қўрбоши унга бошдан-оёқ

тиклииб боқди. Бу ернинг одами эмаслиги унинг афт-ангридан билиниб турарди. Жобир у билан гаплашиб ўтиришни истамади.

– Кимсан? Менинг ҳудудимда нима қилиб юрибсан? – дея гердайиб сўради.

– Адашдим. Аёлим бетоб. Табиблар тоғ эчкиси-нинг сутини ичсин деб эди. Бу томонларга эчки излаб келгандим. Ёрдам беринг, қанча пул сўрасангиз бераман!

– Ҳамёнингда қанча маблафинг бор?

– Юз эллик доллар!

– Чиқар!

Лу пулни олиб қўрбошининг қўлига тутқазди. Жобирнинг чехраси ёришди.

Faфур бу кимсанинг бу ерларда бежиз пайдо бўлиб қолмаганини тушуниб турарди. Кўзлари, юзлари, озгин гавдаси, таранг тортилган пайлари бегона юрт одами эканлигидан далолат эди.

– Энди хоҳлаган томонингга кетавер!

Лу қуллуқ қилиб орқасига қайтди. Жобир дид-бонлар бошлигини чақирди.

– Туя довондан ўтиши билан отиб ташла!

Дидбон Лунинг изидан кетди. Faфур Жобирга:

– Сенга бир маслаҳатим бор, – деди бандининг ортидан боқиб турар экан. Айни чоғда овози файритабийи чиқди. Жобир ўз пирига нигоҳ ташлади.

– Айт!

– Йигитларингга буюр, отишмасин уни!

– Мен унинг кимлигини билмайман, пиrim. Балки кечаги ўйиндан кўп пул ютганимни эшитган ўғрилардандир. Кўзлари унинг бу ернинг одами эмаслигини билдириб турибди.

– Уни ўлдирадиган бўлсанг бошингга катта мусибат тушади!

Жобир сесканди. Пирим деб билган бу одам икки бор түғри башорат қилди. Айтгандар ҳақ бўлиб чиқди. Ўз бошига мусибатлар келишидан ёмон қўрқди.

– Кўйиб юборайми?

– Шу ерда олиб қол. Кўнглим сезиб турибди, вақти келиб бизга ёрдами тегиши мумкин. Балки мен уни ўзим билан бирга форга олиб кетарман. Дастёrlик қилади.

– Тутқун сизники, нима қилиш ихтиёргизда, – жавоб қайтарди Жобир.

Бу сўзларни уларнинг ёнида турган зинданбон ҳам эшилди. Faфур бошқа гапирмади, бош иргиб нари кетди.

\* \* \*

«Нотаниш кимса бу ерда бежиз пайдо бўлиб колмаган» деб ўйлади Faфур бўш пайтлари хаёлга толиб. Маҳмудов қурол изига инглизлар тушганини айтганди. Бу ўшаларнинг одами эмасмикин? Юз-кўзлари маҳаллий халқ одамлариникига асло ўхшамайди. У шу атрофда пайдо бўлиб қолибдими, демак, шошилиш керак. Ўз жосусларини жўнатган кимсалар унинг бедарак кетганини билишса, бошқасини жўнатишади. Тезроқ топшириқни бажариб бу ердан кетиш керак. Вақт ўтмоқда.

Faфур ўрнидан турди. Жобир йигитларини эргаштириб қаёққадир кетди. Дидбонларгина қолганди. Улар атрофни эмас, балки зиндандаги одамни ҳам кузатиб туришарди.

Faфур зиндан тепасига келди. Унинг оғзи тор, пастки қисми кенг эди. Қуёш нури деворларнигина ёритиб ўтарди. Faфур пастга қаради. Зинданбанд кўринмади.

- Шу ердамисан? – пастга қараб овоз қилди Fa-  
фур.
- Қорним оч, егулик берсангиз-чи? – қуйидан  
овоз келди.
- Кимсан?
- Ўзингиз кимсиз?
- Мен дарвешман!
- Ишонгим келмаяпти.
- Бу ерларда нима қилиб юрибсан?
- Мени қутқаринг!
- Сени ўлимдан сақлаб қолдим, аммо зиндондан  
озод қилиш қўлимдан келмайди.
- Истаган пулингизни тўлайман!
- Дарвешлар пулга, бойликка муҳтож эмас! Мен-  
га кимлигингни айтг!
- Дарвешга ўхшамаяпсиз. Дарвешларни инсон-  
нинг шахси қизиқтирмайди, шундай эмасми?
- Ҳақсан, аммо кимлигингни билгим келганди...
- Бетоб аёлнинг бечораҳол эриман дедим-ку. Ёки  
гапларимга шубҳангиз борми?.. Сизга бир илтимо-  
сим бор...
- Нима истайсан?
- Икки кундан бери туз тотганим йўқ. Раҳмингиз  
келсин, бир тишлам нон беринг. Ўлгудек очман.
- Бир оз кут. Мен ҳозир нон олиб келаман!
- Faфур могора ичига кириб кетди. Беш дақиқа  
ўтиб қўйнига нон ва шапалоқдек пишган гўшт солиб  
чиқди. Уларни зиндон ичига ташлади. Зиндонбанд  
миннатдорчилик билдириди.
- Раҳмат сизга!
- Балки энди кимлигингни ва бу атрофда нима қи-  
либ юрганингни айтарсан?
- Жавоб бўлмади. Пастдан бандининг суюкни қар-  
силлатиб ғажиётгани эшитилди...

Фафурнинг шубҳалари ҳақ бўлиб чиқди. Бу «Қора маржон»даги бойликнинг изига тушганлардан бири деб ўйлади.

Шоми фарибонда Жобир қайтиб келди. Димоғи чоғ эди. Фор оғзи олдида Faфур уни кутиб олди.

– Сен келганингдан бери ишларим юришиб кетди,  
– деди у дарвешга яқин келиб. – Қара, йигитларим бугун қандай ўлжаларни қўлга киритиши. У отларга ортилган ўлжаларни тушираётган йигитларига мағрур қараб қўйди.

– Энди менга ижозат бер. Бу кеча тушларим булғанди. Форга кириб тоат-ибодатимни қиласай.

– Ибодатни шу ерда қилсанг ҳам бўлади, – қайтарлиқ билан қўл силтаб жавоб қилди Жобир.– Ахир шу ерда ҳам чиллага ўтиришинг мумкин.

– Мен ота-боболарим ўтирган форга киришим керак. Уларнинг рухи мени чақирмоқда. Бормасам, арвоҳлар дарғазаб бўлишади. Ҳатто сенга зиён етказишлари мумкин!

Faфур бу гапларни шошмасдан айтди. Жобирнинг кўз ўнгига арвоҳлар намоён бўлди. У руҳларга қаттиқ ишонарди. Қолаверса, дарвеш борадиган жойни одамлар азалдан муқаддас жой деб атаб келишади. Дарвешнинг раъийга қарши туриш, кўнглини оғритиш ўзига бало-қазолар келтириши мумкинлигини ўйлади.

– Лекин бир шарт билан сенга изн бераман, – деди Жобир бир оз ўйланиб тургач.

– Қандай шарт экан? – сўради Faфур.

– Бошимга кулфат тушса, олдингга бораман!

– Мени безовта қилма. Фор ичига кириб кетганимдан кейин мен бегона одамлар кўзига кўринмайман. Чақирсанг ҳам эшитмайман. Жисмим тошларга айланади. Фақат танамдан чиқсан руҳларнинг товушини тинглайман. Улар билан гаплашаман. Ях-

шиси, мени безовта қилма. Айтганимни қилмасанг, ортимдан одам юборсанг, сендан омад юз ўгиради. Бахтсизлик эшикларини очади. Унутма буни!

Faфурнинг бу сўзлари Жобирнинг қулоғига қўроғоиндек қуюлиб қолди. Дарвешни ёнида олиб қоломласлигини англағ етди.

— Майли, — деди ноилож рози бўлиб. — Сенга қирқ кун муҳлат бераман. Безовта қилмайман. Изингдан одам ҳам жўнатмайман. Аммо чиллага ўтириб чиққанингдан кейин, албатта, менинг ҳузуримга қайтиб келишга ваъда бер! Биз яна бирга шу ерда яшаймиз.

Faфур қароқчилар етакчисига таъсирини ўтказганидан, айтган гапларига ишонтира олганидан мамнун бўлди. Бироқ унинг ҳузурига қайтиб келишга, хизматини қилишга ваъда бермади. У виқор билан Жобирнинг саволига шундай жавоб қайтарди:

— Аллоҳ насиб қилса кўришамиз!

Faфур қароқчилар даргохини тарқ этаётганда ғалати мўъжиза рўй берди. Узоқ йўл босиб, ёнбошлирини тошли тупроққа қўйиб, иккинчи ёнбошлирини офтоб тафтига тоблаб ётган отлар худди қаршиларидан қашқир чиқиб қолгандек безовталаниб, оёқлари билан тупроқ тўзитиб кишинаб юборди. Барча қатори Жобир ҳам бундан ҳайрон бўлди. «Отларга нима бўлди? Яқин атрофга қашқирлар келдими?» деб ўйлар, безовта кўзлари билан атрофга боқар, аммо чор томон ҳар кунгидан-да сокин эди. Кейин ҳамма бирдан безовталик сабабини тушуниб, ҳайратдан ёқаларини ушлаб қолди. Жониворлар ўзларининг бу харакатлари билан дарвешни кузатишашётганди.

Faфурнинг ортидан боқиб қолган Жобирнинг ёдига зинданда ётган банди тушди. Дарвешнинг изидан қичқирди:

— Анови зинданбандни нима қилай?

Faфур ортига қайрилди:

– Нон-сувини беріб тур, оч қолдирма. Қайтиб келгунимча қўйиб юборма! Акс ҳолда борингдан айриласан! – шундай деб бир оз жим қолди, кейин деди: – Балки ўзимга керак бўлиб қолар, келиб олиб кетарман!

У бу сўзларни атайн овозини кўтариб айтди, уни атрофдагилар шу жумладан зинданбон ҳам эшитди.

\* \* \*

Махмудов кўнгилсиз ҳолат рўй бергудек бўлса охири белги қўйилган жойга қайтиб боришни, агар белги доира ичига олинган бўлса, ўша тошнинг остини қарашни Faфурга тайинлаганди. У келган йўлини ва чизиқча қўйган тошни ёдида сақлаб қолганди. Қароқчилар форидан узоқлашгач, охирги белги қўйган тошини излаб топишга қарор қилди. Хотираси ёмон эмасди. Адашмасдан топди. Чизиқча ҳақиқатан ҳам ҳалқа ичига олинганди.

У тошни кўтариб остидаги пакетчани олди. Ичига фонар, қотган нонлар солинганди. Faфур уларни қўйнига жойлаб дара ичидан йўл босиб, тепаликка кўтарилди. Қуёш сўнганди. Сурмаранг нурларини сочиб тоғлар узра тўлин ой чиққанди. Юлдузлар сим-сиёҳ осмон бағрида бодрашарди. Форга уч чақи-римча масофа қолганди. Сўқмоқни қор босганди. Совук шамол туриб, чийиллаб, хуштак чалиб, тобора забтига оларди. Faфур бораётган сўқмоқ тор ва нишаб эди. Одам тойиб кетиш хавфи бор. Олисдан бўлса-да, «Кора маржон» кўзга ташланиб турарди. Ой нурида тошлари ялтираб кўринарди. Тундаги кўриниши у ернинг бежиз илоҳийлаштирилмаганлигидан далолат берарди. Ўша томонлардан аҳён-аҳёнда сирли товушлар қулоққа чалиниб қоларди.

Faфур олисдан бўлса-да, «Қора маржон»га узок тикилиб қолди. Тошларнинг жилосидан кўзлари ялтиради. Табиат гўзаллиги ошуфта айлаганди йигитни... Ҳозироқ у ерга жўнаш, тошларни қўли билан ушлаб кўриш иштиёқи юрагига тинчлик бермай қўйди. Бироқ хатарлар яқин келиб қолгани учун эрталабгача сабр қилишга қарор қилди. «Бирорта бошпана топиб дам оламан» деб хаёллади. Атрофга бокди. Тошлари кўчирилган, қорайиб турган ўрада кўзи тўхтади. Унинг оғзи яқинда очилгани билиниб турарди.

Faфур фонарни ёқиб ичкарига кирди. Бу шунчаки ўра ёки йиртқичлар ташлаб кетган эски ин эмасди. Адоқсиз бўшлиқ эди унинг ичи. Икки одам бемалол сифадиган кенглик пастга қараб тушиб кетарди. Faфур ичкарига киришни хоҳламади. Могора оғзида ту nab, эрталаб йўлда давом этмоқчи бўлди. Ўтирган жойига кўқдаги ойнинг кумуш ёғдулари тушиб турарди. У бир бўлак нонни олиб тишлади. Корни очганди. Туни билан туз тотмаганди. Кейин қалин почап ўстинга ўралиб уйқуга кетди.

Кўзи илинار-илинmas қулоғига аллақандай товуш чалинди. Faфур бошини кўтарди, атрофга бокди, ҳеч ким кўринмади. Сокинлик. У қайтиб тошга бошини қўйди. Кўп ўтмай ўша сас такрор эшитилди. Кимdir йиғлаётгандек эди. «Қаёқдан келяпти?» У ўрнидан турди. Буюмларини йиғишириб тошлар ортига яширинди.

Йиғлаётган одам ичкаридан чиқиб келаётганди. Яrim соатлар ўтиб унинг шарпаси кўринди. Калтакесакдек тошли деворга ёпишиб, бир оёқда ҳаккалаб келарди.

«Наҳотки кўзи кўр бўлса» ўйлади Faфур.

Бу кўз қорачиқларини нур куйдириб юборган Жонс эди. У тошларга урилиб, сурилиб, қийинчи-

лик билан келарди. Бурнига тоза ҳаво билан бирга бегона одамнинг иси урилганда тўхтади.

– Ким бор?!

Faфур жавоб қайтаришга шошилмади.

«Мени кўриб қолдими?»

Жонс илтижо қилди:

– Илтимос, ёрдам беринг! Кўзларим ҳеч нарсани кўрмаяпти!

Faфур ўйлади:

«Кўр одам форга қандай қилиб кириб қолдийкин?

Шериклари ташлаб кетдимикин?»

У тошлар орасидан чиқди.

– Кимсан?

Кўр одам сергак тортди.

– Хайрият, бу ерда ҳам тирик жон бор экан.

– Кимсан? – тақрор савол ташлади Faфур.

– Ёрдам беринг менга!

– Кимлигингни айт дедим сенга!

– Англияданман, альпинистман! Шерикларим ташлаб кетди. Кўзларим ҳеч нарсани кўрмаяпти! Ҳозир қаердан?

– Фор оғзидасан.

– Оҳ, мен ўзимни тубсиз чуқурликка тушиб бора-ётирман деб ўйлабман!

– Кўзингга нима қилди?

– Қандайдир нур кўзимнинг гавҳарларини куйди-риб юборди.

– Фор ичига нимага киргандинг?

– Иссиқ жой излаб кирудим.

– Сен альпинистга ўхшамайсан!

– Ишонинг, ростдан ҳам альпинистман ...

– Ростини сўзламас экансан, сухбатимизга якун ясашга ва сени бу ерда қолдириб кетишга мажбурман!

– Йўқ, ундей қилманг, мени ташлаб кетсангиз очлиқдан ёки бирорта тошга қоқилиб ўлиб қоламан...

– Унда ҳақиқатни гапир! Ёлғон яхши инсонларни бирлаштирумайди! Хайр!

– Тўхтанг, мени ташлаб кетманг, ўтиниб сўрайман сиздан!

– Унда ҳақиқатни айт!

– Яхши одамга ўхшайсиз, менга егулик беролмайсизми? Икки қундан бўён туз тотганим йўқ, очликдан силлам қуриди!

Faфур унинг кўлидан ушлаб тош устига ўтқазди. Инглизлар ҳеч қачон дўстларини ёлғиз қолдириб кетмаслигини яхши тушунади. Faфур уни ҳам «бойликни излаб келганлардан бири» деб ўйлади.

Жонс қўлидаги қаттиқ нонни қарсиллатиб еди. Ошқозонига овқат тушиб, очлик хаёлидан кўтарилигач:

– Сиздан миннатдорман. Ўзингизни таништи-ринг, кимсиз? – деб сўради.

– Мен дарвешман – жавоб қилди Faфур, – шу ерлик дарвеш. Ҳар йили фор ичига кириб, қирқ кун чиллада ўтираман!

– Дарвешман денг? – тушунарсиз жилмайди Жонс. – Дарвешлар худонинг ердаги ноиблариридир.

– Энди менга исмингни айт! Бу ерга қаердан ва қандай мақсадда кирдинг?

– Исмим Жонс, – деди у ниҳоят ўзини таништиришга мажбур бўлиб. Мухбирман, жангарилар мени хонавайрон қилишди. Шу ерга олиб келиб ташлаб кетишди. Форнинг ичкарисига кирганимда қандайдир ҳалқа шаклидаги кучли нурга дуч келиб қолдим. Уни қўлимга олиб кўрмоқчи бўлгандим, у эса жойидан қўзғалиб кучли нур сочиб кўзларимнинг гавҳарини куйдириб юборди. Ҳозир ҳеч нарсани кўрмай қолдим. Кечадан бери ташқарига чиқиш мақсадида тиним билмай ҳаракат қиласман. Кўп бор йиқилдим. Бир оёғим лат еб, босишга ярамай қолди.

– Гапларингдан яна ёлғоннинг ҳиди келмоқда. Лекин сени ҳақиқатни гапиришга мажбур қилолмайман!

Жонс индамади. Дарвешнинг ўрнидан туриб кетишини кутганди, бироқ у жойидан жилмади.

– Қаттиқ совқотган кўринасан. Сени почапўстинга ўраб қўяман. Эрталабгача дам ол!

– Таклифингизни қабул қиласман. Ҳақиқатан ҳам совқоттанман. Жой қилиб беринг! Лекин сиздан бир илтимосим бор.

– Хўш?

– Мени ташлаб кетмасликка сўз беринг!

– Хавотиринг ўринисиз, дарвешлар ҳеч қачон ваъдаларига хиёнат қиласман. Қани, ўрнидан тур, ичкарироққа кирайлик.

– Оёғим қайрилган, юролмайман!

Faфур Жонснинг кўлтифидан олиб ичкарига бошлади. Улар тўхтаган жойни қиялаб ўтаётган ой нури ёритиб турарди. Текисроқ жой топиб Жонсни ётқизди. Почапўстинга ўраётганда унинг қўйнидан нимадир ерга тушди. Бу қофоз эди. Faфур уни киссасига солди. Жосус қаттиқ чарчаганди. Тезда уйқуга кетди. Faфур нарироққа бориб, бояги қофозни олди. Фонарнинг нурини тушириб ёзувларга кўз югуртирди. У араб алифбосини яхши биларди. Қийналмасдан ўқиди:

«Мен, Абдумалик сардор ўғли Орзимат Туркистон жумхуриятида ўз ҳукмронлигини ўрнатган Шўро ҳукуматининг таъқибидан қочиб, 1924 йил, жавзо ойининг ўн олтинчи кунида киндиқ қоним тўкилган қишлоғимни тарқ айлаб, завжам ҳамда уч ёшли ўғлим Фахризод ила олти ойлик қизим Гулсанамни олиб, ўзга ўлкадан бошпана топмоқни ихтиёр айладим. Кундуз кунлари тоғ-у тошлар орасида яшириниб, кечалари йўл босиб, бир ой деганда Амударё

бўйига етиб бордим. Сувнинг совуқлигига қарамай дарёни кечиб ўтишимиз жоиз эди. Гулжамол қизимиз совуққа чидамай, чинқириб йифлай бошлади. Товушини Шўро аскарлари эшитиб қолса, бизни ўққа тутишларидан чўчиб, зурриёдимни сувга чўктириб Яратган эгамнинг олдида охиратда ҳам кеширилмайдургон гуноҳи азимга қўл урдим. Афон заминига ўтганимиздан кейин биз одамлар яшайдургон қишлоқларни ахтариб, тоғлар сари юрдик. Бу юртнинг йўлларини яхши билмаганимиз ҳамда қалин туман босганлиги боис кўп адашдик, хўп қийналдик. Очлик ила совуқ барчамизни ҳолдан тойдирди. Завжам билан зурриёдимнинг тоби қочиб йўтал тутди. Ҳар иккисининг ахволи оғир бўлганлиги сабаб йўл юришга ҳолимиз қолмади. Шунда бу форни топиб, аларни ичкарига олиб кирдим. Совуқ қаттиқ бўлғонидан фор оғзини тошлар билан тўсдим. Хасталарга ёрдам бермоқ қўлимдан келмади. Ўша тунда ўғлимнинг жонини фаришталар арши аълоға олиб чиқиб кетди. Завжам бу йўқотишга чидамай танасидаги жамики суюқликларни кўз ёши ила тўқди. Бир кун ўтиб фарзандимнинг совуб қолғон жасадини қучоқлаб ётганча у ҳам Аллоҳнинг омонатини азоб-уқубатлар ичida топширди. Мен қийин ахволда қолдим. Фарзандларимнинг жонини сақлаб қоламан деб Ватанин тарқ айлагандим. Алар энди ёнимда йўқ. Жасадларини ташлаб кетсан, яшаб не мурод топардим, деган ўйда фор ичida қолишга азм айладим. Дарёдан ўтиш чоғинда совуқ менида чалғанди. Иситмам кўтарилиб, алаҳсирай бошладим. Кечалари безгак тутарди. Яқинларимни ўз қўлим билан кафандаб тупроққа қўйишга ҳам мадорим қолмаганди.

Юртни тарқ айлаш чоғида боболаримдан қолган ҳамда ўзим пешона тери ила топган бир пуд олтин-

ларимни оғир кунимда асқотиб қолар деган мақсадда шу томонга олиб ўтғондим. Афсуски, бойликлар мени ҳам, завжам ила зурриёдларимни ҳам ажал домидан асраб қололмади. Мен бойлигимни тош супа остига беркитдим. Бундан ташқари, фор ичида беҳисоб бойликтка дуч келдим. Анинг қийматини бир мамлакатнинг баҳосига тенг билдим. Буни ҳам ўз бойликларимга қўшиб супа остига беркитдим.

Кимда-ким фор ичинга кириб, ушбу номани ўқи-са, мени, фарзандимни ва завжамнинг жасадини ка-фанга ўраб, қабр қазиб дағнайласа, супа остидаги бойликларни фийсабиллоҳ, Аллоҳнинг розилиги ила унга инъом этгум. Мабодо майитларни тепки-лаб, бойликларни олиб кетса, рўзи маҳшарга қадар рухим чирқираб безовта қилгумдир».

Мактубни ўқиб Faфурнинг юрагида санчик турди. «Бечора, у қайси жойда ётибдийкин, ҳозироқ бо-риб жасадларини кўмиб қўярдим», дея ўйлади.

У ичкарига кириб борди. Анча юргач кўзи сочи-либ ётган суюкларга тушди. Ханжар билан кички-нагина қабр қазишга киришди. Икки соатча шу иш билан машғул бўлди. Faфур суюкларни йифиштириб қабрга кўйди. Билганича тиловат қилди. Кейин тупроқ тортди. Қабр тепасига тош кўйди. Орқага қайта-ётганида супа остидаги бойликлар ёдига тушиб қолди. Бироқ ҳозир вақт зик эди. Могора оғзига қайтди. Бу пайтда Жонс уйғонганди.

- Қайдасиз, эй яхши одам?
- Шу ердаман! – жавоб қилди Faфур.
- Ҳозир кунми, тунми?
- Тонг ёришди!
- Илтимосим бор сизга...
- Айт!
- Мени Жалолободгача элтиб қўя олмайсизми?
- Сен Жалолободга боришинг керакми?

- Шундай!
- Нима қиласан у ерда?
- Ўйимга кетишим керак. Танишларим кутмоқда! Улар мени кузатиб қўйишади. Мени шаҳарга олиб бориб қўйсангиз каттагина мукофотга сазовор бўлардингиз!
- Мукофотга?
- Янглишмадингиз.
- Қандай мукофот билан сийламоқчисан мени?
- Истаган пулингизни тўлайман.
- Дарвешларни бойлик, мол-дунё қизиқтирмайди.
- Юрагингизда бирорта армонингиз бордир?
- Бор, лекин уни бажариш сенинг қўлингдан келишига ишонмайман.
- Айтинг, танишларимнинг қўли узун, истаган нарсангизни муҳайё қилишади.
- Сен уларга ишонасанми?
- Ўзимга ишонгандек!
- Ўша танишларинг кимлигини билсам бўладими?
- Сиз уларнинг кимлигини билишингиз шартми?
- Манзилингга соғ-саломат етиб олишни истасанг, менинг саволларимга тўғри ва аниқ жавоб қайтаришингни маслаҳат бераман!
- Бурхониддин жаноблари! – бир оздан кейин жавоб қайтарди Жонс.

Кутилмаганда оғзидан чикқан сўз Жонсни тўрга туширибгина қолмай, балки ўзининг ҳам кимлигини фош қилди.Faфур тахминлари ҳақ бўлиб чиққанига амин бўлди. Тоғлар орасидаги горда бундай учрашувни мутлақо кутмаганди. Ошкора ўйинга киришга қарор қилди. Жонс бехосдан Бурхониддиннинг номи тилидан чиқиб кетганидан афсусланди. Қўрқинч ҳамда шубҳалар уни тамоман комига тортган эди. Аянчли қисматини ўйлаб, фақат ўз жони кўзига кўринганди. Ва айни чоғда ўзининг бутунлай ожиз-у

нотавонлигидан, тақдирга тан беришдан бошқа ило-  
жи қолмаганидан юраги вайрон бўлди.

– Бурҳониддиннинг сенга ёрдам беришига мен  
ишонмайман, – ўз шубҳа ва гумонларини тасдиқла-  
тиш мақсадида сўради Fafur.

– Мен эса сизни ишонтираман ва бунга кафолат  
хам бераман.

– Сен Бурҳониддинни яхши биласанми?

– Биз қадрдон дўстмиз! Биродарликни қадрлайди у.

– Гапларингга ишонсам бўладими?

– Худони ўртага қўйиб қасам ичаман!

– Унда бир илтимосим бор.

– Айтинг! Фордан эсон-омон чиқиб, мени  
Жалолободга олиб бориб, Бурҳониддин жанобла-  
рининг қўлига топширсангиз, истагингиз ўша пайт-  
нинг ўзида бажарилади. Бунга кафолат бераман.  
Айта қолинг, нима истайсиз?

– Бурҳониддиннинг одамлари бир танишимни  
асирга олган.

– Унинг асиirlарини қутқаролмайман.

– Ахир ҳозиргина ўзинг истаган илтимосингизни  
адо этаман деб ваъда бердинг-ку!

– Асирингиз унинг қўлидалигига ишончингиз ко-  
милми? – бошқа иложи қолмаганини тушуниб сўра-  
ди Жонс.

– Албатта!

– У тирикми?

– Тирик, уни шу ерга олиб келиш керак. Мен уни  
кўрган заҳотим сен озодсан!

– Сиз мени Жалолободга олиб боролмайсизми?

– Менинг кимлигимни унутма, мен шаҳар кеза-  
диган одам эмасман. Шу ердаги форлар ичига кириб  
чиllага ўтиришим керак.

– Унда мени Жалолободга ким олиб боради?

- Икки энлик мактуб ёзиб берсанг бас.
- Бурхониддинни яхши билмас экансиз, у мактуб-ларга ишонмайди. Бирорта одамингиз бўлса, айтинг уни жўнатамиз.
- Бурхониддин тоғликларга ўлса ҳам ишонмайди.
- Фафур энди ўз мақсадини очадиган пайт келгани-ни тушунди.
- Ҳозир сенга бир янгилик айтаман, – деди Faфур Жонста қарата. Қандай гаплигини билишга қи-зиқкан жосуснинг қулоқлари динг бўлди.
- Қишлоқдаги қароқчилар яқинда нотаниш бир одамни қўлга олишди. Кўринишидан, гап-сўзларидан сени форга ташлаб кетган танишларингдан бўлиши мумкин.
- Исми нима экан?
- Бизга ўзини қўшни қишлоқданман деб та-ништириди. Бироқ унинг кўзлари ва юзлари бу ер-нинг одами эмаслигини билдириб турибди.
- Ҳозир қаерда у?
- Зинданда! Қароқчилар уни узок ушлаб туриш-майди. Ўлдириб юборишлари мумкин.
- Мен уни кўрсам бўладими?
- Истасанг у билан юзлашибираман!
- Жонс нималарнидир ўйлаб жим қолди.
- Таклифим маъқул келмадими? – сўради Faфур унинг хаёлини бўлиб.
- Розиман, олиб келинг!
- Фақат бир шарт билан!
- Бунча шартни кўп қўясиз?
- Чунки гап сенинг ҳаёт-мамотинг устида кетмоқда.
- Гапиринг!
- Ўша йигитни элчи сифатида Бурхониддиннинг хузурига жўнатамиз. У бориб сенинг номингдан ўша тутқун йигитни бу ерга олиб келади. Уни кўрганим-

дан сўнг сени озод этаман. Унгача менинг азиз меҳмоним сифатида хурматингни жойига қўяман!

– Ўта оғир шарт қўймоқдасиз, дарвеш.

– Жонинг омон қолиши ва юртингга етиб бориш олдида бу шарт ҳеч нарса эмас.

– Яхши, мен розиман! Мабодо сизнинг одамингиз Бурхониддиннинг қўлида бўлмаса ёки қочиб кетган бўлса, мени айбдор ҳисобламайсиз.

– Огоҳлантириб қўяй, салгина ножўя ҳаракат қилсанг, иккингиз ҳам мана шу тоғлар ичидаги қолиб кетасиз.

– Хавотирланманг, барчаси ўйлаганингиздек бўлади. Бизни қачон учраштирасиз?

– Эртага!

Шу пайт тепаликдан одамнинг қучоги етмайдиган иккита тош кўчди, орқасидан бир неча майдага тошлар ҳам тушди. Атрофда чанг тўзиди. Улкан тошлар бўлакларга ажраб улар турган томонга думалаб кела бошлади. Fafur ўрнидан сапчиб турди ва Жонсни даст кўтариб четга олди. Тош уларнинг ёнидан думалаб пастликка тушиб кетди.

– Нима бўлганини айттолмайсизми? – сўради Жонс, унинг юзларида хавотир зуҳур этган эди.

– Сезмадингми?

– Кўзим кўр бўлса...

– Боя сен турган жой тепасидан тошлар қулаб тушди, – жавоб қайтарди Fafur. – Худо суйган бандага экансан, омон қолдинг. Акс ҳолда иккимизни ҳам мажақлаб ташларди!

– Ё худойим-её!

– Бу ерда сени ёлғиз қолдириб кетолмайман. Истаган пайтда тошлар кўчиб тушиши мумкин. Қолаверса, форнинг оғзи тепасида улкан чўқки турибди. Унинг устидаги қорлар кўчиб, монора оғзини ёпиб қўйиши мумкин.

– Олижаноб одам экансиз. Яхшилигингизни бир умр ёдимда сақлайман. Мени бу ердан олиб кетмоқ-чимисиз?

– Бошқа иложим йўқ.

– Мен сизга қийинчилик туғдиришни истамайман.

– Сен яшашинг керак, балки шифокорлар қўзинг-ни очиши мумкиндири. Менга эса сенинг ёрдаминг зарур. Чиллага ўтиришдан аввал бечора бир йигитни золимлар зулмидан озод қилишни хоҳлайман.

– Бу гапларингиздан ҳақиқий инсонпарвар экан-лигингизга тўла ишонч ҳосил қилдим. Яна бир бор такрорлайман, олижаноб одам экансиз! Мен сизнинг илтимосингизни албатта бажараман!

– Қани, олға!

Faфур Жонсни даст кўтариб елкасига олдида, монора оғзи томон юрди.

Маълум соатларда тоғдаги вазият ўзгариши мумкин эди. Та什қарига чиқишганда қоронгилик чўка бошлиганди. Faфур келган йўлини йўқотиб қўйди. Атрофга боқди. Баланд қояларни мўлжал қилиб йўлни топди. Айрим жойларни чўққилардан тушган қўчкилар тўсиб қўйганди. Улар ўзлари билан бирга тошларни ҳам қулаб тушган ва йўлларда қорайиб қўринарди. Юриш, айниқса, елкасида ўзининг оғирлиги баробар юкни кўтариб бориш осон эмасди. Faфур тиззасидан қор кечиб, қулаб тушган тошларни айланиб ўтарди. Жонс қийинчиликларни юраги билан ҳис этарди ва дарвешнинг қийналает-ганидан хижолат тортарди. Толиқиши ва оёқларида турган оғриқлар туфайли Faфур вакти-вақти билан уни тошлар устига ўтқазиб дам олар, бир оз куч тўплаб яна йўлда давом этарди.

– Сиз менинг хаётимни сақлаб қолдингиз, бироқ сизнинг бу яхшилигингизга мен қайтарадиган яхшилик teng келармикин, – деб қўярди гоҳида Жонс.

– Мен сендан ҳеч қандай яхшиликни талаб қилмайман, фақат илтимос қиласман. Агар қўлингдан келса, айтган одамимни шу ерга келтириб беролсанг сен ҳам менга нисбатан умрбод ёдда қоладиган савоб иш қилган бўлур эдинг. Удда қилолмасанг сенга ҳеч қандай эътиrozим йўк.

Faфур бу сўзларни вақтинча бўлса-да, Жонсда ҳеч қандай шубҳа уйғотмаслик мақсадида айтди.

– Гапларингиз таъсирили.

Улар ўринларидан туриб йўлга отланиши. Ҳеч қанча юрмасдан қаршиларидан терак бўйи қор кўчкиси чиқди. Тепаликни айланиб ўтиш даркор эди. Бироқ бир томони чўққига туташиб кетгани боис, унга тирмашиб чиқиш мушкул эди. Иккинчи томони эса туби кўринмас жар. Ҳар икки томондан ўтиш хавфли. Faфур учун кўчкининг устидан ошиб ўтишдан ўзга йўл қолмади. Бу ҳам хатарли эди. Қор ичи-га ботиб кетиш мумкин.

– Нега тўхтаб қолдингиз? – сўради Жонс.

– Қаршимиздан қалин қор кўчкиси чиқди. Баландлиги нақ ўн метр.

– Айланиб ўтсак бўлмайдими?

– Иложи йўқ.

– Сабаб?

– Бир томони тошли тепалиқ, хавфли. Иккинчи томони чуқурлик. Оёғимиз тойиб кетса, иккимиз-нинг ҳаётимизни ҳеч қандай мўъжиза қутқариб қолмайди.

– Нима қилиш керак?

– Биргина йўл кўчки устидан ошиб ўтиш.

– Мен ярамайман. Сизни қийнаб қўяман.

– Мен сени кўтариб ўтишдан эмас, қорга ботиб қолишидан чўчимоқдаман. Агар ботиб қолсак, иккимиз ҳам қор ичидаги музлаб қоламиз.

– Унда мени шу ерда қолдириб, ўзингиз кетаверинг! Қайтиб келгунингизча кутаман.

– Бундай гапларинг жонимга тегди!

– Кечириңг. Ўзимдан кўра кўпроқ сизнинг тақдирингизни ўйламоқдаман.

– Гапимга қулоқ сол. Биз кўчки устидан ошиб ўтамиз. Менга худди чаёндек ёпишиб оласан. Қорга ботиб бораётганимизда ҳам мени қўйиб юбормайсан, тушундингми?

– Тушундим!

– Унда кетдик!

Faфур Жонсни кўтариб, елкасига миндириб олдида, қаршисидаги қор уюми томон юрди. У яссиликни топди. Шу ердан чиқиш ўнгайроқ эди. Аста тепаликка кўтарила бошлади. Бармоқлари билан соувук қорни чанглалар, чанглалаган жойидан эса қор кўчиб тушарди. Ўйлаганчалик қор юмшоқ эмасди, тошдек қотиб қолган экан.

– Ёнимда ханжар бор, балки у аскотиб қолар, – деди Жонс шеригининг қийналаётганини сезиб.

– Бер! – деди Faфур уни ерга қўйиб.

Жонс чўнтағидан ханжарни олиб узатди. У узун ва ўткир икки тифли эди. Ханжар билан бир неча чукурлар ясади. Булар оёқ қўйиш учун қулай эди. Улар яна тепаликка кўтарилишди. Бир оз бўлсада, ясалган чуқурчалар уларга қулайлик туғдирди. Қийналиб кўчки устига чиқиб олишди. Тун яrim бўлганди. Осмон тиниқ эди. Юлдузлар чакнаб турарди. Улар тепалик устида дам олишди. Пастга тушиш ҳам эҳтиёткорликни талаб қиласарди. Сирпаниб тушгудек бўлишса, оёқлари қор остида қолиб кетган тошларга тегиб жароҳат олиши ҳеч гап эмас. Faфур шеригини тепаликда қолдириб, ўзи ханжар ёрдамида яна оёқ қўядиган чуқурчалар ясади. Кейин Жонсни елкасига опичлаб, пастга олиб тушди.

Катта хавфдан қутулганини ва ҳамроҳи унга ҳеч қандай ёмонликни право кўрмаслигини тушунган Жонс чин кўнгилдан Faурнинг илтимосини бажаришга қарор қилди.

Улар қароқчилар қароргохига яқин келиб қолишганда тонг ёришганди. Энди йўл хатарлардан холи эди. Тепаликлар ҳам, пастликлар ҳам бўлмаганидек, қоялардан қор кўчкилари, тошларнинг қулаги тушиш хафи ҳам йўқ эди.Faқат йўлда майда тошлар сочилиб ётарди. Қадам қўйганда тақиллаб фашга тегарди. Биргина хатар Жобирнинг одамлари уни шериги билан кўриб қолишида эди. Faфур бунинг олдини олиш мақсадида Жонсни ҳайвонлар кавлаб кетган чуқурликлар ичида қолдириб, ўзи қароқчилар ҳузурига боришга қарор қилди. Унинг таклифини Жонс эътиrozсиз қабул қилди. Тамадди қилиб олишгач, Faфур йўлга чиқди...

**Наманган – Олмаота,  
Сентябрь – декабрь, 2014 йил**

Ўнинчи китоб тугади.

Давоми бор.

## ЎҚУВЧИМГА

Мен оддий дехқон оиласида таваллуд топдим. Уйимиз Сирдарёнинг ўнг соҳилида жойлашган. Еримиз қадимги Ахсикент шаҳри ҳудудига туташ. Ло-лақизғалдоқлар босган томимизга варрак учиргани чиққанимда қадимий пойтахт ҳаробалари кўриниб турарди. Узок вақт ўша томонларга тикилганча туриб қолардим. Онамнинг исми Обида эди. Раҳматли бу фоний дунёда эллик йил умргузаронлик қилди. Умри меҳнатда ўтди. Ўрта бўй, корачадан келган, елкалари меҳнат азобларидан буқчайган, кўллари ҳудди қуриган саксовулнинг томиридек ингичка, саводсиз бўлса-да, акл-фаросатли аёл эди. Ёмғир тиқ этса, томидан чакка ўтадиган, деворлари тутундан қорайган, сувофида волидамнинг бармоқ излари муҳрланиб қолган, ҳамиша тутуннинг қўланса иси анқиб турадиган бир хонали, дераза ўрнига одамнинг боши сифадиган туйнуги бўлган, катта энам Ўғилбибининг вафотидан кейин мен учун қадрдон бўлиб қолган уйчада иккимиз қолгандик. Ахволимиз оғир эди. Қорним очганда ҳамирпечдан нон то-полмаган кунларим кўп бўлган. Ёдимда, ярим тунда ёмғир тўсатдан бошланиб, шиддат билан ёға бошлади. Эрталаб турсак томдан чакка ўтиб, онам бир ой далада кетмон чопиб топган иш ҳақига берилган ўн килограмм ун ҳамирга айланиб қолибди. Онам ҳўн-граб йифлаган, бир ҳафта оч қолганмиз.

Онам тонгдан шомга қадар тирикчилик ташвишида куйманиб, гоҳ далада кетмон чопиб, гоҳ бозорда майда-чуйда буюмларни сотиб юргани хозир ҳам кўз ўнгимда. Буғдойзорга ўроқ тушиб, ҳосил йифиштириб кетилгандан сўнг онамни дугоналари билан анфизда қолган бошоқларни тергани учун қамашган. Ўрис терговчи уларни озодликка чиқариб юборган. Отам ҳақида ҳеч нарса деёлмайман. Уч ойлигимда бизни ташлаб кетган. Унинг тақдири билан хозирга-ча қизиқмаганман.

Ёлғиз фарзанд эдим. Тенгдошларимга қараганда мактабга барвақтроқ бордим. У пайтларда бошланғич синфларни битта хонага йифиб сабоқ беришарди. Ўқишим билан мақтанолмайман. Китоб-дафтарга пул тополмасдик. Тирикчилик ташвишида куймаланиб юрган онагинам ўқишимга эътибор беришга вақт тополмасди. Устимдан жулдир кийимлар тушмасди. Гоҳида ботинкамнинг йўқлиги, гоҳида кийимимнинг йиртилиб кетгани ёки дафтар-китобим бўлмагани сабаб мактабга боролмасдим. Ўқитувчиларим мактабдан четлатишга уринишарди. Олтинчи ёки еттинчи синфга ўтганимда, бўйим чўзилиб, билагимга куч йиғилиб, одамларнинг уйида мардикор бўлиб ишлай бошладим. Гувала думалатдим, шоли ўтадим, пахсакашга лой кесиб бердим. Колхознинг молхонасида мол бокдим. Далада кетмон чопдим. Озми-кўп пул топдим. Ҳаётимиз изга туша бошлади. Бир маҳал бўлса ҳам қозонимиз қайнади. Ўша уч қадамга тўрт қадам ўлчамдаги уйимиз ичини ёғли таомнинг ҳиди тутди.

Ёдимда: онам пиширган овқатни доимо ҳузурланиб, роҳатланиб ичардим. Ўша таомларнинг таъми хозир ҳам тилимда, қўмсайман....

Ўқишим яхшиланмади. Ўзлаштиришим пастлигича қолди. Ёзган иншомдаги хатолардан дафтарим

қизил рангга бўялиб кетарди. Яхши ўқимаганимдан, умримнинг кўпини бекорчи ишларга сарф қилганимдан пушаймонман.

Олийгоҳга киролмадим. Биринчи имтиҳон тақдиримни ҳал қилди. Армияга жўнадим. Икки йиллик хизмат ҳаётимда кескин бурилиш ясади. А.Дюманинг «Граф Монте Кристо» романини хизматдалигимда ўқиганман. Толстой, Шолохов, Гоголь, Кодрий, Айтматов, Н. Фозилов асарлари сирдошимга айланди.

Мактаб партасида ўқиб юрганимда газеталарга мақола ёза бошладим. Уларнинг ўнтасидан биттаси ўзгартиришлар билан босиб чиқариларди. Кейинчалик кичик ҳикоялар машқ қилдим. Уларнинг кўпи газета юзини кўрмади... Йигирма икки ёшимда онамни ўқотиб қўйдим. Ўттиз саккиз йилдан бери у кетган йўлга соғинчдан ёшга тўлган кўзларимни тикаман. Назаримда волидам қаергадир чиқиб кетган, қайтиб келади ва бугун менинг қандай яшаётганимни кўриб, суюнганидан кўзлари ёшланади деб гоҳ севинч, гоҳида ўқинч билан орзиқиб ўйлайман. Бироқ у келмайди. Қабри тепасида юм-юм йифлаб қайтаман. Эндиғина ҳаёт йўлига қадам қўйган йигитнинг ягона меҳрибонидан айрилиши оғир экан. Хувиллаган уйда танҳо қолдим. Айрилиқ ҳозиргача юрагимни кемиради.

Ҳар хил одамларга қўшилдим. Адашдим, алдандим... Дўстлар орттиридим. Нодонлар оёғимдан чалди. Йиқилсам кулди, кулсам йифлади. Тезда йўлимни топиб олдим. Ўғирлик қилмадим, бироннинг мулкига кўз олайтирамадим. Таъмагирлик кўчасидан ўтмадим. Ватанимга, элимга хиёнат қилганларга қарши аёвсиз курашдим. Шул сабаб она диёrim олдида юзим ёруф.

Ҳаёт мени яхши инсонлар билан учраштириди. Улар менга туғишигандаримдек қадрдон. Кўплари билан ҳозир ҳам борди-келдимиз бор. Юрагим күш мисоли яхшилар дийдорига, сухбатига, даврасига талпинади. Ёзганларимни амалдорлар, мансабдорлар ўқиб лабларини буришди. Юзсиз кимсалар ўзлари битган иғво хатларини менинг гарданимга ағдаришди. Ўғри деб қаматмоқчи бўлишди, ўғри топилгандা эса юзлари қизармади, ҳақиқат тантана қилди, ёмонларнинг жирканч башаралари очилди. Тош отганларга ёмонлик тиласадим, гина-кудурат сақламадим. Рўпара келганларида қўлимни кўксимга қўйиб салом бердим. Юкларини қўлларидан олдим, хизматларини қилдим.

Ҳаётимда муҳбирлик муҳим ўрин тутганлиги ни мамнуният билан эслайман. Олийгоҳда сиртдан ўқиб юрган пайтларим турли газета ва журналларда босилган, радиоларда ўқилган мақолаларим, лавҳаларимдан келган қалам ҳақи ҳамиша шамол ўтиб юрадиган чўнтағимни тўлдириб турди. Йигирма уч ёшимда «Ўзбекистонда хизмат қўрсатган маданият ходими» унвонига тавсия этилдим, бироқ жинсим тўғри келмади. Кулгили ҳол, шундай эмасми?

Менинг адабиётга кириб келишимда Ўзбекистон халқ ёзувчиси ва давлат мукофоти лауреати Ҳабиб Саъдулланинг меҳнатлари бекиёс. Халқимизнинг севимли шоири, зукко, очиқ кўнгил, самимий инсон, босмадан чиққан ҳар бир китобим учун фахрланиб, қувониб, фурурланиб юрадиган, катта-кичик анжумларда «ўзбек адабиётида илк бор роман-эпопеяга асос солган Исоқжон Нишонов» деб таништириб юрадиган Зиёвуддин Мансурдан умримнинг сўнгига қадар қарзорман.

Илк китобим «Марафонна» Тошкентдаги «Чўлпон» нашриётида, элимизнинг севимли ёзувчиси,

Ўзбекистонда хизмат кўрсатган санъат арбоби устозим Носир Фозиловнинг тавсияси билан босилди. Шу инсон ўша пайтда чиқадиган «Ленин учқуни» газетасида оқ йўл тилади. Кейинчалик Сайд Аҳмад, Ўткир Ҳошимов, Шукур Холмирзаев, Худойберди Тўхтабоев, Саъдулла Сиёев, Тоҳир Малик каби устозларнинг сабогини олдим.

1990 йилларга келиб маълум муддат ижодий ишлардан чекиндим. Болаларим катта бўла бошлиганди. Тадбиркорликка қўл урдим, паррандачилик хўжалигини ташкил этдим, тижорат дўконини очдим. Омадим чопмади деб айттолмайман, бироқ қаршимида кўзлари мўлтираб турган одамларнинг қўлидан пул олишни ўзимга эп қўрмадим. Кўнглим эса адабиётга талпинарди.

2000 йилларга келиб чанг босган столимга қайтиб ўтирдим. Қофоз-қаламларимни қўлимга олдим. Бисмиллоҳ деб иирик асарларга қўл урдим. Кўплаб ҳикоялар, суд очерклари, қиссалар ва ниҳоят, романлар битдим. Улар республикамизнинг турли нашрларида чоп этилди. Каминага ифво тоши отаётганлар яна қўзиқориндек у ер-бу ерда қўриниб қолишиди. «Бу асарлар уники эмас, исмдош одамларники» деган гапларни тарқатишиди.

Тангримдан уларга инсоф, ўзимга сабр-бардош тиладим.

2009 йилда «Афон шамоли» романимнинг биринчи китоби нашр этилди. Асарни китоб ҳолида чоп этишга маблағ тополмай қийналиб юргандим. Худо раҳматли, ажойиб инсон, Чуст босмахонаси-нинг директори Шукурхон Тошхажаев қийналиб юрганимни кўриб, олдига чақирди: «Китобларингни ўзим бостириб бераман, ҳақини сотганингдан кейин тўларсан», – деб қолдилар. Суюндим. «Афон шамо-

ли» романининг биринчи китоби у кишининг ёрдами билан бир йўла 4000 нусхада чоп этилди. Китоб сотиш борасида ҳали тажрибам етарли эмасди. Китоб дўйонларига олиб бордим. У пайтларда шаҳарларда битта-иккита китоб дўкони бўларди. Битта китоб учун беш юз сўм устама қўйдим. Бу менинг оппоқ қофоз устида уйқусиз ўтказган тунларим учун эмас, балки кейинчалик ҳақимни олиш мақсадида шаҳарларга бўзчининг мокисидек бориб келишим учун йўл ҳақим эди. Минг илтимос билан ташлаб келардим. Ҳақимни берганлардан бермаганлари кўпроқ бўлди. Мазкур китоб қўлма-қўл бўлиб кетди. Олти ойда тугади. Бироқ магазинчи дўстларимдан сотилган китобимнинг ҳақини ололмасдим. Одамлар асарнинг иккинчи китобини сўрай бошлишди. Уйимдаги иккита буқани ва болаларим учун бир пайтлар олиб қўйган томорқамни сотишга мажбур бўлдим. Китобнинг иккинчи бўлими ни босмахонага топширдим. Шундай қилиб, мен катта ижод даргоҳига қадам босдим. Юртга, элга танилдим. Турли ташкилот ва муассасаларга учрашувларга таклиф этишди. Олий ўқув юрти талабалари билан йилига икки-уч бор учраман. Асарларим ҳақида ёқлаётган диплом ишларида бирга бўламан. Мамлакатимизнинг турли вилоят ва шаҳарларидаги муҳлисларим учрашувларга таклиф этишади. Ҳарбий хизматчилар чақиришади, китобларимдан совға қиласман. Малака ошириш институтига келган ҳамкасларим ижодимга қизиқишиди. Уларнинг таклифларини, фикрларини эшишиб бошим кўкка етади.

Ажойиб инсон, қалами ўткир адаб ва таржимон, дўсти вафодор Рустамjon Умматов «Огоҳликка чорловчи роман» ва «Ватанпарвар адаб» деб ном-

ланган илмий мақолаларида «Афғон шамоли»да ёв-  
ларга нафратдан ва Ватан қайғусидан ўзга гап йўқ.  
Зеро, ўзбек адиби қалбида бундан бўлак қайғу бўл-  
моғи ҳам мумкинми?» деб баҳо берган бўлса, оташ-  
нафас шоир ва публицист Содик Сайхун «Тинчлик-  
ни тинчликда асранг одамлар» номли йирик мақола-  
сида «Исоқжон Нишонов «Ватан ОМОН бўлса, сиз  
ҳам омонсиз, Ватан тинч бўлса, сиз ҳам тинчсиз, тақ-  
диримиз эгиз. Ватанга хиёнат – ўзингизга хиёнат!»  
деган огоҳномани китоблар қатига чуқур сингдириб  
юбориш иштиёқидаги бедорликдан ижод завқини  
туяди» дея, янада илҳом билан қалам тебратишга  
чорлади.

Асарларимга нафақат мамлакатимизда, балки  
хорижда ҳам қизиқиш ортди. Германиядаги бир  
қатор ноширлар асарнинг таржимаси билан қи-  
зиқиб қолиши. «Шлоссер» нашриёти 2013 йил-  
нинг декабрида мазкур романнинг биринчи кито-  
бини немис тилида босмадан чиқарди. Буни қа-  
рангки, Германиянинг энг йирик кутубхоналардан  
бири «Афғон шамоли» романини қабул қилганли-  
ги тўғрисида маҳсус гувоҳномани юборди. Орадан  
ҳеч қанча фурсат ўтмасдан нашриёт муҳаррири-  
дан шундай мактуб олдим.

*«Афғон шамоли» романи немис адабий танқид-  
чилари ва китобхонлари томонидан ижобий баҳо-  
ланмоқда. Ўйлаймизки, бу ҳали бошланиши ва тез  
орада мазкур ўзбек детектив романи Германияда  
ҳам кўплаб ўқувчиларини топади.*

*Салом билан Михаил Шлоссер.*

*14 феврал, 2014 йил».*

Кувончим кўксимга сифмай юрган кунларнинг би-  
рида иккинчи мактуб келди:

**«Жаноб Нишонов!**

*Германиядаги китоб савдоси билан шугуллана-  
диган энг иирик компания Сизнинг асарингизга кат-  
та қизиқиш билдиримоқда. Яқин кунлар ичіда улар  
билан шартнома түзиши режалаشتырылғанмиз.*

*Салом билан Михаил Шлоссер.*

*28 декабр, 2014 йил».*

Германиянинг «Frankfurt verlag» нашриёти рахбари йилига каминани Англия, Австралия ва Германиянинг икки шаҳрида бўлиб ўтадиган халқаро китоб кўргазмасида иштирок этишим учун таклифнома жўнатди. Асарларимга жаҳоннинг турли мамлакатлари ноширларида қизиқиш пайдо бўлганини билдирганида, камтарин ижодимнинг бундай эътирофи кўзимга ёш келтирди.

Ижодимга ғайри кўз билан қараганлар ҳам бўлди. Улардан бири китоб чиқаётган нашриёт раҳбари нинг ҳузурига кириб, «Ёзганлари олди-қочди воқеаларнинг жамланмаси. Бундай китобларни чиқаришни тўхтатиш керак», деган таклиф билдириди. Бу дўстимга ҳурматим баланд эди. Айбим – ёзишда бир оз жадаллашиб кетганим. Янги йил кечасида вилоят ҳокими бир гурух ижодкорларни қабул қилди. Эндинина қўлига қалам тутган, икки қатор шеър битган, капалакнинг қанотидек китобча чиқариб, ҳозирда «бош оғриқ иш»ни йиғишириб қўйган, бояги дўстимизнинг остига пахта қўйиб юрадиган қўл-оёғи чаққон кимсалар рўйхатнинг юкорисидан жой олишиди. Умумий китобларининг жамланмаси салқам беш юз минг нусхадан ошган каминага улар сафидан жой тегмади. Негалигини ҳозиргача билмайман. Олийгоҳларда, мактабларда ўтказиладиган учрашувлар, кечаларга боришимга ҳам ҳозир шу дўстимиз кўкси-

ни қалқон қилиб: «У ёзувчилар уюшмасининг аъзо-си эмас», – деб эътиroz билдириб туради.

Ёшим ўтиб, ақлим тинқлашиб, яхши-ёмонни ажратиб, елкамга офтоб нури тушиб, хўрликлар, камситишлардан эзилган бағримни кўтариб, ўта-ётган қунларимга шукrona айтиб, қувониб, яйраб юрган кезларимда тақдирнинг кутилмаган зарбасига рўбару келдим. Йигирма саккиз ёшли, алпқомат, суюкли фарзандим Баҳодирни йўқотиб қўйдим. У мени, онасини, опа-укаларини фироқ ўтига ташлаб, боқий дунёning олис йўлларига риҳлат қилди... Сочларимга қиров қўнди, елкамга тоғ қулади, қаддим букилди, юзимга ажинлар из солди. Юрагим пора-пора бўлиб ёнди. Ўттиз йилдан буён онамни тушимда қўрмайман, соғинсам суратига термиламан, қабрини зиёрат қиласман. Боламнинг ташлаб кетганига ҳам икки йилдан ошди. Кунора қабрига чиқаман, кечалари худодан тушимга киришини ёлвориб сўрайман, аммо тушларимга кирмайди. Даста-даста суратлари бор, кўзимнинг гавҳаридек асрайман, бироқ кўрай, дийдорига тўяй дейман, юрагимнинг бардоши етмайди. У мисоли қофозга ўхшаб қолган. Ундан қолган ёлғиз ёдгорининг қўзларига, юзларига боқаман, болагинамнинг аксини қўргандек бўламан...

2014 йилнинг ноябрь ойида Англиянинг нуфузли нашриётларидан бири «Hertfordshire press» Олмаота шахрида ташкил қилган Халқаро ёзувчилар Форумида қатнашишим учун таклифнома юборди. Бордим. Дунёning таниқли ёзувчиларидан польшалик (ҳозирда Германияда яшаётган) В.Вишневский, Буюк Британиялик адаб Дэвид Пэри, шотландиялик Р. Робинсон, қозоғистонлик таниқли шоир Мухтор Шаханов, Қирғизистон халқ ёзувчиси Казат Акматов, туркиялик профессор Абдулваҳоб

Қора, шотландиялик Робин Томсон ва бошқа адилар билан учрашиш бахтига мұяссар бўлдим... Вишневский асарнинг немисча нашри хақида фикр билдириб, «Ватанни шарафлаган асар» деб баҳо берди.

Деярли ҳар куни мамлакатимизнинг турли бурчакларидан қалб түйғулари битилган мактублар оламан. Интернетдаги хабарларни ўқийман. Уларнинг айримларини эътиборингизга ҳавола қилишни лозим топдим.

«Исоқжон Нишонов ёзган «Афгон шамоли» детектив романини ўқиб Ватан нақадар буюк неъмат эканлигини янада чукурроқ англадим».

Бошқа бир муҳлис «Дунёда бир баланд тоғ бор деб эшитганман. Хурматингиз шу тоғдек баланд бўлсин. Ўша тоғнинг бошида оқлиқ бор дейишади, кўнглингиз шу қордек оппоқ бўлсин. Ўша тоғдан пастга тушганда кўк арча бор дейишади. Савобингиз шу арчадек мўл бўлсин. Янада пастга тушсангиз тоза булоқ бор дейишади, юрагингиз шу булоқдек қайнаб турсин. Ўша булоқ ёқасида олис йўл бор, умрингиз шу йўлдай узун бўлсин», деб ёзди.

Яна бири «Ватанга бўлган садоқатингиз қиёматда бошингизга соябон бўлсин», дея тилак йўллайди. Бундай мисолларни кўплаб келтиришим мумкин.

Ширин сўзларини аямаган, қалбимга далда берган инсонлар қаршисида умрбод қарздор деб биламан ўзимни.

Йигирмага яқин роман, ўнлаб қиссалар, ўнлаб ҳиқоялар жамланмасининг муаллифиман. 50 га яқин китобим элнинг қўлида, юз минглаб нусхада чоп этилган... Асарларим орқали юртимга бўлган адоксиз меҳримни, садоқатимни куйлаб, унинг муқаддас тупроғини кўз қорачифидек асрашга, ҳушёрикка, нияти бузуқ кимсаларнинг тўрига илиниб қолмасликка даъват этаман.

Оддий қишлоқда туғилиб, ҳозирда ҳам киндиқ қони томган жойда яшаётган адабиёт ихлосманди-нинг ёзган асарларини халқимиз, қолаверса, дунё-нинг қатор мамлакатларидағи ўқувчилар томонидан мутолаа қилинаётгани камина қалбіда чексиз ифтихор түйфуларини уйғотади... Зоро, мен учун әнг буюк баҳт, әнг юксак мукофот шунинг ўзи!

**Сизга чексиз ҳурмат билан,  
муаллиф**

## **МУНДАРИЖА**

Доши .....	3
Кундуз .....	6
Истанбул .....	17
Жалолобод .....	45
Юртда .....	64
Жалолобод .....	72
Саманган .....	80
Жалолобод .....	89
Истанбул .....	95
Афғонистон .....	116
Юртда .....	135
Жалолобод .....	150
Ўқувчимга .....	179

*Адабий-бадиий нашр*

## **ИСОҚЖОН НИШОНОВ**

**АФФОН ШАМОЛИ  
ТҮФОН**

*Роман  
Ўнинчи китоб*

*Тўлдирилган қайта нашри*

Муҳаррир  
Мухайё РИХСИБЕКОВА

Мусаҳҳих  
Мадина МАҲМУДОВА

Бадиий муҳаррир  
Уйғун СОЛИХОВ

Саҳифаловчи  
Суннат МҰСАМЕДОВ

Техник муҳаррир  
Умидбек ЯҲШИЙМОВ

Лицензия рақами: АI № 252, 2014 йил 02.10 да берилган.  
Босишига 2016 йил 30.08да рухсат этилди.

Бичими 84x108<sup>132</sup>.

Босма табоги 7,0. Шартли босма табоги 11,76.  
Гарнитура «Peterburg». Офсет қофоз.  
Адади 5000 нусха. Буюртма № 178.  
Бахоси келишилган нархда.

«Янги аср авлоди» НММда тайёрланди.  
100113. Тошкент, Чилонзор-8, Қатортол кўчаси, 60.

**Мурожаат учун телефонлар:**

Нашр бўлими – 147-00-14; 129-09-72;  
Маркетинг бўлими – 128-78-43; 397-10-87;  
факс – 273-00-14;  
e-mail: yangiasravlod@mail.ru